

Fedya

H. P.



IONALE
55
K
8
VITT. EMANUELE
OMA







DIONYSII
 PETAVII
 AVRELIANENSIS
 E SOCIETATE IESV
 ELENCHVS THERIACÆ
 VINCENTII LENIS.



PARISIIS,
 Apud { SEBASTIANVM CRAMOISY, Regis & }
 { Reginz Regentis Architypographum: } via Iaco.
 ET bza, sub
 GABRIELEM CRAMOISY. Ciconiis

M. DC. XLVIII.
 CVM PRIVILEGIO REGIS.

DEPT. A. V. I.



AD ERVDITVM,
ET CATHOLICVM LECTOREM
PRÆFATIO.



*Q*UÆ sub Vincentij Lenis suppositio nomine Theriaca nuper in lucem prodiit, ad eam ariolo, & coniectore nihil opus fuit, uti nobis de vero ac germano illius auctore constaret. Nam etsi latere utcumque velle præ se tulit; non tamen ita dissimulare potuit, quin facile deprehenderetur fabulosis illius apud Ariostum herois Rodomondi pane cognominis Doctor. Vsq̃ue adeò geminus ille fetus est alijs ab eodem editis, quæ tum argumento ipso, tum tractandi genere, ac stilo, carnificinam hominum redolent. Nec cruentam modò lanienam & anatomen: sed, quod deterius est multo, abhorrentem ab Romana, & catholica fidei integritate doctrinam. Cuius aliud agenti haud obscurum indicium excidit hoc ipso, quod se Arausicanum inscripsit. Ut non tam occultanda patria caussa sibi hoc præcipuè nomen assumpsisse videri possit, quam eius, cui est addictus, testificanda religionis, ac sectæ; quæ in Arausicana vrbe principatum hodiè tenens, eadem cum Armacano Batauo de Libero arbitrio, & Christi gratia decreta profitetur. Quorum quidem patrocinium Vincentiana illa Theriaca suscepit: sed euètu adeò non secundo, uti nullus eam, vel partium earundem, sine stomacho, & contemptu

legerit in Galliis, nullus dignam responsione iudicariſ.
Nam cūm infeliciter & iratis omnibus Gratiuſ eſt con-
cepta; tum noui nihil admodū ad cauſſam conſulit,
quod momenti ſit viliuſ: quodque ex antiſtite dogmatiſ
illiuſ non pene verbatim depromptum fuerit; & in eo
confutando, iam à nobiſ proſtigatum & euerſum.

Sed quoniam talium hac eſt hominum indoles, vt ea-
dem leuiter commutata, & interpolata, tanquam Siſy-
phi Quæſta, ſæpiuſ ingerat, & inculcent, atque ab ignariſ,
vel incurioſiſ lectoribuſ, hoc eſt maiori eorum parte, qui-
buſ conſulere oportet, deſperata ac perdiſta cauſſa con-
feſſio, ſilentium haberi ſolet; ceſſimuſ amicorum conſilio,
& hortationi haſtenuſ, vt & breuiter, & ad ea ſolū
capita glorioſo illi reſponderemuſ, quæ ad noſ præcipuè
pertinent: quæ autem in Ricardum Doctorem, quem in
eādē lucubratione eſt aggreſſuſ, priuatim conueniunt,
ea prætermitterem, & illi integra reſeruarem, quo me-
lior eſſe cauſſa ſuæ patronuſ nemo poteſt.

Igitur quæ in Vincentii Theriaca, quatenuſ ad me
ſpectat, animaduerti, ea quantum potero, in pauciſſima
contraham, ſine ullo apparatu ſermonis, & ornatu: ne
hoc mihi iracunduſ homo ſuccenſeat, quod de priori Opere
noſtro ſtomachatuſ eſt, nimium me in ſcribendo elegan-
tem Latine fuiſſe.

Sed percommode ſane accidiſ, vt in iſtam Latinitatiſ,
& elegantia mentionem ſermo noſter incurreret. Hinc
enim vt Vincentii criminatio, ſic huiuſ caſtigatio noſtra
procedet.



INDEX CAPITVM.

GAVVT **I**NSCITA d: Latinitate Vincentij expostulatio.

I. pag. 1.

II. *Controversie status. 2. Vincentij pravariatio, & dogmatis proditio: dum repudiatam à magistro suo Peripateticam Philosophiam ad liberi arbitrij doctrinam adhibet.* 5

III. *Liberi arbitrij ratio constituta ex Peripatetica philosophia decretis à S. Thoma, præsertim explicatis in Summa Theologica. Præcipue notanda capita quinque de libertate hominis ex eodem.* 8

IV. 1. *Eadem ratio liberae voluntatis ex Aristotele probatur, tum Nemesio, Ioanne Damasceno. 2. Pelagianos rectè de illa sentientes probavit Augustinus. 4. Suffragatur & communi doctrina Michaël Baius.* 12

V. 1. *Fucus Vincentij theriacopole in libertatis vocabulo. 2. Huius vocis ambigua notio, ac vera libertatis proprietates exposita. 3. Liberi arbitrij vocabulum ad evitandam calumniam usarpandum, cuius nota aliquot ex S. Thoma præscripta. 4. Meritum non aliunde oriri, quàm ex usu liberè arbitrij. 5. Itemque laudem, & vituperium.* 17

VI. 1. *Vincentina de libertate contra superiorem S. Thoma doctrinam disputatio. 2. Eiusdem falsa interpretatio S. Thoma. 3. Refellitur ex eodem S. Thoma. 4. De libero arbitrio tota est questio, non de voluntate. In illo vera, & formalis est libertas, non in quavis motione voluntatis: quod uberius declaratur. 5. Quomodo in aliis voluntatis actionibus virtute contineatur libera electio.* 22

VII. 1. *Liberi arbitrij essentia perperam ab Vincensio definita. 2. Quæ refutatur. Imprium in quo situm sit. 3. Quomodo voluntas mouere se dicitur. 4. Voluntatem sibi non imperare propriè.* 28

VIII. 1. *Absurda consuetaria Vincensiana doctrina. 2. Ex ea sequi voluntatis actionem omnem esse liberam, etiam in amentibus & paruulis.* 32

- IX.** 1. De necessitate opinio S. Thomæ. 2. Huic contrariam iucur Vincentius, qui omnem necessitatem arbitrio libero aduersam vocat coactionem; adeoque duplicem constituit, sed perplexè, & obscurè. 3. Diluitur Vincentiana sententiæ cauillatio. 5. Male ab eo necessitas cogens explicatur. 6. Et refellitur ex iisdem, quos citat, auctoribus. 35
- X.** 1. Insignis Vincentij error in quodam S. Thomæ loco usurpando. 2. Qui quidem exponitur. 3. Et ostenditur nihil ad causam Vincentij pertinere. 4. Cuiusmodi necessitatis genera ibidem declarantur. 41
- XI.** 1. Quid inter brutorum appetitum, & hominis libertatem intersit. 2. Quod ex S. Thomæ declaratur. 3. Tum illustratur ex Hierocle Pythagoreo. 4. Quid distet ab eodem appetitu brutorum, hominis voluntas non liberè agens, sed necessario. 48
- XII.** 1. Vincentij æstus in explicando discrimine necessitatis, quæ bruta feruntur, & paruulorum, aut amentium. 2. Frustra ex imperatrice vi voluntatis ab illo peti, quæ nulla circa necessaria sit. 3. Pecudum, maximèquæ asinorum petitem ab Vincentio testimonium eluditur. 5. Ludicrum eiusdem dictionis. 52
- XIII.** 1. Cyrillus Hierosolymitanus perperam appellatus à Vincentio. 2. Ovis exemplo libertatis ac meriti rationem explicat. Et ludicra Vincentij opinio de brutorum appetitu. 3. Qui circa finem vltimum clarè cognitum liberè ferri voluntatem, falsò putat, & laudem etiam inde promereri. 4. Sed in laudis ambigua significatione cauillatur. 57
- XIV.** Ex Vincentij opinione sequi Spiritum sanctum produci à Deo liberè, & ex arbitrio libero. Ex quo horrenda blasphemie sequuntur. 60
- XV.** 1. Vincentium frustra Patrum testimonia cumulasse ad opinionis suæ faciendam fidem. Ex iis nihil ab illo effusi. 2. Voluntarium sæpe pro libero ab auctoribus usurpari, & voluntatem pro libero arbitrio. 3. Vincentium libertatem ita describere, ut non cuiuscumque voluntatis actioni, sed ei, quæ est liberi arbitrij propria, tantummodo conueniat. 4. Eiusdem desultoria leuitas, qui aliàs liberum arbitrium cuius

CAPITVM.

simplici voluntate confundit, alias separat. Questionem hic esse de solo arbitrio libero. 5. Quomodo pacificari controuersia ista debeat. 64

XVI. 1. *Ridicula Vincentij iactantia. Voluntarium, & spontaneum safe pro libero sumitur. Damasceni locus ab eodem contra se productus. 2. Quo liberi arbitrij propria ratio continetur.* 69

XVII. 1. *Vincentij falsa definitio libertatis. 2. nata ex incisione Latina vocis imperij. 3. Eiusdem de actu reflexo voluntatis fabula.* 71

XVIII. 1. *Aristotelis locus perperam intellectus, & expositus a Vincentio. 2. Nec non Damasceni. Cui laus proprie conueniat.* 74

XIX. 1. *Quaestio ab Vincentio commota, utrum voluntas quo se instanti mouet, duplex iudicium propositum habeat. 2. Respondetur reuicam, virtute esse duplex: quoniam eligibile est quod offertur voluntati, adeoque utile, & contingens, non necessarium. 3. De indifferentia voluntatis: in qua frustra consistatur Vincentius.* 76

XX. 1. *De locis Scripturae, quibus liberis arbitrij descriptio continetur. 2. Vincentij strophe in eo loco, quae est Genes. quarto. 3. Nec non in altero, Ecclesiastici decimo-quinto. 4. Cuius falsa interpretatio refellitur, quae testimonium illud, & alia similia refert ad statum innocentiae. 5. Quod ex ipsa orationis serie redarguitur. 6. Tum ex Veterum consensu.* 78

XXI. 1. *Colligitur ex superiori disputatione, essentialem libertatem positam esse in indifferentia, siue potestate viriusque. 2. Quod ex variis illius descriptionibus, & vocabulis, quibus Patres liberum arbitrium exprimunt, ostenditur. 3. Tum ex Scriptura.* 86

XXII. 1. *Expenditur Augustini locus ex libro de Correctione, & gratia ab Armacanis obici solitus, in quo de auxilio sine quo non, & quo agimus, disserit. 2. De sola persequerantia gratia ibi Augustinum loquitur. 3. Qualis ea fuerit Adamo concessa. 4. Cuiusmodi sit ea, quae per Christum conceditur.* 89

XXIII. 1. *Pergitur in illustrando loco illo S. Augustini. 2. Non pertinere ad quamcumque Christi gratiam. 3. Qui differat*

INDEX CAPITVM.

- Christi gratia ab ea, quæ data est Adamo: ac primum exponitur cuiusmodi hæc fuerit; tum qualis Christi meritis parta.* 95
- XXIV.** *Errata Vincentij deinceps collecta per saturam. 1. Possibilitatis gratiam negat esse gratiam Christi, idque ipsum refellitur. 2. Eiusdem mendax calumnia de Molina, Lessio. 3. Es de Petauio.* 99
- XXV.** *1. Vincentij error, & falsa interpretatio loci cuiusdam Augustini de Correctione & gratia, & aliorum; in quibus de auxilio sine quo non, & quo agitur; tum de possibilitate. 2. Possibilitatem rectæ agendi, gratiam esse, negat Vincentius: idque refellitur. 3. Idem gratiam primi hominis naturalitatis aliquid habuisse dicit. 4. Quod in Michaële Baio damnatur.* 101
- XXVI.** *Falsæ argumentatio Vincentij diluitur, quam contra Catholicos instruit, de gratia Adamo data, & Christi meritis parta.* 106
- XXVII.** *Non omne peccatum esse culpam, ac quid inter ambo hæc intersit: quod ex S. Thoma, tum S. Augustini auctoritate comprobatur.* 109
- XXVIII.** *1. Vincentij & Armacani secta falsa opinio; in eo etiam, quod necesse est, & vitari non potest, adulos homines esse culpabiles. 2. De gratia sufficiente, quæ aliquos Augustini testimonio adstruitur.* 111
- XXIX.** *Epilogus, in quo querela Vincentij Lenis occurrit de asperitate Petausiani stili.* 116






DIONYSII
PETAUVII
AVRELIANENSIS,
E SOCIETATE IESV
ELENCHVS THERIACÆ
VINCENTII LENIS.

CAPVT I.

Inscita de Latinitate Vincentij expostulatio.

I.  N ipso libri aditu graue Petauio crimen obliquitur, Latini sermonis elegantia. Merito id quidem. Nam nulum Operi tam illepidò magis congruebat exordium, quàm querela de nitore orationis & munditia. Quid facias? Sic à pueris insueuere litterati homines in Gallia. Tu verò, Vincenti, ridiculus es, qui quam tibi personam imposueras Arausicani, id est apud nos nati, & educati hominis, tam malè gessisti. Nam ex stilo te tuo,

A

ὥσπερ ἐν βοτρυχοῖς, statim peregrinum prodidisti. Adeo est non inconcinnus modò, sed odiosus etiam, ac perniciosus nausea. Sed quam accusandi rationem præ se ferat, tamen interest scire. Ita à M. Tullij ore pendet Petavius, inquit, *ut minus esse malis, quàm quidquam quod ille non prauis eloqui.* Etsi hoc non magnum peccatum foret: tamen est falsum. Tu verò vel neutrum vnquam, vel alterutrum non legisti. Dic mihi, vidisti apud Tullium *Trinitatù* nomen, aut *Incarnationis*, aut *essentia: personalis proprietatis: attributorum Dei?* Relatiuam item proprietatem dixit aliquando Cicero, vel *subsistentem in tribus personis Deum*, vel *Patrem, Filium & Spiritum sanctum?* Atquin nec mutus esse voluit in tribus tomis dogmatum suorum Petavius; & hæc innumeræque dixit alia, quæ tu, scio, nunquam in Ciceronis libris inuenies. Quorsum igitur attinebat tam inuerecunda hyperbole, nisi vt orationis sordes qualicumque hoc schemate commendares?

II. SERMO est Petauij non malè Latinus, sed non affectatus, nec curiosè perpolitus; nec ad Prisciani regulas, aut Ciceronis normam, vt nugaris, admodum exactus. Id si esset, pauciora quàm hætenus fecit, in lucem edidisset. Non enim tam faciliè defungi solent, qui hanc sibi seruitutem; immo tam cruciabilem ærumnam, vt hoc minimè Ciceronianum habeas, indixerunt. quos necesse est habitare in hoc studio, & intentis in eam curam animis, identidem insistere, vt voces singulas excutiant, & examinent; ne quid imprudentibus obrepat, vel minus Latinum, vel, quod vitari vix potest, minimè Tullianum.

At enim adeò anxius est, & morosus, vt religioni ducat, *essentiale* dicere: proque hac voce, Græcam magis adhibeat, *ὁσιώδης*. tum *existentiam* defugiat, malit *existentiam*: pro *mediis*, *præsidia*; pro *indeliberato*, minimè *deliberatum* vsurpat: *ingratiis* item pro *inuito*. Profectò, mi homo! nimium curiosus es, & abundas orio. Nam si esset quod ageres, ad minuta ista, & exilia non descende-

res. Quid quod in illis notandis non minùs Theologiæ
 re rudem, quàm Grammaticæ demonstras? Οὐσιώδης apud
 Græcos latius patet, quàm apud Latinos, *essentiale*. Ob-
 seruauit hoc Petauius in 4 septimo libro de Trinitate. a Cap. 6. 7
 Nam illi οὐσιώδης id appellant, quod non ex essentiâ, non
 tamen ex accidente conuenit. Sic personalis proprietas
 in Deo non est *essentialis*; est tamen οὐσιώδης, quod *sub-*
stantium appellare possis. Sic b Isidorus Pelusiora quod b Lib. 4.
 Apostolus scribit, in Christo *habitare omnem plenitudinem* epist. 166.
diuinitatis *σωματικῶς*, id est *corporaliter*, idem esse putat,
 atque οὐσιώδης, quod nō tam commodè veritas *essentialiter*,
 quàm *substantiue*, vt intelligatur diuinitas in Christo non
 secundum accidens, ac transeuntem *ειρημῶς*, vt in Pro-
 phetis, resedisse, sed secundum substantiam, id est *κατο-*
στασις.

III. De extantia quod tu vellicas, inscitè facis. Negas
extantiam aliud esse, quàm quod eminere, vt in vitibus, ca-
 pita; idque ex Columella transtulisse Petauium ad rei si-
 gnificandam existentiam asseris: hoc est *ὑπαρχῶς*, cùm
ὑπερχῶς potiùs designet.

Si tu aliunde, quàm ex Calepino, proprietatem istius
 vocabuli didicisses, non te adeò deridendum præberes.
 Nunc quoniam hætenus in Calepino reperisti, putasti
 satis causæ te habere ad obrectandum Petauio.

Atqui auctorem ille nominarat Vigilium, disertum e Tom. 1.
 & eruditum Theologum; qui *extantiam* pro eo sumpsit, Dog. theol.
 quod *existentiam* vulgò nuncupant. lib 4. c. 1.
 d Sic enim in primo d Vigil. lib.
 aduersus Eutychem. *Quia secundum istos, qui vnā san-*
tummodo contendunt esse naturam; aut Verbi mutata est in l. To 4. Bib.
carne, vt fieret vna; aut carnis in Verbo consumpta est, PP. col. 495.
vt extantiam sui per sui abolitionem amittens, omninò esse
non possit. Quinetiam Hilarius Nicænum Symbolum B.
 Latine vertens in libro de Synodis, quod Græcè ita
 conceptum est; τοῦ ἑκείνου, &c. ὅτι ἡ οὐκ ὄντων ἵκνεται,
 sic reddidit; Eos autem qui dicunt, quòd de non extantibus
 factus est, τὰ ὄντα, quod est *existentia*, Latine maluit

^a Lib. 1. c. 9. *extantia* dicere : vt & Epiphanius Scholasticus in ^a
^b Lib. 1. *Tripartita* historia, pro quo ^b Ruffinus *ex non substanti-*
bus in historia sua posuit. Eat nunc Vincentius, & In-
 genuum, si quem habet, ruborem à fronte contineat.
 Sanè *existentia* nomen Latinum non est, &, vt sit, non
 magis rei *ὑπαρξεν* quàm *extantiam*, significare debet. Est
 enim *existere*, perinde vt *extare*, apud Latinos aucto-
 res, idem atque *emergere*, & *eminere*, vel *exoriri* : sed
 cum motu aliquo; quod *extendi* vox non assignificat,
 vt eruditi Grammatici notarunt. Latine tamen *extan-*
tiam pro *ὑπαρξεν* melius dixeris, quàm *existentiam*. Hanc
 enim non *abstractam*, vt vocant, sed *concretum* esse no-
 men antiquiores existimarunt Theologi, idèmq; ac
^c Cap. 4. *personam* esse, vel *subsistentiam*; vt in ^c quarto de Trini-
 tate obseruatum est à nobis. Quare melius, vt iam
 dixi, præeuntem secutus Vigilium, *extantiam* appella-
 ui, etsi promiscuè sæpiùs *existentiam* vsurpaui, pro eo
 quod *ὑπαρξεν* Græci vocant, quod tu homo Græcè
 valde doctus *ὑπαρξεν* nominasti : nec Vocabularium
 tuum antè consuluisti, ex quo scire posses, *ὑπαρξεν* ini-
 tium, & ortum rei significare, non *existentiam*.


^d Vincent.
 lib. 1. p. 3.

IV. NON minùs absurdè de vocabulo *ingratis* ne-
 gotium facit, & eam accusationem elegantiarum pa-
 tet expromit his verbis, quæ hîc operæpretium sit le-
 gere. ^d *Sed hoc perbellum est*, ait, quod cum Ciceronem ad-
 uerbio, *ingratis* obscuro, detritoque, & à pistrino Plauti
farinulento, semel usum comperisset, mox identidem lectori
 suo ingerere, & hac luculenta face, liberi arbitrij noctem
 illuminare non cessauerit. Quznam hæc sunt, obsecro,
 portentosa verborum? aut quid mirabilius hoc homine,
 qui ex obscuro, detrito ac *farinulento* nescio quo laternam
facit ad illuminandam noctem liberi arbitrij? Apage te cum
farinulenta tua face, illuminator liberi arbitrij. *Ingra-*
tis pro eo quod est *innis*, dixit non semel Plautus.
 Dixit & M. Tullius *ingratis*, quod idem est atque *in-*
gratis. Terentius item in Eunuchis,

Opus faciam, ut defatiger usque, ingratiis ut dormiam.
 Non te adeò desipere arbitror, ut tantis Latinitatis
 auctoribus quaecunque tuum iudicium audeas oppo-
 nere.

CAPVT II.

*Controuersia status. 2. Vincentii prauaricatio, &
 dogmatis proditio: dum repudiatam à magistro suo
 Peripateticam Philosophiam ad liberi arbitrii do-
 ctinam adhibet.*

I.  B hac grammatica velitatiope Vincen-
 tij, ad præcipuam transeamus operis, &
 certaminis materiam, de qua duobus li-
 bris disputauit. Quorum antequam sin-
 gillatim errata persequor, generalis hæc
 animaduertenda est, & per vniuersum corpus pertinens
 labes ludicræ cauillationis, ac sophisticæ. Nam & quæ-
 stionis in respondendo statum inuertit: & quæ à Petauio,
 quod etiam pro se Ricardus opponet, proposita
 erant argumenta contra noui dogmatis auctorem, dis-
 simulando præterit: tum verò in suscepta causa, & ma-
 gistri defensione prauaricatus est.

De libero hominis arbitrio, eiusque naturâ, & ad-
 uersariâ necessitate, tota fuit Petauij, & Ricardi cum
 Armacano contentio. Hanc ipsam titulo libri sui, &
 inscriptione professus erat Vincentius. At idem, ubi ad
 rem ventum est, de propria liberi arbitrii notione, quam
 ex antiquis Philosophis, ac Theologis informaueram,
 per pauca dixit, nec illa *χαιερα*: in *libertatis* verò, & *volun-*
tatis, ac *voluntary*, & ceteris eiusdemmodi vocibus, quæ
 ambigüe, & *ὁμοῖως* usurpantur bonam partem ora-
 tionis insumpsit. Dicam de hac fraude, ac tergiversa.

tionem postea. Nam de præuaricatione prius agi necesse est: quòd ex ea multum præsidij, ac lucis insequens nostra disputatio capiat.

II. NO VÆ artifex sectæ, contra quam scripseram, ut formulam liberi arbitrij constitueret, summouendos edixit ab hac consultatione Peripateticos, & Pelagianos; quòd amborum sententia ab Catholica fide ex æquo discreparet. Ediçti verba sunt eiusmodi: ^a *Nil magis in hoc argumento de libero arbitrio suspectum esse debet, quàm Aristotelica illa Philosophia, cuius solius armis instructi Iulianus, & Pelagius libertatem humani arbitrij defenderunt. Et, Desinat hinc obstrepere Aristotelica Philosophia, quæ in ista causâ cum Pelagio, atque Iuliano plenis buccis eam crepante damnata est.*

^a To. 1. lib.
3. Præf. p.
258.

Armacanum argueram iniqui, & contra rationem promulgatè illius decreti. quippe, seposità ope ac necessitate gratiæ, quàm diuinitate non potuit Aristoteles, Pelagius verò nefariè sustulit; non malè de libero arbitrio ambos existimasse, si sola illius natura spectetur. Nam quòd ad Aristotelem attinet, haud aliter conceptam ab eo docui liberi arbitrij definitionem, quàm ab Christianis postea Theologis, Nemefio, Maximo martyre, Anastasio, Ioanne Damasceno, ac præ ceteris S. Thoma: quos omnes ostendi de illius natura differentes, eam sumptis ex Aristotele partim verbis, partim sententiis explicasse.

^b Præfat.
lib. 1. p. 1.
&c 4.

^c Vinc. in
Præf. pag. 4.

III. AT ^b Vincentius contra magistri sui, & antistitis ediçtum statim initio professus est, de libero arbitrio idem se penitus cum Aristotele, ac Peripatetica philosophia sentire, falsòque sibi exprobrasse Petauium, ac Ricardum, quòd illis auscultare nolit. Sic in ^c libri primi præfatione gloriatur, se aduersus ambos illos philosophiam verè Peripateticam replantasse: factòque ipso ostendisse, quàm vanum sit istud, quòd à Petauio, & Ricardo sibi opponitur: Aristotelem audire nolunt. In re enim tota natura, & ipsa liberi arbitrij, ac humana libertatis notione


attentè audimus, & aliquanto quàm ipsi profundius Dei luce & duce penetrauimus.

Et in Præfatione secundi libri, eàdem iactantia prædicat, *scilicet ex veteris Peripatetica, & sanctorum Patrum philosophiæ structura, quam libro primo, inquit, Dei ope restituiamus, totam Petauij, & Ricardi de libero arbitrio doctrinam subruisse.* Qui se igitur Peripateticam philosophiam replantasse; & in liberi arbitrij, ac humana libertatis notione consecranda profundius quouis alio Dei luce, ac duce penetrasse dicit: qui eandem illam restituisse se *vetere*, ac Peripateticam philosophiam affirmat, eam utique suspectam non habet, nec tanquam Catholicæ aduersam fidei, cum Pelagiano errore damnatam iudicat: sed Iptensè potius doctorem, & magistrum suum in suspensionem vocat hæresis; immo apertè condemnat, quòd Peripateticam, hoc est, ut Vincentius ipsemet interpretatur, *sanctorum Patrum philosophiam*, stilo suo ac decreto notauit. Cuius ergo grauitatis, & prudentiæ est, eidem in ea causâ patrocinari, ob quam iure ipsum damnandum arbitretur? Nonne quod illius errori contradicit, hoc Petauio monitori, ac pudori suo, conscientiæque debet: quod auctorem erroris, ob hunc ipsam laudat, ac tuetur, cauillâti est ludicrâ in re, nequiteriò resipiscētis? Desinat itaque replantator iste restitutam à se iactare veterem, ac veram philosophiam, nec se Dei luce, ac duce profundius penetrasse dicat (sic enim hominem istum Latine loqui delectat, quod nemo prorsus intelligit.) Non est profecto non est ^a, *desursum descendens sapientia illa tam insulsa*, a lac. p. 15. & tumultuosa: *sed terrena & animalis. Vbi enim celus, & contentio: ibi inconstantia, & omne opus prauum. Quæ autem desursum est sapientia, primum quidem pudica est, deinde pacifica, modesta, suadibilis, bonis consentiens.*

Talis non est Vincenciana: sed pugna & litigiosa, nec minus ipsa secum, quàm cum sana fide, & Catholica veritate pugna. quod deinceps probare pergam.

CAPVT III.

Liberi arbitrii ratio constituta ex Peripatetica philosophiæ decretis à S. Thoma præsertim explicatis in summa Theologica. Præcipuè notanda capita quinque de libertate hominis ex eodem.

I.  RGO, uti proximè suprà loquentem Vincentium audiuius, proba est, & Christianæ regulæ consentanea liberi arbitrij definitio, quam vetus Peripateticorum disciplina constituit. Hac vna confessione, quæ ex ore falsiloquo vis veritatis expressit, confecta res est, & omnis hæc sublata controuersia. Nihil enim caufari iam potest Vincentius, quin & verum sit, quod de libero arbitrio scripsi, & falsum quod Armacanus, & tota ista, cuius idem suffragator est Lenis, secta defendit.

Hoc ut penitus constet, inquirendum, opinor, est, quæ sit Peripateticæ illius philosophiæ de libero arbitrio humanæ voluntatis opinio. Cum autem Peripatetica doctrina non alia sit, quàm quæ ab Aristotele tradita, & Aristotelicis libris comprehensa, vulgatæque legitur; non longius abeundum nobis est. Sed cuiusmodi in illis libris inuenitur, pro vera, & Peripatetica erit habenda liberi arbitrij ratio. Sed ne quis de Aristotelez orationis obscuritate, & ambiguitate præscribens, latebram calumniandi sibi aliquam statuatur: nihil est consultius, quàm ut interpretes adhibeantur Aristotelez mentis, & philosophiæ, veteres & eruditi Theologi, quorum auctoritatem illi ipsi, quos contra contendimus, sanctissimam habere se profitentur. Tales sunt, quos in libris de libero arbitrio nominatim percensui; quorumque sententias accurate

accuratè descripsi, Græci, ac Latini Patres. Sed ne longum faciam, duos hoc loco, trêsvē feligam, Nemesium, & qui huius pleraque verba transcripsit, Ioannem Damascenum; ac S. Thomam Aquinatem. Immo in huius referenda sententia, priores complectar duos: quandoquidem quidquid ille de liberi arbitrij natura, & essentia docuit, nihil nisi doctrina est istorum Latine translata de Græco.

II. Et quoniam πολυγλωσσοῦ, & μυριοβόλοῦ ille Doctor pluribus in libris de arbitrio libero commentatus est; in quibus si non pugnantia, certè diuersa, & ἰσχυροφανή aliqua dixisse visus est: adhibenda primum nobis opera est, vt de mente, ac iudicio ipsius nobis liquidò constet. Id autem non aliunde certiùs colligitur, quam ex Opere illo, quod vt omnium, quæ ab eo sunt elucubrata, postremum est, ita præstâtissimum habetur; quæ est Theologiæ Summa. Hinc ergo petenda nobis est germana S. Thomæ de arbitrio libero hominis opinio, potiùs quàm ex alijs, quæ non tam maturus ætate, nec adeo vsu, doctrinâque perpolitus in lucem edidit. In prima itaque parte Summæ istius ^a liberum arbitrium imprimis à voluntate distinguit: ^b non quòd duplex potentia sit. Est enim vna & eadem; sed ratione, ac functione diuersa. Nam ^c voluntas propriè circa finem operata est: liberum verò arbitrium circa *media*. Quippe ^d *proprium liberi arbitrij est electio* (ait idem Sanctus Thomas.) *Ex hoc enim liberi arbitrij esse dicimur, quòd possumus vnum recipere alio recusato.* ET IDEO NATVRAM LIBERI ARBITRII EX ELECTIONÈ CONSIDERARE OPORTET. Atqui electio propriè *est eorum, quæ sunt ad finem*, vt idem docet articulo quarto quæstionis illius octogesiinæ tertiæ, vbi perinde duas eiusdem voluntatis functiones esse scribit, ac sunt in eadem intelligendi potentiâ, duæ. Etenim intellectus duplicem habet actionem: vnâ, quæ intelligentia propriè dicitur, & est simplex principiorum sine rationatione perceptio: alteram quæ ratiocinatio vocatur,

a In 1. Par.

qu. 51. & 83.

b Quæst. 83.

art. 4.

c Ibid.

d Ibid. art. 3.

& ex principiis conclusionem colligit. Sic eadem appetendi rationalis potestas vnā habet actionem, quæ voluntas dicitur, *sive simplex re appetitus*, hoc est finis: aliam, *quæ electio nominatur*, & est propria liberi arbitrij, quæ idcirco *vis electiua* nuncupatur, ea spectans quæ ad finem comparata, *media* dicuntur.

^a In 1. Par.
quæst. 81.
art. 1.

III. Ad hæc proposita sibi ^a quæstione hac, *utrum voluntas aliquid ex necessitate appetat*; respondet, vltimum finem necessariò à voluntate appeti, quatenus voluntas dicitur, & quæ, vt paullo antè dixi, finem respicit; sicut necessariò intellectus principiis assentitur: atque hoc voluntarium appellari, quod videlicet est secundum inclinationem voluntatis, cui violentum opponitur. ^b Vt autem præter principia, sunt *quædam propositiones contingentes*, quibus ratiocinando conclusis, non necessariò assentitur intellectus: Sic voluntati *quædam particularia bona* proponuntur, quæ non habent necessariam connexionem ad beatitudinem: Et huiusmodi voluntas non de necessitate inhaeret: qualia sunt media ad finem vtilia, circa quæ liberum versatur arbitrium. At vltimum finem necessariò, & quidem naturali necessitate voluntas appetit: quatenus nimirum clare cognoscitur. Sic enim in articulo secundo, *Voluntas*, ait, *videntis Deum per essentiam, de necessitate inhaeret Deo*. Hoc loco *necessitas* intelligitur non violenta, quæ voluntati, quā voluntas est, & vltimum finem spectat, opponitur: sed naturalis, quæ cum eādē voluntate, sive appetitu finis vltimi coniuncta, *libero arbitrio*, sive *vi electiua* contraria est. Hæc S. Thomas, Cuius & ista sunt notanda quinque.

^c Quæst. 83.
Art. 2.

IV. PRIMVM, ^c *Ea, ad quæ naturaliter inclinamur, non subesse libero arbitrio.*

Secundum, quoniam homo ex libertate sua dominus actuum suorum dicitur, non hoc illi conuenire quatenus voluntas est, & finem vltimum respicit: verum quatenus in deligendis mediis occupatur. Sic enim alibi ^d S. Thomas, *Ex hoc contingit, quod homo est dominus sui actus, quod*

^d In 1. p.
qu. 6. art. 2.
ad 2.

trahet deliberationem de suis actibus. Ex hoc enim quod ratio deliberans se habet ad opposita, voluntas in utrumque potest.

Tertium, ^a duplex esse voluntarium, perfectum, & imperfectum. Perfectè voluntarium, est quod ex perfecta finis cognitione sequitur; prout scilicet apprehensio sine aliquis potest deliberans de fine, & de his, quæ sunt ad finem, moueri in finem, vel non moueri. Imperfectè voluntarium est, quod cognitionem finis secundum imperfectionem sequitur: prout scilicet apprehendens finem non deliberat, sed subito mouetur in ipsum, ut in brutis euenit. Ita perfectè voluntarium idem est ac liberum arbitrium, & circa media versatur: quippe ex consultatione, siue deliberatione oritur.

Quartum est, ^b laudem, ac vituperium consequi actum voluntarium secundum perfectam voluntarij rationem, qualis non inuenitur in brutis. ac proinde illis tantummodo conuenire, quæ ex libero sunt arbitrio.

Quintum, ^c & postremum est, quod voluntatis proprium dicitur, ut sese moueat, non ei conuenire, quæ voluntas est, & finem appetit, sed quæ vis est electiva, siue liberum arbitrium. Sic enim disputat sanctus Thomas: *Quemadmodum intellectus per hoc, quod cognoscit principium, reducit seipsum de potentia in actum, quantum ad cognitionem conclusionum, & hoc modo mouet seipsum: similiter voluntas per hoc quod vult finem, mouet seipsam ad volendum ea, quæ sunt ad finem.* Igitur voluntas ea sola ratione mouete se dicitur, quod in mediorum electione versatur; non autem dum fertur in finem, quæ finis est: quare proprium est voluntatis mouete se, quatenus liberum est arbitrium; non ut voluntas est.

V. IDEM docet in secundæ partis prima parte, quæstione duodecima, & decima-tertia; ubi voluntatis, quæ est voluntas, actionem, quæ intentio dicitur, ferri ait in finem: eam verò, quæ voluntati conuenit, quæ liberum est arbitrium, & est electio, circa ea, quæ sunt ad finem, hoc est media, versari. ^d Hanc porro, cum sit præceptio

^a Ib. art. 2.
in corp.

^b Ibid. ad 3.

^c S. Tho. in
1. 2. qu. 9.
art. 3.

^d in 1. 2. qu.
13. art. 2.

Art. 6.
questionis
13.

vnus respectu alterius, necesse est respectu plurium esse, quæ eligi possunt; & ideo in his, quæ sunt penitus determinata ad vnum, electio locum non habet. Post hæc, electioni, id est actioni propriæ liberi arbitrij, contrariam esse dicit necessitatem non cogentem, sed ad vnum determinantem; eiusmodi scilicet, quæ voluntas eadem perfectum bonum, id est beatitudinem, expetit. Nam ex necessitate beatitudinem homo vult: nec potest velle non esse beatus, aut miser. Electio autem cum non sit de fine, sed de iis, quæ sunt ad finem, non est perfecti boni, quod est beatitudo, sed aliorum particularium honorum: & ideo homo non ex necessitate, sed libere eligat. Hæc sunt quæ de libero arbitrio in Summa Theologia, hoc est opere illius postremo, ac præstantissimo, disputantur à S. Thoma. Præter quæ alia sunt non minùs ad rem nostram pertinentia: sed longum est omnia complecti: ac tum ea, quæ hîc omiſsa sunt; tum illa ipsa, quæ carptim delibauimus, plenius illuc explicata legi poterunt.

CAPVT IV.

1. Eadem ratio liberæ voluntatis ex Aristotele probatur, tum Nemefio, Ioanne Damasceno. 2. Pelagianos rectè de illa sentientes probauit Augustinus. 4. Suffragatur & communi doctrina Michael Baius.

L



Væ de liberi arbitrij natura superiori collecta capite attulimus ex S. Thoma, ea sunt ex Ioanne Damasceno, & hoc antiquiore Nemefio, quem sub Gregorij Nysseni nomine citare consueuerant, maiori ex parte deprompta: quorum omnium fundus, auctorque est Aristoteles. Cuius, vt & Damasceni, nomen adscripsit ad omnia ferè S. Thomas, quæ de libero arbi-

tio tradidit. Ex hoc itaque Peripateticæ philosophiæ fonte hausta sunt illa, quæ de voluntate hominis libera Christiana sapientia decreuit, quæque nos capite illo antecedente, & in libris de arbitrio libero contra noui dogmatis licentiam exposuimus. Sic enim ^a Aristoteles βέλῃον, id est *voluntatem*, quam propriè sic appellari S. Thomas docuit, ab libero arbitrio distinctam, circa finem versari dixit: ^b ἐπορίσσει verò, siue electionem, quam liberum arbitrium vocat S. Thomas, circa ea, quæ sunt ad finem, de quibus videlicet deliberari, & consultari potest. Huiusmodi autem neque definita, determinatæque esse debent, neque vniuersimodi, & necessaria: sed contingentia, & in nobis, id est in nostra potestate sita; quorum videlicet arbitri, ac domini sumus, vt ea, vel eorum contraria capessere; ac circa hæc agere, vel non agere pro voluntate possimus.

^a Lib. 1. Eth.
ad Nicom.
cap. 6. & 7.

^b Ib. c. 5. &
1. mag.
mor. c. 18.

Eadem leges apud Nemesium, capite xxxiii, ac sequenti: & Maximum martyrem, necnon apud Ioannem Damascenum, libro secundo, capite xxi. quorum omnium sententias, & verba ipsa descripsimus in libro primo de arbitrio libero, capite quinto.

II. IN hac ipsa liberi arbitrij notionem, ac naturam definienda, cum Aristotele, catholicisque philosophis, ac Theologis; immo cum humani totius generis insitis & natiuis sensibus consensere Pelagiani; nec aliter, atque ipsi de illo statuebant, sentire se non semel professus est Augustinus. Qui quidem aduersus sectam illius principes Pelagium, & Iulianum disputans; cum inter ipsos constitutus hic esset quæstionis status; vtum homo liberi arbitrij sui viribus, sine adiutorio gratiæ Christi, bene aut malè agere prout libitum est possit; asserentibus hæreticis, solam sibi vim liberi arbitrij sufficere; eamque necessariam esse Dei gratiam; qui vt naturæ hominis, ita liberæ eiusdem voluntatis est conditor; de libero arbitrio, cuiusmodi ab illis agnoscebatur, his inquam, de liberi arbitrij natura, & definitione, planè est assensus

Augustinus: nec de ea re negotium iis fecit vllum. Sed de adiutorio gratiæ tantummodo contendit; affirmans eos in ambiguitate vocabuli vnius calumniari, ac fucum oblicere; cum gratiam aliter interpretarentur, ac Catholici.

^a Cap. 70.
pag. 118.

Julianus ecce Pelagianorum acerrimus^a in libro primo Operis imperfecti, contra Augustinum vehementius insurgens, ac de liberi vi & potestate arbitrij totis viribus certamen ingressus, definiri primum postulat, quid sit arbitrij libertas; & ante omnia Ciceronianum illud usurpat: *Omnem quæ ratione suscipitur, de aliqua re dissertationem delere à definitione proficisci, ut intelligatur quid sit id, de quo disputatur.* Tum illam ita definit; *libertas arbitrij, quæ à Deo emancipatus homo est, in admittendi peccati, & abstinendi à peccato possibilitate consistit.* Factum est enim animal rationale, mortale, sapax virtutis, & vni; quod posses ex concessa sibi possibilitate, vel seruare mandata, vel transgredi; vel magisterio naturali conseruare ius humana societatis, liberumque haberes alterutrum velle, vel partem, in quo peccati, & iustitiæ summa est. Huic vicissim occurrens Augustinus, de liberi arbitrij ratione, & possibilitate vtriusque partis, nihil omnino contradicit. Hoc verò reprehendit vnum, quod de suo iustitiæ concipere idem illud arbitrium putet; hoc est quod sine necessaria ope gratiæ Christi, perinde bonum amplecti posse istud, ac malum arbitretur.

III. I T E M in secundo libro de nuptiis & concupiscentiæ ad Valerium, capite tertio, cum Julianus quereretur, quòd si quis aut liberum in hominibus arbitrium, aut Deum esse nascentium conditorem dixerit, Celestianus, aut Pelagianus vocaretur; Augustinus sic eum refellit: *Non est ita ut loqueris, quicumque ita dixisti, non est ita: multum falleris, vel fallere meditaris: non liberum negamus arbitrium, &c. Liberum itaque in hominibus esse arbitrium, & Deum esse nascentium conditorem, vtrique dicimus. Non hinc estis Celestiani, & Pelagiani. Liberum autem quenquam esse ad agen-*


*dam bonum sine adiutorio Dei, & non erui paruos à potestate tenebrarum, & sic transferri in regnum Dei, hoc vos dicitis, hinc estu Celestiani; & Pelagiani. Quid obtendis ad fallendum communis dogmatis segmen, ut operias proprium crimen, unde vobis inditum est non en? Ergo liberi arbitrij dogma cum Pelagianis Augustino & Catholicæ patri commune fuit. Non enim de solo nomine inter illos conveniebat. Alioqui stulta, & puerilis esset ira certatio. Deinde potest id ex alia contentionis parte, quæ de gratia erat, certissimè colligi: siquidem de gratiæ nomine ambo inter se concordēs erant; cū vtrique gratiam ad bene agendum necessariam esse faterentur. Nec tamen quisquam dixerit, aut Augustinus vnquam admisit, commune esse Catholicis cum Pelagiana hæresi dogma gratiæ. Atqui de vocabulo ipso gratiæ, vti dixi, inter se consentientes erant. Verū quod sub eadem voce, dispar erat, & dissimilis rei significatæ proprietates & ratio, ideo multum à se mutuo distare illos, passim testatur Augustinus. Quinetiam Pelagium ac Iulianum *grasse* nomen identidem obtrudentes, seque illam profiteri magna voce clamantes, prius explicare iuber, quid ea voce significari putent, & quam ei notionem subiiciant. Quod cū in libero arbitrio nusquam fecerit: immo verò non solum vocabulum vsurpantes, sed vocabuli definitionem, potestatemque declarantes hæreticos illos approbarit, & eiusdem secum participes sententiæ, atque hac ex parte catholicos esse pronuntiavit, quid aliud nisi cæci, ac stultè peruvicaces sumus, nisi hoc agnoscimus, Augustinum liberi arbitrij naturam, essentiam, ac notionem prorsus vnam eandemque cum Pelagianis hæreticis, ac tota Ecclesia catholica statuisse? Sed hoc validissimum, & invidum penitus argumentum plenius instruximus in primo de Arbitrio libero, capite secundo & tertio. Contra quod nihil mutire est ausus Magistri sui desertor ac prævaricator Vincentius Arausicanus, id est Arausicanæ, ac Batauo-Calvinianæ sectæ patronus.*

IV. POSTREMÒ huic ipsi liberæ voluntatis Formulæ ab Aristotele, ac S. Thoma, post Ioannem Damascenum, ceterosque Græcos ac Latinos Patres traditæ, suffragatur Michaël Baius in libro de libero arbitrio: in quo multa docet nuperæ isti sectæ, cui occasionem aliqui præbuisse ille dicitur, vehementer aduersa. Vt cùm in capite quarto *voluntatem liberam esse ait à necessitate: quæ ideo sic appellatur, quia qui vult quippiam, habet in sua potestate, ut quod vult etiam possit nolle; aut contra quod non vult, velle. Quomodo libera voluntate vult Deus, quacumque foris operatur: ut nouas hominum animas condere, pios de tentatione eripere, impios æternis cruciatibus reservare. Et sicut apud^a Matthæum legimus, potuit Filius Patrem rogare, ut exhiberet sibi plusquam duodecim legiones angelorum: quod tamen non rogauit. Sed Pater non libera voluntate diligit Filium, ut qui illum non possit non diligere. Angeli quoque libera voluntate pro his, aut illis hominibus apud Deum intercedunt: sed felici quadam necessitate constricti Deum, atque iustitiam immobiliter diligunt, &c. Ac paullo post, sed in eo, quod homines sibi bene esse volunt, inquit, & miseriam fugiunt, non ducuntur libera voluntate: quia hos rationales motus necessariò resistent, aut in actû, aut saltem in habitu, & virtute.*

Sunt & alia non pauca, quæ ibidem de libero arbitrio, seu voluntate libera, disserit Baius, tam Calvinianæ, quàm Iprensi nouitati contraria, & his consentanea, quæ ex Catholice fidei regula superius exposui. Verùm illa quæ adnotavi satis esse debent: ex quibus liberum arbitrium huiusmodi esse constar, ut ei necessitas ad vnum determinans opposita sit, tamen voluntaria, id est spontanea sit. Tum illud insuper obtinetur; amorem illum, quo vel Deus amat se, vel ab Angelis, ac Sanctis diligitur, quamuis ex intima, & ardente voluntate proficiscatur, ideo non esse liberum, quoddam felici quadam necessitate ab illis exprimatur, nec ab eo integrum sit desistere.

CAPVT V.

1. *Fucus Vincentij theriacopolæ in libertatis vocabulo.* 2. *Huius vocis ambigua notio, ac vera libertatis proprietates exposita.* 3. *Liberi arbitrij vocabulum ad euitandam calumniam vsurpandum, cuius nota aliquot ex S. Thoma præscripta.* 4. *Meritum non aliunde oriri, quàm ex vsu liberi arbitrii.* 5. *Itémque laudem, & visuperium.*

I.  VI de libero arbitrio pauca illa summam hætenus comprehensa legerit; theriacopolæ artes, ac fraudes statim animaduertet; nec eius mendaci præconio circumuentus, pro theriaca, venenum sibi induci patietur. Certè, quod capite secundo præmonui, perpetuum illius orationis fucus, ac vocis calumniam subesse, id iam lectori non imperito perspicuum esse confido. Nam cum de libero hominis arbitrio tota Petauium ac Richardum inter, & Noui auctorem dogmatis esset commota quæstio, exortus est iste, deplorata causæ non magis patronus, quàm præuicator, ac proditor, qui circulatorum more, quos *theriaca insidiosos* vulgò nominant, præstigiis suis conaretur illudere. Itaque contra illa, quæ de *libero arbitrio* propriâ, & contractiori notione sumpto, ambo illi disputauerant, nihil iste garrere admodum ausus, in libertatis ancipiti vocabulo latebram quæsiuit conuictæ ac profligatæ Armacanorum hæresis: aut eiusdem alia generis arripuit *inimicorum*, & ancipiti vsu plerumque fallentia, de quibus mox.

II. Nunc illud obseruari volumus; *libertatis no-*

a In 1. par.
qu. 82.
art. 1.

b Lib. 5. de
ciu. c. 10.

c 1. Phys.
text. 89.

d In 1. 2.
qu. 19. Art.
6. in corp.

men, interdum latius vsurpari, vt idem sit, ac *voluntarium*, siue *spontaneum*. Ita a S. Thomas cum illud quaerit, vtrum voluntas aliquid ex necessitate appetat, huic, quod in primo argumento proposuerat, nihil vt appeti necessarium monstraret, *si aliquid est necessarium*, auctore b Augustino, *non esse voluntarium*, ita respondet, Augustinum loqui de *necessitate coactionis*, non naturali. *Necessitas enim naturalis*, inquit, *non aufert libertatem voluntatis*. Hic perspicue sanctus Doctor *libertatem* sumpsit non propria, & angusta significatione, quâ liberum arbitrium designat, hoc est voluntatem, quæ circa ea versatur, quæ sunt ad finem. Hanc enim cum naturali necessitate pugnare, sequente articulo docet: tum eodem illo articulo primo in corpore, vt vocant, explanat quo sensu acceptæ *libertati* non repugnat naturalis necessitas; ac talem exprimit voluntatis actionem, *quæ inhaeret vltimo fini*; quod ex necessitate facere illam ait: *sicut intellectus ex necessitate inhaeret primis principiis. Finis enim se habet in operatiuis, sicut principium in speculatiuis, vt dicitur in c secundo Physicorum*. Vt igitur non necessarium omnibus assentitur intellectus, sed primis duntaxat principiis, cetera autem quæ ex iis sequuntur, ratiocinando colligit: sic voluntas in solum finem vltimum naturali necessitate fertur; in ea verò, quæ ad finem spectant, non necessarium, sed libero arbitrio mouetur. Ita S. Thomas: ex quibus efficitur *libertatis* nomen, quod necessitati non repugnare dicit, non esse liberum arbitrium, sed voluntatem, quâ natura est, vel secundum generis notionem. Sic enim homini, non præcisè quâ rationalis est, *sensus experis* opponitur: sed quâ est animal.

Aliàs verò idem liberi vocem pressius vsurpat, vt sit solius *arbitrij liberi*, & cum naturali necessitate pugnet. Ita d enim in priori secundæ parte, quaestione xii, articulo sexto; vbi illud inquirat, vtrum homo ex necessitate eligat, an liberè: respondetque liberè eligere,

non ex necessitate. Necessitatem autem naturalem intelligit, cuiusmodi est ea, quâ voluntas finem ultimum, siue perfectum bonum appetit. Ergo libertas huic ex aduerso respondens, adẽm est cum libero arbitrio, & circa ea versatur, quæ *possibilia*, & *contingentia* vocat, quæque velle, aut non velle potest; hoc est appetere, vel fugere.

III. QUAMOBREM cum sit ambigua *libertas*, ut & *voluntas*; *liberi* item, & *voluntarij* significatio; his emissis vocabulis, *liberi* potius *arbitrij* vsurpanda vox est, præeunte S. Thoma: aut si *liberitas* nomen adeo delectat; ea certè *libera voluntas* intelligatur actio, quam bonum, malumve meritum: laus item, aut vituperatio consequitur: tum eiusmodi, ut illam voluntas hominis exercens, mouere se liberè dicatur: postremò cuius domina sit, & quam in potestate habeat. Has liberæ voluntatis actionisque conditiones, si ex Peripateticæ philosophiæ præscripto, & interpretatione S. Thomæ, replantator illius ac restitutor Arafricanus admittit, nihil de voce pugnabimus.

Sed tantavidelicet hominis istius in scribendo ἀπορία fuit, ut eum assentiri se utrique, Peripateticæ Scholæ, ac S. Thomæ Aquinati professus esset, ubi ad rem ventum est, vel nescire se quis illorum sensus sit, vel ei dedita opera refragari, ac scientem volentemque mentiri palam ostenderit. Hoc non falsò à me esse dictum facile is animaduertet, qui cum superiore liberæ voluntatis formula ex S. Thoma potissimum confecta, contendat illa, quæ de eodem argumento Vincentius toto in libro suo disputauit. Quinam igitur fons est boni mali que meriti? Audiamus quid de eo sanctus ille Doctor præscribat? ^{a In 1. 1. q. 2.} *Creatura*, inquit, ^{114. Ar. 1.} *rationalis seipsam mouet ad agendum per liberum arbitrium.* VNDE SVA ACTIO HABET RATIONEM MERITI. Meriti ergo ratio ex liberi arbitrij actione petitur. Hoc autem à voluntate simpliciter sumpta, & ex necessitate finem

appetente distinguitur, eodem auctore S. Thoma. Idem in articulo quarto quæstionis illius centesimæ decimæ-quartæ, *merendi rationem* duplici ex fonte proficiscitur, primò ex diuina ordinatione; secundò ex libero arbitrio, *inquansum scilicet homo habet præ ceteris creaturis, ut per se agat voluntariè agens*. Voluntarium porro istud non qualecumque, sed perfectum esse, demonstrat in quæstione sexta Partis eiusdem; vt suprà capite tertio diximus: cuiusmodi scilicet circa ea versatur, quæ ad finem vtilia sunt, vt ea vel asciscat, vel respuat. Atque hoc ex articulo sexto quæstionis illius intelligitur, vbi eadem duo meriti principia declarans, de secundo loquitur sic: *Alio modo habet rationem meriti, secundum quod procedit ex libero arbitrio, inquansum voluntariè aliquid facimus*. Ergo voluntarium illud ad liberum arbitrium pertinet, estque perfectum.

a in 1. 1.
qu. 2. art. 9.

IV. Non minùs id ex alio loco constat; vbi quæritur, an credere sit meritorium: ex quo de merito, & eius causa differens, *Actus nostri*, inquit, *sunt meritorij, inquansum procedunt ex libero arbitrio moto à Deo per gratiam*. Unde omnis actus humanus, qui subicitur libero arbitrio, si sit relatus in Deum, potest meritorius esse. Et in responsione ad secundum argumentum, *assensum aut scientia non subici libere arbitrio, quia sciens cogitur ad assentiendum per efficaciam demonstrationis; & ideo assensus scientia non est meritorius. Sed consideratio actualis rei, scilicet subiacet libero arbitrio. Est enim in potestate hominis considerare, vel non considerare: & ideo consideratio scientia potest esse meritoria si referatur ad finem caritatis: sed in fide utrumque subiacet libero arbitrio, & ideo quantum ad utrumque, actus fidei potest esse meritorius*.

Eximius hic locus est, & ad multas res opportunus, ex quibus nouæ sectæ licentia coercetur. Imprimis enim meritatio illa constituitur, qualem volumus; vt ex liberi arbitrij actione propria, id est electione pendeat, quam nulla necessitas debet exprimere: sed vtrius-

que esse salua potestas. Siquidem libero arbitrio necessitas omnis vno aliquo circumscribens, ac determinans opponitur; non violenta duntaxat; sed etiam voluntati blandiens, & eius propensione consentanea, vt ex S. Thoma superius ostendimus. Deinde cum fides initium sit iustitiæ, ac prima gratia; vti S. Augustinus passim indicat: euident est voluntatis actionem illam, qua gratiæ initium arripimus, eique consentimus, ad liberum arbitrium pertinere, ac non modò ab cogente, sed etiam determinante necessitate longius abhorere.

V. DE laude item, ac vituperatione, cuius stirps, & radix est libera voluntas, non est obscura S. Thomæ sententia. ^a Nam cum eam sibi quæstionem præscripsisset, *utrum voluntarium sit in animalibus brutis*: ad illam decidendam, duplex voluntarium discernit: vnum imperfectum; alterum perfectum, vt suprà capite tertio memorauimus: horum prius inesse bestiis affirmat; quod nihil aliud est, quàm τοῦ ἐκ φύσεως, id est spontaneum. Posterius verò, quod est liberum arbitrium, & in his, quæ ad finem conducunt, eligendis positum est, soli homini tributum. Ex quo tertium, quod obiecerat sibi, dissoluit argumentum: nempe non videri brutis inesse voluntarium; quoniam, vt auctor est Ioannes Damascenus *voluntarios actus sequitur laus, vel vituperium*; at brutorum actus neutrum merentur. Huic ergo sic respondet; laudem ac vituperium sequi voluntarium, quod perfectam habet rationem voluntarij, hoc est liberi arbitrij. Quare sola hæc actio, quæ ab libero arbitrio profecta est, laudem, aut vituperationem meretur. Vide quæ de hac re, ac loco Damasceni, contra Iprensæ calumniam vtiliter animaduertimus ^b libro tertio de Opificio.

Rursus liberi arbitrij, quod ea scilicet respicit, quæ ad finem referuntur, proprium hoc esse; vt per illud mouere se liberè voluntas dicatur, c asserit S. Thomas, ^c Int. 1. qu. 9. art. 6.



Tum eatenus dominum esse sui actus hominem, & habere actiones suas in potestate, quodd ex libero operatur arbitrio, ^a eiusdem est sententia, capite tertio à nobis exposita. Quæ sanè omnia persuadent, veram, ac propriè dictam, & vt vocant, *formalem* libertatis humanæ rationem in ea voluntatis actione collocari ab S. Thomæ, quæ est attributa libero arbitrio, & circa media, eaque contingentia versatur; hoc est nulla necessitate definita; sed eiusmodi, vt in iis operari pro arbitrio possit: quod vulgo *indifferentia* vocabulo, & quidem rectè, Philosophi pariter, ac Theologi declarare solent contra inanes Nouæ factionis fremitus, & insultus: quibus innutritus Vincentius, hoc attulit ex secæ indole, vt Catholicam allatraret fidem: illud ex seipso, & ingenio suo præstitit, vt ei, quam susceperat, causæ maximam plagam, ac perniciem inferret: quod explicare, ac probare deinceps aggrediar.

CAPVT VI.

1. *Vincentiana de libertate contra superiorem S. Thomæ doctrinam disputatio.*
2. *Eiusdem falsa interpretatio S. Thomæ.*
3. *Refellitur ex eodem S. Thomæ.*
4. *De libero arbitrio tota est quaestio, non de voluntate. In illo vera, & formalis est libertas, non in quauis motione voluntatis: quod vberius declaratur.*
5. *Quomodo in aliis voluntatis actionibus virtute contineatur libera electio.*

I. **D**E libero arbitrio ita scripsit Vincentius in theriaca, vsq; decreta illa Peripateticæ doctrinæ, ac S. Thomæ, quæ in superiora capita contuli, euertenda sumpsisset, non aliter, quàm vt

duobus libris suis instituit, quod vellet exequi potuerit. Etenim illud vnum toto in Opere contendit, vt liberi arbitrij rationem, & essentiam cum voluntate simplici, naturalique confundat, & illud discrimen obscurer, atque è medio tollat, quod in Summa Theologica tam enixè princeps ille Christianæ philosophiæ, theologiæque constituit; qui voluntatem aliam esse docuit, quæ naturalis est, & rationalis appetitus: aliam, quæ est liberum arbitrium, & in eorum, quæ sunt ad finem, electione consistit. Ad hanc labefactandam libertatis verò, proprièque dictæ notionem multum æstuat Vincentius. ^a Nam inter *voluntatem*, & liberum arbitrium, ^a Lib. 1. cap. 1. vide p. 15. quod ad libertatem pertinet, nihil interesse putat: sed omnem voluntatis humanæ motionem ab arbitrio libero procedere. Itaque ^b quod voluntas *imperare sibi, & esse domina sui actus*: dicitur, hoc illius proprium esse differit ^b ibid. cap. 6. & seq. eo ipso, quod voluntas est, & natura; non autem quæ est arbitrium liberum.

^c Rursus solam *cogentem necessitatem* libero arbitrio repugnare censet; non autem naturalem, & voluntatis inclinationi consentaneam, qualis est necessitas illa, quæ beati Deum, quem apertè contuentur, diligunt; vel quæ Deus amat semetipsum; ^d quam vtramque liberam esse voluntatis actionem asserit. ^c ibid. cap. 11. ^d Lib. 1. cap. 11. p. 37.

II. Hæc cum Vincentius tum absurda, tum à Peripateticæ philosophiæ placitis abhorrentia; & S. Thomæ auctoritate damnata defendat: tamen *replantatorem* se esse iactat Peripateticæ sapientiæ; & auctorem habere commenti illius S. Thomæ: quo nullum fingi potest inuerecundius, intolerabiliusque commentum. Licet hoc comparatis inter se vtriusque sententiis cognoscere; tum iis scilicet, quas in capite antecedenti è S. Thoma deprompsimus; tum Vincentij Doctoris, quas hoc ipso, paullo antè perstrinximus. Nihil sic pugnant cum altero esse sentiet, vt amborum effata sunt, ac de-
creta.

a Vincent.
lib. 1, c. 11.

Sed animaduertenda, ridendâque est callidi hominis astutia. Non enim tam plumbeus erat, vt non intelligeret, ea, quæ ex Armacanæ factionis præscripto de libertate proferebar, illis aduersa esse, quæ in summa Theologica tradita sunt à S. Thomæ. ^a Itaque confugit eò, vt dupliciter ab isto sumi liberum arbitrium diceret: vno modo, secundum essentiam; altero speciatim, & restrictiùs, atque hoc posteriore, *vim esse duntaxat electam*, & ea quæ sunt ad finem respicere: de quæ eo loqui S. Thomam illis in locis, quæ ex eo collegimus. Priori verò, voluntatis actionem omnem continere; etiam illam, quæ in finem est intentra, quæque necessitatem habet adiunctam. Tam enim hanc quàm illam, liberam esse, si *essentiali*, vt vocat, libertatis ratio ducatur.

III. Hæc qui palàm eloqui, ac scriptis mandare sustiner, frontem habeat aut nullam necesse est, aur omnino ferream. Quid enim, obsecro, istud est? Sanctus Thomas ibi, vbi de libero arbitrio, eiusque natura, proprietate, & ab aliis differentia agit ex professo, opere in illo omnium, quæ de Theologia commentatus est, eruditissimo, ac nouissimo, duas esse dicit actiones voluntatis; vnâ quæ est circa finem; alteram circa *media*, quæ sunt ad finem: atque hanc solam voluntatis, vt liberum est arbitrium, propriam esse: priorem non esse. Addit libertatis veræ propriæque dictæ noras omnes: & eas negat in primam conuenire; cadere verò in posteriorem vniuersas. Et tam suæ famæ, ac publici de se iudicij securus existet nescio quis *theriacæ institor*, vt de libero arbitrio aliter existimare sanctum Doctorem asserat, quàm suamet ipse voce, tot locis, tot enucleatis, accuratèque conceptis, ac repetitis verbis, & sententiis idem ille sit professus. Ostendat aliquem illius locum, quo in loco, *liberum arbitrium*; *liberum*, inquam, *arbitrium* (Nam de eo, vt initio dixi, inter partes orta primum, deinde scriptis, & disputationibus exagitata quæstio

quæstio est, quando de hoc litigari cœptum est, quomodo cum liberi arbitrij consensu, & actione conciliari aspirantis gratiæ possit motio) doceat itaque Vincentius, vbinam, illo præsertim in Opere, in quo tam multa, tam expressa de argumento isto disseruit, liberum arbitrium scripserit duplici illo modo accipi: aut circa finem versari liberum arbitrium: itémque necessitate determinante, ac naturali constrictum, nihilominus esse, appellarique liberum arbitrium.

IV. ^a LIBERVM, inquit, *arbitrium speciatim sum-* ^{a Vinc. libi}
ptum ita definit, non vniuersim omnem voluntatem liberam. ^{8, cap. 21.}

Est ergo voluntas aliqua libera, quæ non est liberum arbitrium. Sit ita. Nos de libero arbitrio contendimus: in quod si illa cadere solùm, quæ antecedente capite percensuimus è Sancto Thoma, concedit Vincentius; causam obtinemus. Habemus enim boni ac mali meriti, laudis & vituperij, fontem in vno illo constitutum; tum cetera de mouente se libera voluntate, & actiones suas in potestate, ac dominio habente, soli tribuenda sunt arbitrio libero, quale ibi descripsit S. Thomas: quæ sunt veræ, propriæ, vnicæque dotes, & notæ libertatis illius, quæ in nostram deducta conuersionem est. Hoc quidem concessio; *libertatû*, aut etiam *libera voluntatis* nomine perinde, vt volet, vtatur Vincentius. Non repugnabimus. Illo enim contenti sumus vno, veram, & *formalem*, vt in scholis dicimus, libertatis rationem in ea voluntatis motione consistere, cui *liberi arbitrij* tum vocabulum, tum characteres illos, ac proprietates, S. Thomas attribuit. Sic enim hominis animus, λογικὸς, id est *ratiocinatus*; itémque liber; & vtrumque totus dicitur: quamuis neque voluntate ratiocinetur; nec mente, intellectuue sit liber: sed in illa sola, libertas; in hoc item solo, ratiocinandi vis & facultas insit propriè, ac *formaliter*. Tum siambo illa pressius, enucleatiûsque tractemus; non *se totû*, vt aiunt, hoc sunt quod esse dicuntur, ratiocinatus intellectus, & voluntas libera. Siquidem

intellectus duplici facultate præditus est; vnâ, quæ principia cognoscit, iisque perspicuè cognitis assentitur necessariò; atque hic *intellectus*, id est νοῦς, ab Aristotele; & S. Thoma propriè vocatur: alterâ verò ratiocinatur; dum ex principiis cognitis ignotum aliud ratione concludit. Itaque *ratiocinatus* propriè, ac *formaliter* intellectus est postremo isto genere facultatis, siue quâ, vt loqui solent, *discursus* est: & tamen vniuersè, & in solidum λογισμὸς & λογιστικὸς νοῦς, id est *rationalis* appellatur intelligendi vis. Hoc autem idèd fit, quòd in vsu rationis præcipuum bonum, ac dignationem obtinet actio illa mentis, & intelligentiæ, quâ vnum ex altero ratiocinando deducitur, qui συλλογισμὸς vocatur, & *tertia mentis operatio*: huius enim gratia reliquæ sunt, & ad eam referuntur, tanquam ad fructum, & perfectum operis effectum: *prima* videlicet *operatio*, quæ est simplex *terminorum*, vt vocant, notitia; & *secunda*, quæ componendo, vel diuidendo affirmat aliquid, aut negat, nihil ex eo tertium colligens. Propterea mens, & intellectus humanus absolutè *rationalis*, & λογιστικὸς nominatur; etiam dum in illa velut elementa tertiæ, ac præcipue operationis incumbit. Nomen enim, à primariâ, & cuius reliquæ gratia sunt, operatione fortitur, quemadmodum arbor fructifera dicitur, tametsi non solum fructus, sed folia quoque, florèsque pariat.

Eodem prorsus modo, rationalis appetitus, seu voluntas, vi duplici, & actione censetur; vt ex S. Thoma suprâ memorauimus; quarum vnâ simplex est voluntas; & naturalis finis appetitio, quæ in finem vltimum claro contuitu cognitum, diuina ope subleuata, non liberè, sed necessitate fertur: altera, quæ in iis versatur, & hæc eligit, quæ ad finem comparata, media dicuntur. In hac liberum arbitrium, & *formalis*, proprièque sic nominata libertas continetur. Sed ea *libertatis* appellatio, vel *libera voluntatis*, totam nonnunquam appetitus rationalis facultatem complectitur; adeoque illas etiam

actiones, quæ ab electione differunt; quòd ad hanc comparantur, velut principalem analogiæ terminum, quod vocant *analogatum præcipuum*: vt est finis appetitio, quam *intentionem* vocant.

V. IN quo etiam atque etiam illud obseruari volumus; quod ad Vincentij, & eiusdem *farina* hominum eludendas præstigias conferet; illam ipsam, quam vocant, suis *intensionem*, ὁρμήν Græci vocant, & ὁρεξιν, quamdiu hic degimus, cum electione sæpius implicatam esse. Non enim hoc in statu vitæ mortalis, finem vltimum directa, & perspicua cognitione percipimus, qui mentis intuitus, *intuitiua cognitio* nuncupatur. Itaque de fine vltimo persequendo deliberari solet, & is post deliberationem eligi, antequam idem ipse pro fine propositus, sequenti consultationi præeat, qua de eligenda illius obtinendi ratione, ac *mediis* inquiritur. Quod ergo generatim dicimus, finem non eligi, sed ea duntaxat, quæ ad finem vtilia sunt, id sic est explicandum, vt electioni illi non subiaceat, quæ eo proposito, ac constituto sequitur. Nihil enim prohibet, consilium haberi de finis illius assequendi modis, de quo, an tanti esset, quæsitum ac deliberatum antea fuerit.

Quemadmodum principia, quæ in *subalternantibus*, vt vocant, ratione concluduntur, in subiectis, & subalternis scientiis minimè probantur: sed pro demonstratis, & confessis assumuntur, & in his duntaxat principiorum vim, & officium exercent, non in superioribus. Vt autem *ἐπισημαίνουσιν*, hoc est *scientificè*, vt vulgus loquitur, sciri dicantur ea, quæ ex citimis illis principiis concluduntur in inferioribus, ac subalternis disciplinis, necesse est vt eorum certa veritas ex subalternantis notitia comprehensa sit, & perspecta; ac *διδάσκουσιν*, hoc est implicite, ac virtute, in assensu, quo principium admittitur ab superiore demonstratum ac traditum, demonstratio ipsa contineatur. Sic in libertatis vsu, qui ab deliberato iam, & electo fine proficiscitur, in eundem intenta finem vo-

luntatis appetitio, virtute comprehensam habet antecedentem electionem : ob idque libera dicitur etiam propriè, ac formaliter, donec ad initium aliquod perueniatur subitæ, minimèque deliberatæ motionis, à qua liberarum progressio deinceps orta ducatur.

Hæc aduersus Armacana commenta multùm notasse profuerit. Hinc enim Vincentiani Operis, & doctrinæ labes, ac ruina consequitur : cuius in sequentibus specimen aliquod exhibebitur. Nam ad omnia singillatim errata castiganda, mihi nec otij modò, neque stomachi est satis.

CAPVT VII.

1. *Liberi arbitrij essentia perperam ab Vincentio definita.*
2. *Quæ refutatur. Imperium in quo situm sit.*
3. *Quomodo voluntas mouere se dicitur.*
4. *Voluntatem sibi non imperare propriè.*



IN priori theriaca parte toto in hoc vnum studio Vincentius incumbit, vt ab comuni, & sanè catholica liberi arbitrij notatione Lectorum abducat animos, & ad alienam, ac falsam transferat. Hæc autem est eiusmodi, & iis ab ea concepta verbis. ^a *In modo agendi*, inquit, *ἡ voluntas, quo voluntas seipsam mouet, & actum suum sibi imperat, consistit essentialis eius libertas. Vnde istam libertatem omni actui suo voluntas infundit, quem ex seipsa, & directione rationis elicit.* Ac ne quæ ambiguitate fallat; cum dicit, liberū esse actum omnem voluntatis, quem *directione rationis elicit*; non hoc significat, quod Peripatetici, & cum Græcis, Latinisque Patribus, S. Thomas asseuerat, illum solum *propriè*, & vt loquuntur, *formaliter* esse liberum, qui ex deliberatione, & consilio rationis

^a Lib. 1. c.

1. p. 13.

existit; qualis est *ἡ ἀναγκασιότης*, id est *electio*: quæ iccirco abhorret à necessitate qualibet; eo quodd consilium circa contingentia, & utrimque ad eligendum proposita versatur. Verum omnem prorsus actionem voluntatis, etiam necessitate circumscriptam, ac determinatam, liberam appellat; ut ex toto Opere licet cognoscere. Ut cum ita scribit, *a non posse dari propria, & rationalis voluntatis actum qui liber non sit.* Et paullo antè, *vbi voluntas, ibi libertas: & quidquid ab ea, ut voluntate, & appetitu rationali procedit, ab ea ut libero arbitrio procedit, adeoque liberum est.* Quæ sententiâ nulla magis aduersaria potest esse Sancti Thomæ decretis illis, quæ suprà commemorata sunt; vbi liberum arbitrium ab voluntate, quâ voluntas est, & appetitus rationalis, discerni iubet. ^b Ad hæc Vincentius necessitatem naturali consentaneam inclinationi cum vera libertate putat consistere: & amorem utrumque, rum Dei, quo se ipse diligit: tum beatorum, quo Deum amant, esse liberum arbitratur. Item alia pleraque ad idem disputat argumentum, quæ libertatis, ac liberi arbitrij naturam, & essentiam longè diuersam ab ea constituant, quam ex Aristotelica, Christianâque philosophia superiùs adstruximus: quæ res postmodum liquidò constabit.

^a 1b. p. 15.
ver. 2.

^b 1b. c. 11.
& seq.

II. QVOD nunc agitur, demonstrare hoc institui-
mus, primo illo in aditu disputationis, largè, ac pueri-
liter aberrasse Vincentium, penitùsque nescisse quid scri-
beret.

Primum quale istud est, quodd *libertatis*, & ut putat, *liberi arbitrij essentiam in modo agendi ἡγεμονικῶ* sitam affirmat; quo seipsam mouet voluntas, & actum sibi suum imperat: Imperandi actus, si S. ^c Thomæ creditur, ratio-
nis est, siue *νοῦς*, & intellectus, in quo τὸ ἡγεμονικὸν à
Philosophis ponitur. Satin' igitur putidum est, liberi
arbitrij essentiam in eo collocare, quod extra volunta-
tem est, & in altera facultate residet?

^c 1b. i. x. qd.
17. art. 1. &
4.

Præterea, *imperare*, ut idem ^d S. Thomas ait, est *ordi-* ^d 1b. art. 2.

nare ad aliquid agendum, hoc est ad finem, vt in sequente articulo docet: vbi non inesse brutis imperium ex eo probat, quoniam ad finem ordinare nequeunt. Quæ autem ad finem ordinantur, ea sunt, quæ media vocantur: in quibus quæ versatur actio voluntatis, electio dicitur. Hæc autem non omnis est, & qualiscumque voluntatis actio, sed certa duntaxat, & definita: quæ circa contingentia, vtrimque inter se comparata consistit, ac proinde minimè determinata, & ad vnum contracta, cuiusmodi necessaria sunt.

III. EODEM spectat, quod mouere se voluntas dicitur. Idenim catenus voluntati conuenit, auctore ^a S. Thoma, quâ media respicit. Ac sunt nonnulla illo in loco, vbi istud asserit, quæ Vincentij dogma concludunt. ^b Ibi cum quæsisset, *utrum voluntas ab aliquo exteriori principio moueatur*; ita respondet; moueri primum ab obiecto: tum etiam quod ad exercendum actum attinet, necessariò moueri ab externo aliquo principio. *Omne enim, quod quandoque est agens in actu, & quandoque in potentia, indiget moueri ab aliquo mouente. Manifestum est autem, quod voluntas incipit velle aliquid, cum hoc priùs non vellet: necesse est ergo quod ab aliquo moueatur ad volendum. Et quidem, sicut ^c dictum est, ipsa mouet se ipsam IN QUANTVM PER HOC, QVOD VULT FINEM, REDV- CIT SE IPSAM AD VOLENDVM EA, QUÆ SVNT AD FINEM. Hoc autem non potest facere, nisi consilio mediante. Cum enim aliquis vult sanari, incipit cogitare quomodo hoc consequi possit; & per talem cogitationem peruenit ad hoc, quod potest sanari per medicum: & hoc vult. Sed quia non semper sanitatem actu voluit, necesse est quod inciperet velle sanari ab aliquo mouente: & si quidem ipsa moueret se ipsam ad volendum, oportuisset quod mediante consilio hoc ageret ex aliqua voluntate præsupposita, hoc autem non est procedere in infinitum. Vnde necesse est ponere quod in motum voluntatis voluntas prodeat ex instinctu alicuius exterioris mouentis.*

^a In 1. 1, qu.

9. art. 3. & 4.

^b Ib. art. 4.

^c Ib. art. 3.

Hinc apparet, voluntatem non semper mouere se, nec omnem illius actionem ex illa sui motione procedere: sed in finem plerumque ferri, instinctam aliena quadam impulsione: tum autem mouere se, cum post finis appetitionem, & consultationem de eius assequendi modo; ex non volente, per sese fit volens ea, quæ ad finem utilia iudicata sunt.

Quin^a alibi de imperio agens, affirmat, non omnem^{a. 16. qu. 17.} actum voluntatis ex illo proficisci, sed eum solum, qui rationi^{art. 1. ad 3.} subditur. Primus autem voluntatis actus ex rationis ordinatione non est: sed ex instinctu naturæ, aut superioris causæ, & idcirco non oportet quod in infinitum procedatur. Falsò itaque Vincentij Theriaca actum omnem voluntatis liberum esse vult, & eundem ab mouente, ac sibi imperante voluntate procedere.

IV. PRÆTEREA si essentiali voluntatis libertas in eo posita est, quod illius imperatur actio: nec vlla est voluntatis actio, nisi libera: quia voluntas idem est cum libertate, ut Vincentius existimat: erit ipsa sibi imperans, & seruans eadem prorsus actione. Nam imperandi actus ille, quia fit ab voluntate, carere non potest eo, in quo voluntatis, & libertatis posita est essentia. Est autem in eo sita, ut imperetur: Imperari ergo debet: aut alio ac diuerso actu; aut seipso. Si prius dicatur, res in infinitum exibat: donec in aliquo consistat, qui ex nullo imperio prodeat: & is tamen ex voluntate fiat. Quare voluntatis aliquis actus ex imperio non existet: & idem erit imperium, & imperatum. quod ad apertam contradictionem & inscitiam implicatur.

Nam^b quod modum illum agendi liberæ voluntatis, quo sibi ipsi voluntas imperat ut velit, diuinum appellat,^{b. Cap. 1. p. 9. ver. 16.} non videt quàm imperitè, immò impiè loquatur. Est enim ex eo consequens, diuinæ voluntatis actum, & quidem interiorem, & elicium, ex iussu, imperioque procedere. quod & iisdem scaturit absurdis, quæ paullo antè notauimus: & cum id omne, quod intimum est Deo, & in

eo manens, Deus sit, ex imperiò ac præcepto Deus exister.

CAPVT VIII.

1. *Absurda sectaria Vincentiana doctrina.* 2. *Ex ea sequi omnem voluntatis actionem esse liberam, etiam in amentibus & paruulis.*



ERVM vt quàm latè diffusa sit illa Vincentiana doctrina perniciēs quīvis intelligat; quantàmque fidei catholicæ calamitatem & stragem inferat, quid ex ea sequatur operæ prærium sit expendere: & quæ suprà sunt ex eius verbis approbata colligere.

In id potissimùm Operis totius doctrina conspirat, vt voluntatem eandem esse penitus cum libertate suadeat, adeo vt^a *voluntarium pro libero, voluntas pro libertate, nullo inter ista discrimine, usurpetur.* Quippe^b *Omnis*, inquit, *voluntas, id est voluntatis actus, in S. Augustini philosophia libera est, eo ipso, quo est voluntas.* quod ipsum & de libero arbitrio intelligendum asserit^c in fine capituli: vbi ait *voluntatem, & liberam voluntatem, & arbitrii libertatem, & liberum arbitrium pro vno & eodem usurpari, inter seque conueriti.* Quod ex Augustini, aliorumque Patrum sententiis^d probare studet: qui absolute *vbi voluntas est, ibi libertatem esse* pronuntiant.

Huius porro libertatis, siue arbitrij liberi ac voluntatis essentiam in eo consistere^e docet, quod voluntas suum actum sibi imperet, non eum solum, qui ab aliis facultatibus, iussu, & imperio illius exercetur, quique *imperatus* vulgò in Scholis dicitur; sed etiam *elicatum*, & in voluntate ipsa manentem. si quidem^f *actum suum sibi imperare voluntatem, & illum efficiendo, ei dominari dicit;*

&c

^a Lib. 1. c.

3. p. 11.

^b Ib. p. 13.

^c Ib. p. 16. & 17.

^d Cap. 3. 4. & seq.

^e Ibid.

^f Ib. p. 13.

& in eo libertatis essentiam esse positam: nec non id, quod voluntatis proprium est, & in quo brutis ab animantibus discrepat, ut *se ipsa moueat*. Mouet ergo se, & interiores, ac manentes in se actus eo ipso sibi imperat, quo libera est, & arbitrium liberum; in eoque vera, & *essentialis*, ac *formalis* est posita libertas.

Quinetiam ^a capite sexto, scribit, *imaginem diuinæ* ^{a pag. 14.}
libertatis esse in voluntate hominis, quia sicut Deus in aman-
do & volendo est sui iuris, & in affectus suos altissimo modo
sine imperfectione ius, & imperium exercet: ita etiam volun-
tas humana, ius simile, etsi longè inferius, & à iure diuino
dependens, in actiones suas ELICITAS habet. Ob ean-

dem causam, ^b capite nono, liberæ voluntatis actum eli- ^{b pag. 12.}
citum, etiam imperatum esse dicit, ideoque reflexum,
quatenus actum suum sibi voluntas imperat.
 Capite verò decimo, *essentialem voluntatis libertatem,*
 adeoque liberæ arbitrij in eo collocari ait, quod cogi non
 possit, quam elegantiarum pater *incogibilitatem* nomi-
 nat, ^c quæ *necessitas illi, vel uolitioni* est opposita, quæ ^{c pag. 37.}
perimit arbitrij voluntatem: & quam brutis animantibus
 inesse, capite XIII. latius ostendit. Hæc summa est
 Vincentianæ philosophiæ; quæ cuiusmodi portenta pa-
 riat, paucis explicabimus.

II. HINC enim consequense est imprimis, omnem
 prorsus voluntatis actionem liberam esse, & arbitrij liberi
 propriam; cuiusquemodi tandem ea sit; hoc est siue ne-
 cessitate sit expressa; siue ex deliberatione, & electione
 libera prodeat: siue ex intellectus arbitrio; siue ad vnum
 aliquid considerandum, & iudicandum vis illum rei ob-
 iectæ compulerit: ac denique quidquid phrenetici,
 amantes, & paruuli voluntate gesserint, id erit arbitrio
 libero tribuendum. Nam si omnis actio voluntatis eo
 ipso, quo voluntatis est, libera est, & liberæ arbitrij pro-
 pria; si, quod ^c Armacanus sectæ Patriarcha sciuit, ^{d To. 1. lib.}
placat contradictionem, ut voluntas non sit libera, sicut impli- ^{e. cap. 5.}
cat ut volendo non velimus, aut non faciamus quod volumus;

*hoc est ut voluntas non sit voluntas: cum phrenetici, ac mente capri, & qui nondum expeditum rationis vsum habere dicuntur, voluntate rationali appetant multa, quæ non appeterent, nisi ratione apperenda iudicaret: profecto quidquid agunt, id liberè, & ex arbitrio agunt libero. Quod enim natura insitum, & *essentiale* rei est, sine eo res esse non potest, & ea posita, necessariò ponitur. Atque omnis actio eo ipso libera est *essentialiter*, quo fit à *voluntate*, & est eius vitalis, & naturalis actio. Quare cum quod phrenetici volunt, id voluntate velint, & vitalis ea sit actio voluntatis, nec sine rationis & intellectus iudicio procedat, ut ^a Vincentius ipse confitetur, *essentialiter* libera sit oportet, & ab arbitrio libero profecta: siquidem omnis voluntas, siue *volitio*, eo ipso libera est, & arbitrij liberi propria, quo est *volitio*.*


a Lib. 1. c.
14.

III. TENETVR itaque suapte confessione restrictus, & irretitus tum Armacanus, tum Armacania infectator Vincentius. Qui enim omnem voluntatis motionem, eo ipso, quo est voluntas, liberam esse dicit: qui voluntatem, libertatem, & liberum arbitrium, rei eiusdem esse propria vocabula putat, hic, si qualicumque ratione, ac iudicio utitur, quidquid voluntate volumus, libere nos, ac libero arbitrio velle fateri debet. Alioqui si voluntate appetunt aliquid homines, quamlibet malè affecti, tamen homines; profecto non omnis voluntas eo ipso, quo voluntas est, erit libera. Existente enim aliquæ voluntates, hoc est actiones voluntatis, minime liberæ, quibus nihilominus libertatis essentia convenit. Vtenim vitalis omnis actio, quæ ab videndi sensu proficiscitur, visio est, & essentiam huius habet: quoniam genus nullum aliud actionis visus exercet, præterquam visionis: ita quoniam ex Armacanorum sententia; volendi facultas, quanta quanta est, nihil est nisi libertas, & arbitrium liberum; quæcumque illius erit actio, libera sit necesse est, & cuiusmodi liberi esse debet arbitrij. Vide in quas angustias sua illos male co-

gitata ratio compulerit. Nonne isti sunt, qui voluntatis duplicem illam functionem à S. Thoma, Peripateticis-que omnibus admissam, ut alia sit naturalis, & necessaria; alia libera, & liberi arbitrij propria, funditus respue-
runt? Nonne cum iidem illi voluntatem aliàs pro natura sumi, & eo quod spontaneum dicitur; aliàs pro libera facultate docuerint; isti nihil præter libertatem, & liberum arbitrium voluntati reliquerunt?

CAPVT IX.

1. De necessitate opinio S. Thomæ. 2. Huic contrariam tuctur Vincentius, qui omnem necessitatem arbitrio libero aduersam vocat coactionem; adeoque duplicem constituit, sed perplexè, & obscurè. 3. Diluitur Vincenziana sententia cauillatio. 5. Malè ab eo necessitas cogens explicatur. 6. Et refellitur ex iisdem, quos citat, auctoribus.

I.  VONIAM autem præcipua Vincentij, ac totius sectæ cauillatio, in definienda necessitate, quæ est opposita liberrati, posita est, interest scire, quæ sit illorum de necessitate ista sententia; qua nihil est profectò apud eos intricatius, & incertius: adeo multis inuolucris rem minimè alioqui difficilem obscurare, vel de industria student: vel propter inextricabiles laqueos, in quos incauti se induerunt, necessitate coguntur. Sed antequam illorum, & Vincentij præsertim, tortuosos amfractus, & labyrinthicas ambages aperiam: communem, vsuque receptam Doctorum omnium, & hætenus traditam notionem necessitatis exponam; ut sit lucis infar, cuius ope per opacas illas insidiosæ erroris tenebras

tuta, & certa vestigia ponamus. Hanc faciem nobis præferat idem ille, quem Peripatetici, & Christiani de libertate decreti interpretem communi consensu partium adhibuimus, S. Thomas Aquinas. Hic cuiusmodi res sit necessitas, tum vniuersè, tum quâ libertati est opposita, declarat illo in loco Theologicæ summæ, quem supra capere tertio disputationi nostræ præscripsimus. ^a Ibi *necessè* definit, *quod non potest non esse*: quod videlicet contingenti contrarium est. Hoc enim contingens dicitur, quod tam potest esse, quàm non esse. Porro necessitatem diuidit in *naturalem*, quæ est secundum inclinationem nature: & *violentam*, siue *coactionis*, quæ est contra inclinationem nature. Prioris exemplum capit ex voluntate, quæ *necessariò* inhæret ultimo fini: ^b nimirum *per essentiam*, id est perspicuè, cognito. Eadèmq; necessitas in brutis inest animantibus, ^c quæ ex naturali agunt iudicio, sed non libero, quia ex natura instinctu mouentur in finem.

II. AT ^d Vincentius imprimis, *coactionem*, & *necessitatem* in hac liberi arbitrii materia idem prorsus significare dicit. Deinde ^e hanc ipsam necessitatem, vel coactionem bifariam tribuit. Nam aliam dicit esse, quæ *premit naturalem arbitrii libertatem*: aliam, quæ *perimit*. Prior autem ideo non auferi voluntatis libertatem, quia relinquit ei motum suum voluntarium, quo sub premente, non opprimente necessitate, ex iudicio rationis, & utendo potestate illa dominatrice, se mouet. Tantum ergo abest, ut voluntatem opprimat, ut etiam voluntatem ad exercitium suæ libertatis inclinet, dum ad eliciendum actum voluntarium eam premit. Quod enim voluntarium, & liberum.

At posteriore, libertatis peremptricem, siue coactiuam, & dominantem, quæ libertatem actum, in quem impellit, extinguit, non sinere ait voluntatem potestate sua imperatrice uti, ut motu suo seipsam agat, & in necessitatem demittat: sed eam quasi ante se duriter impellere, & perinde ac appetitum brutorum, precipitare. Tum ^f repugnare modo illi, quo voluntas seipsam agit.

^a In Par. qu. 81. art. 1.

^b Ib. art. 2.

^c Ib. qu. 87. art. 1. & 1. 1. qu. 6 art. 1.

^d Lib. 1. c. 11. p. 44.
^e Ib. p. 45.

^f Ib. c. 11. p. 40.

In hac Vincentij incondita, & tenebrosa disputatio-
ne non est facile discernere quid sibi velit: sed eò tamen
vtcumque pertinent ambages illæ morosæ orationis ac
streperæ, vt sit necessitas triplex, vna, quæ *violenta*, &
coactiua propriè dicitur, ^a cuius principium extrinsecus est, ^a Arist. 3.
nihil eo conferente quod patitur. ^b Secunda quæ naturalis ^b Ethic. 1.
est quidem, sed ideo violenta dicitur, quia impetu quo-
dam effreni naturam agit præcipitem; ita vt non se agat,
& moueat: qualem esse ait in brutis necessitatem cogen-
tem. Tertiam necessitatem naturalem iidem appellat,
quæ relinquit naturæ motum suum voluntarium. ^b Vincen.
lib. 1. c. 13.

III. Quia in Vincentij descriptione permulta sunt
falsò, nec satis cōsideratè dicta. Horum illud est primum,
quòd coactionem & necessitatem in hac liberi arbitrij materia
idem prorsus significare asserit. Quod non est ita. Nam plu-
rimum inter se differunt, eiusque differentiæ ratio nec
parua, nec infrequens habetur: vt cùm liberum aliàs eum
necessario simplici; aliàs cum violento comparatur. Di-
ceret potius; promiscuè nonnunquam accipi, vt neces-
sitas naturalis interdum *coactio* vocetur quadam nomi-
nis abusione. Siquidem etiam in his quæ liberè, & ex li-
bero arbitrio fiunt, cogi tamen dicuntur homines: non
solum cùm inuici ac repugnantes agunt: sed etiam cùm
ex vehementi impetu animi, vel in habitum roborata cu-
piditate trahuntur. Quod ipsum de brutis quoque dici-
tur, non propriè; sed *καταρρηκτως*, cùm reuera non vio-
lencia cogantur vlla, sed in illa sponte ferantur, quæ sunt
eorum naturæ consentanea. Præterea ridiculum est,
quod ait, *necessitatem, seu coactionem priorem*, iccirco non
perimere libertatem, quia non aufert voluntarium; tan-
quam idem sit *voluntarium*, quod *liberum*, eo videlicet ge-
nere libertatis, quod propriè dicitur, & de quo inter nos
orta quæstio est, idemque est cum arbitrio libero. Est ea
quidem istius sectæ noua, & absurda sententia, omno
quod voluntarium est, esse liberum. Sed huic aduersa-
tur Peripatetica philosophia: cuius ex placitis S. Tho-

a S. Tho. in
1. 2. qu. 6. ar.
2.
b Ib. & 4. tris.
3. Nicom. c.
4.

mas voluntarium illud esse^a dicitur, quod est à propria, & naturali inclinatione ad finem notitia aliqua perceptum; cuiusmodi in brutis inest animantibus, & paruulis. Hoc autem est, quod ab Aristotele τὸ *involuntarion* dicitur, & vulgò *spontanæum* appellant.

c Tract. 16.
in Ioan.

IV. ITA QVÆ non solum contra Peripateticæ sapientię, sed etiam aduersus communem humanitatis sensum Noua secta contendit, necessitatem illam, quæ naturalem propensionem trahit ad finem, vim esse cogentem, ac violentiam; cuiusque de brutis capit exemplum, quorum appetitus præcipitatur, ac *duriter impellitur*. Atqui voluntarium illud, cuius participes sunt pueri, ac bestię, ibi maximè spectatur, vbi iucundis rebus obiectis, non inuitò, neque violenter, sed sponte, ac voluptate trahuntur. Sic enim Augustinus, c *Ramum*, inquit, *viridem ostendit oui, & trahit illam: Nuces puero demonstrantur, & trahitur. Et quia quò currit trahitur, amando trahitur.*

d Vide cap.
9. & 7.

Nam quod subiicit, iccirco perimi libertatem huiusmodi necessitate; quia *non finit hæc voluntatem potestate sua dominatrice vii, ut motu suo seipsam agat*: manifestè demonstrat, eatenus libertati contrariam esse necessitatem naturalis inclinationis, quia libero repugnat arbitrio, siue potestati vtriusque, quæ in iis quæ sunt ad finem, hoc est *media*, versatur. Hanc enim esse, quā & imperatrice vi vii voluntatem, & seipsam agere, ac mouere dicitur, d suprà docentem S. Thomam audiuius. Quò & cetera eiusdem pertinent: velut, *ea, ad quæ naturaliter inclinamur, non subesse libero arbitrio*. Hinc enim euident est, naturalem illam necessitatem non perimere voluntarium, sed liberum. Ideo tam bruta, quàm amentes, & paruulos voluntariè ferri quidem in ea quæ appetunt, non tamen liberè. Cur autem liberè non agant, non illa ratio ab eodem S. Thoma redditur, in qua Vincentius tantopere sibi placet, plaudente nullo, quòd impetu quodam ac duriter impellantur, sed omnino, quòd ad vnum affixi

& determinati, indifferentia illa careant, sine qua libertas arbitrij constare non potest: ut paullo pòst rursus ostendam.

V. PESSIME' verò, & ἀφιλοσόφως Vincentius necessitatem cogentem, & libertatis inimicam, ab ea distinguit, quæ cum libertate stat, eo solo, quòd illa sit incitator, ac vehementior, hæc sedatior; ut ex illius verbis intelligitur. Nam siue vehemens sit, siue lenior ac tranquillior, dummodo antecedit voluntatis usum, & ad vnum affigat, liberum tollit arbitrium. Siquidem pecudes ipsas videmus maiore ad quædam rapi imperu, quàm ad alia: ut ad pabulum capeiendum mitioribus incitari stimulis, quàm ad venerem: quemadmodum de illis, maximè autem de equabus, eleganter Poëta cecinit in tertio Georgicon. Et tamen utrobique necessitas antecedens, ac proritans appetitum agit illas libertatis expertes: neque duriter impellit, sed blandissimis voluptatis illecebris demulcet; hoc est *brutaliter*, ut loquitur leporis ac munditiæ Romanæ flosculus Vincentius Lenis.

VI. QUOCIRCA meliùs auctores illi, ^b quorum iste testimonio utitur, SS. Bernardus, & Thomas, nec non Scotus, necessitatis vim explicant, & cum libertate contendunt. Quippe ex eorum dictis alia cogens & violenta necessitas existit voluntatis inclinationi contraria: alia minimè violenta; sed naturali propensione consentanea. Quæ rursus bifariam tribuitur, ut sit altera antecedens, & determinans voluntatis appetitum, & ad vnum aliquid affigens, & alligans, sine potestate alterius; qualis in brutis, aut amentibus, parvulisque reperitur: altera voluntatem sequens, & comitans, quæ libera necessitas appellatur; quod eam sibi suapte sponte voluntas afferat, quando in eo, quod liberè delegit, fixa manet, nec mutationem admittit ullam.

Ex hac triplici necessitate, prima interiori, & ut vocant, elicitò voluntatis actui non potest obistere: nec

a Vide pag. 46.

b Vincent, cap. 11.

eiusmodi in rerum natura versari potest; quandoquidem ipsa violenti ratio cum voluntatis actione pugnat: ut pluribus in primo libro de arbitrio libero disputatum est à nobis. Incurrit autem in exteriores, & à voluntate imperatas actiones: nec intimam illius libertatis functionem opprimit; sed de voluntario detrahit, ac bene meriti dignitatem aut minuit, aut penitus infringit. At secundi generis necessitas, quæ ex naturali inclinatione oritur, neque vi cogit; neque tamen libertatem, hoc est liberi arbitrij usum, & electionem relinquit. Non enim violenta dici debet, quæ naturalem appetitionem ad hoc rapit, & in eo defixam, & immerfam tenet, ad quod suapte sponte procliuus est. Verùm idèò voluntati libertatem eripit; quod nec imperandæ actionis illius, nec ad eam exercendam mouendi sui potestatem illi facit; sed imperu quodam naturali, minimèque libero, ad id, quod iuvat, & blanditur, impellit.

Tertia denique, quoniam ex libera electione voluntatis oritur, libera est & ipsa: idèòque *voluntaria*, ut dixi, & *libera necessitas* à S. Bernardo dicitur. Non enim solum liberè suscipitur; sed etiam liberè in ea permanetur, libertate illa quæ absolutæ necessitati, non quæ seruituti est opposita. Quare frustra est Vincentius, qui cum de antecedente necessitate inimica libertatis agatur, eius testes aduocat, qui de consequenti loquuntur; ut liberæ voluntatis actioni non esse contrariam vim necessitatis ostendat.



CAPVT X.

1. *Insignis Vincentij error in quodam S. Thomæ loco usurpando.* 2. *Qui quidem exponitur.* 3. *Et ostenditur nihil ad causam Vincentij pertinere.* 4. *Cuiusmodi necessitatis genera ibidem declarantur.*

I.



Ge nunc insignem Vincentij labem abstergamus; qui a locum profert è S. ^a Thomæ Aquinate, qui *malum*, inquit., *negotij Petauio, & Ricardo, & eiusdem philosophia mysticæ facessit.* Ut &

^a Vine. lib.
^b c. 12.
^b Lib. 3.
cont. gent.
c. 13.

Petauio, ceterisque negotij aliquid faciat; & Vincentij causam adiuvet; necesse est, illorum vt decretis contrarius sit iste locus, & huius doctrinæ consentaneus. Meminerimus quæ sit summa Vincentianæ opinionis superiori extricata capite. Nimirum necessitatem statuit duplicem; alteram *coactionis*, non tamen propriè ita dictæ, sed naturalis, & absolutæ, quæ cum naturali inclinationi lenocinetur, eam tamen violentam idèd nominat, quod voluntatem non sinat imperatrice vi vri, ac sese mouere; sed eam præcipitet, & impellat, quemadmodum brutorum appetitus in id, quod amat, vehementi rapiditate trahitur. Alteram non violentam vocat, quæ *voluntatem ad eliciendum actum voluntarium* premit; tamen si ad vnum appetendum necessariò sit adstricta; quemadmodum beati Deum necessariò, nec minùs tamen liberè diligunt.

Quamobrem vt hanc opinionem suam antiquorum testimoniis approbet Vincentius, eiusmodi ea sint oportet, vt necessitatem vtramque talem expriment, qualis

ab illo constituta est : quæ nimirum voluntatem vni tantummodo rei addictam, & alligatam teneat, alterius eligendi potestate detracta. Sic enim violentam necessitatem omnem funditus perimere libertatem existimat, vt in brutis vsuuenit : ex quo sequitur, optionem alterius eripi; nec nisi vnum aliquod obtrudi. Sic etiam necessitatem alteram vnus appetitione determinatam habere voluntatem putat Vincentius; ob idque Petauium reprehendit, quod libertatem neget, sine pari ad vtrumlibet potestate consistere. Quod si necessitas eiusmodi nominetur ab Auctoribus, quæ plane voluntaria sit; hoc est, quam sua sibi voluntate quispiam præscripserit, ita vt si velit contra illam venire possit; vt cùm naufragij metu merces suas in mare proiicit: aut cùm iureiurando, vel voto ieiunium sibi, vel castimoniam indixerit, perspicuum est nihil ista necessitatis genera duo ad Vincentianam pertinere: nec de illis controuersiam vllam inter ambas partes extitisse.

II. ATQVE ille ipse S. Thomæ locus, in quo tantum præsidij tibi esse iactat gloriosus iste *custos dominusque viperarum*, prorsus ad eam spectat necessitatem, quæ merè voluntaria est, & vtriuslibet eligendi liberam potestatem relinquit.

Licet hoc ex ipsa S. Thomæ disputatione, ac disputandi causa cognoscere. Ibi enim contra nonnullos disserit, qui votorum obligationem, & impositam ab ea necessitatem certorum officiorum improbabant; cùm hoc obicerent: *Vnumquodque bonum, quanto liberius agitur, tanto virtuosius esse videri: quanta autem ex maiori necessitate quis ad aliquid obseruandum astringitur, tanto minus liberè id agere videri. Videtur igitur derogari laudabilitati virtuosorum actuum per hoc, quod ex necessitate obedientia, vel voti, sunt.* Quibus sic occurrit S. Thomas, duplicem vt necessitatem discernat; vnā *coactionis*, & hæc, inquit, laudem virtuosorum actuum diminuit, quia voluntario contrariatur. *Coactum enim est, quod est voluntati contrarium.*

Alteram, quæ ex interiori inclinatione procedit; & hæc laudem virtuosæ actus non minuit, sed augeat: facit enim voluntatem magis intensè tendere in actum virtutis. Patet enim, quod habitus virtutis, quanto fuerit perfectior, tanto vehementius voluntatem facit tendere in bonum virtutis, & minus ab eo deficere. His tertiam adiungit necessitatem, ex fine: sicut cum dicitur alicui necesse esse habere naue, ut transeat mare. Patet autem quod nec huiusmodi necessitas libertatem voluntatis diminuit; nec actuum bonitatem.

His animaduersis, docet S. Thomas necessitatem illam, quæ ex obediendi voto sequitur, neque coactionis esse, quæ est prima; neque ex interiori inclinatione, quæ secunda est: sed ex ordine ad finem, quam tertio loco posuit. quæ quidem neque libertatem, neque laudem detrahit.

III. Ex his manifesta est Vincentij leuitas, & inco-
 gitantia, qui sola nominum specie deceptus, continere animum suum non potuit, quin efferretur gaudio, & ἡ παρὰ caneret, *omnis & vitulans victoria*: nec intellexit, quod refrigerato nunc puerili hoc impetu cognosceret, nihil ista genera necessitatis tria, quæ ex S. Thomæ retulit, ad illa sua spectare duo: immò quæ ibidem scripta leguntur, cum Petauij placitis ad amussim congrueret; abhorreere autem ab iis venenis, ex quibus iste δαλν-
 τηριος suum φάρμακον temperauit.

Primum quid habet commune cogens Vincentij necessitas cum ea, quam S. Thomas illuc explicat? Vincentiana non est contra voluntatis inclinationem; nec violenta propriè dicta: tum libertatem, siue vsum arbitrij liberi perimit. At illa S. Thomæ vera proprièque dicta coactio est, eaque voluntario est opposita; quod idem asserit: nec liberi arbitrij functionem eripit. Non enim qui voto castitatis obstrictus, acerrimis contra voluntatem libidinis stimulis vrgetur, non libero, & in vtramvis partem flexibili resistit arbitrio: quod ad laudem & meritum valet quidem; sed multo minus, quàm

si longo vsu, & exercitatione temperantiae, perfectum eius in se obfirmasset habitum; quo & minori difficultate, & propensione maiori virtutis illius officia praestaret. Nam si inflammatae cupiditatis fractus illecebra, non nisi metu, & inuitus in officio continetur, liberè hic quidem abstinet; sed quoniam coactus omninò id facit; & quod re ipsa non audet, voluntate iam admisit facinus; laudis ac meriti nihil eo facto consequitur.

a S. Tho. 1
2. qu. 6. art.
4.

IV. Igitur necessitas illa cogens, cuius ibi S. Thomas meminit, cum vsu arbitrij liberi, & libertate nullo modo pugnat; siquidem voluntati, quod ad interiores actus pertinet, vis afferri nulla potest. ** Duplex enim est actus voluntatis: (ait idem) unus quidem, qui est eius immediatè, velut ab ipsa elicitus, scilicet velle: alius qui est actus voluntatis, à voluntate imperatus, & mediante alia potentia exercitus; ut ambulare, & loqui, qui à voluntate imperantur mediante potentia motiua. Quantum igitur ad actus à voluntate imperatos, voluntas violentiam pati potest, in quantum per violentiam exteriora membra impediri possunt, ne imperium voluntatis exequantur: sed quantum ad ipsum proprium actum voluntatis, non potest ei violentia inferri. Ergo liberè voluntas interim agit, dum actioni ab illa imperatae vis adhibetur.*

Ceterum iste ipse S. Thomae locus Vincentij traducit errorem, qui voluntatis elicitos actus, imperatos esse dicit; & liberæ voluntatis essentiam in eo collocat, quod suos sibi actus imperet. Quod ioculare commentum humana ratio, nedum philosophia Peripatetica condempnat; cuius utriusque S. Thomam damus interpretem.

Iam secundum genus necessitatis apud eundem S. Thomam, quod ex interiori inclinatione procedit, non minùs ab eo distat, quod Vincentius secundo itidem loco numerat. Etenim huiusmodi inclinationis necessitas à S. Thoma statuitur; quæ non simplex est, nec vno aliquo determinata, sine optandi alterius potestate, qualis est Vincentiana, quam *prementem*, non *opprimentem* vocat:

sed voluntaria est necessitas, hoc est quam ut liberè sibi quispiam imposuit, ita liberè potest excutere; ut in homine illo euenit, cuius gratia necessitas illa bifariam est ab S. Thoma distributa, qui voti religione castè sibi viuendi legem, ac necessitatem imposuit. Quamuis non ad hoc secundum necessitatis genus votiuam illam necessitatem refert S. Thomas; sed ad tertium, quod ex ordine ad finem petitur. Nihilominus illud habitus exemplum, voluntatis inclinationem sine dispendio libertatis adiuuantis, quod idem assumpsit, argumento est non esse necessitatem istam Vincentianæ similem, nec vno circumscriptam ad appetendum propositum, sed cum eligendi è pluribus vnus libera potestate, & indifferentia coniunctam.

V. NAM quod beatorum mentionem ibidem facit S. Thomas, quibus *necessitas inferitur ad bene agendum*, ut peccare ideo non possint: *nec tamen propter hoc aut libertati voluntatis aliquid deperit, aut actus bonitati*: nihil hoc Vincentianum commentum subleuat. Non enim propterea liberè in id feruntur, quod absoluta necessitate appetunt, cuiusmodi est diuina bonitas, quam sic amant, ut non solùm odisse nequeant, sed ne ab amando quidem desistere. Non de amore, inquam, beatifico ibi S. Thomas loquitur; quem non esse liberum, sed necessarium, ^a suprà ex eodem ostendimus. Verùm ^a Cap. 5. præter amorem illum supremi finis, ac summi boni, aliz sunt interiorum bonorum appetitiones, tanquam *mediorum*, in quæ beatæ mentes liberè, hoc est libero arbitrio feruntur. Ac quemadmodum habitus virtutis, quo exemplo S. Thomas utitur, voluntatis inclinationem ad propriam honestatis speciem vehementiorem facit, suoque modo determinat; non tamen ad hanc potiùs, quàm ad aliam indiuiduam actionem: adeo ut, etsi voluntatem absoluta necessitate determinaret; solam, uti Scholæ nominant, *specificationem actus* illius libertati subtraheret; ut contrarium virtuti illi pecca-

tum nullum posset admittere: non tamen obstarer, quia circa varias & singulas eius virtutis actiones integrum ius, ac liberam, & indifferentem potestatem retineret.

Quocirca castiganda ^a Vincentij ratio est, qui in illo tractando S. Thomæ loco, falsa eum ac præpostera interpretatione corruptit: his vocibus insertis (*ut in amore beatifico*) tanquam ita ille scripserit: Adeo *ut scilicet ad finem perfectionis profeceris, necessitatem quandam bene agendi, liberam samen* (*ut in amore beatifico*) inferre possit. Potestne vel vnā indicare litteram, qua S. Doctor necessitatem illam in beatis cum libertate coniunctam circa *beatificum amorem* versari docuerit? Non est ita. Nam contrarium plenis alibi quæstionibus articulisque tradidit.

Sed cum *libertatem* hic appellari toties audit eruditus lector, meminisse debet, hoc nomen ab antiquioribus Scholasticis ancipiti significatione sumi: quod iam capite quinto superius animaduertimus. Nam sæpe pro *voluntario*, siue *spontaneo* sumitur, & ut violento contrarium est: aliàs liberum, non *voluntarium* tantummodo significat; quod ipsum necessarium esse nihil prohibet; sed etiam, quod ita sit, ut oppositum ei fieri potuerit; adeoque *contingens* dicitur, & ei quod necessarium, & vniusmodi, ac determinatum est, ex aduerso respondet. Hoc modo libertas liberi arbitrij propria est, & *vis electiua* propterea vocatur à S. Thoma, de quo satis hætenus dixi.

^b Vt Pen-
not. lib. 1. c.
17.
^c Qu. 6. de
malo.

Rectè autem ^b Theologi quidam obseruauerunt, ante recentiorem hunc errorem, quem ^c S. Thomas hæreticorum esse docuit, qui veram libertatem cum absoluta necessitate constare, ac soli *coactioni* repugnare censent, plerosque necessitatem à coactione minùs accuratè separasse: Post autem *nouos exortos hæreticos*, ut Pennotus loquitur, qui *voluntatem subiiciunt necessitati naturalis inclinationis, & determinationis ad vnum*, cum demum subtiliùs necessitatis vtriusque nocatum esse discrimen.

Ac vel ex vno S. Thomæ varietatis illius specimen licet capere. Hic enim in prioribus operibus, quæ de rebus theologicis edidit, minùs in hac tenenda differentia necessitatis & violentiæ fuit enucleatus & constans. In theologica verò summa; quod diuini ingenij longè præstantissimum opus, & auctore suo dignissimum meritis iudicatur; vt in liberi arbitrij explicanda ratione; sic in necessitate naturali ab violentia discernenda, haud paullo fuit exactior. Ac propterea suprâ capite tertio, cùm in eo essemus, vt sincera ac germana S. Thomæ de libertate sententia, in eâque Peripatetica, inquirenda videretur, summam ad hoc theologicam potiùs, quàm eiusdem lucubrationes ceteras adhibendas duximus. Quamquam permulta sunt in.^a istis quoque, de vera proprièque dictæ libertatis notione, & huic opposita necessitate eximie, accuratèque tradita, & iis quæ scripsit in summa postea, consentanea: quæ in libro tertio de libero arbitrio collecta sunt ab Antonio Ricardo: vbi & illa eiusdem S. Thomæ loca pertraxit, & exposuit, quæ ad erroris sui patrociniũ Armacanus attulit, ex eòque Vincentius descripsit. Hic verò festiuè, quod illa eadem S. Thomæ testimonia, quasi noua essent, & à se primùm obiecta, dissimulatâ, quam apud Ricardum legerat, explicatione protulit. Quod idem & in illis Patrum sententiis præstitit, quas à nobis propositas, & ad verum sensum accommodatas esse nouerat. Atqui intererat eius, qui contemptum ac ludibrium cauere veller, actum non agere: nec odiosè congestis, & reperitis iisdem auctorum locis, nullo operæ pretio, patientiæ Lectorum illudere.

a Vrin qu;
21. de Verit.
ar. 1. & 4. &
qu. 6. de
malo, & qu.
10. ar. 5.



CAPVT XI.

1. *Quid inter brutorum appetitum, & hominis libertatem intersit.* 2. *Quod ex S. Thoma declaratur.* 3. *Tum illustratur ex Hierocle Pythagoreo.* 4. *Quid distet ab eodem appetitu brutorum, hominis voluntas non liberè agens, sed necessariò.*

I.



XPOSITA necessitatis ratione, ac multiplici specie; tum Peripateticæ philosophiæ placitis, cum Armacanorum opinione comparatis; redeundum est ad inchoatam suprà capite octauo disputationem, de consecrariis Vincentianæ doctrinæ; quam ideo paullulum interrupimus, vt explicata necessitate, qualem secta ista describit, faciliùs in eorum arcana penetraremus. Queritur a Vincentius de

a Vinc. lib.
2. c. 1. Sect.
1. p. 175.

ignorantia Petauij, & Ricardi, qui inter appetitum brutorum, & motum humana voluntatis, quando quippiam necessariò vult, nullum ponunt discrimen. Ista ignorantia crassæ nebula, in qua duo illi homines, inquit, perpetuò ambulant, errarèque pleraque fere omnia eos facit, quacumque errauerunt, & delirauerunt. Vide hominis vrbانيتatem, ac lenitatem; qui & de Petauij asperitate grauitèr expostulat, & Lenem se ideo nominat, vt ab illius iracundia quàm alienissimum fore se profiteretur.

Atqui quod ignorantia Petauium hîc arguis, Magister Lenis, vide an non in illos cadat potiùs, qui studio partium occupati spissas obducunt nebulas rei alioqui per se claræ, & ad intelligendum facili. Quis est paullulum sapiens, qui hoc non capiat, non interrogatus respondeat, *coactum* id, violentumque dici, à quo naturalis abhorret appetitio: necessarium verò, quod aliter fieri

fieri nequit, & contingens non est, ideóque non est in nostra potestate: liberum denique, quod tam à nobis fieri, & ascisci potest, quàm quod tunc est oppositum? Has à natura traditas, & doctis pariter, atque indoctis infitas notiones, tanquam publicam monetam, vos corrumpere nuper instituitis, túque præ omnibus confidentissime Vincenti.

II. QVÆRIS igitur quid intersit inter bruti appetitum, & hominis voluntatem necessitate constrictam, ac determinatam. Quære priùs quid ab illius appetitu, distat huius libera voluntas: hinc enim faciliù alterum cognoscēs. Docebit illud te S. Thomas in prima parte Theologicæ summæ. Ibi enim quæstione LXXXIII. ^a in a Art. II. qua disputat *utrum homo sit liberi arbitrij*: primùm esse respondet, idque probat hoc argumento, quod *alioqui frustra essent consilia, exhortationes, præcepta, prohibitiones, præmia*. Unde verò habeat, vel liberi sit arbitrij, explicat sic. Eorum quæ agunt, alia sine iudicio agere dicit, ut quæ carent cognitione; velut lapis deorsum cadens: alia cum iudicio: quæ & ipsa in duplici sunt dfferentia: quædam enim non libero agunt iudicio, sed naturali; ut ovīs lupum videns, naturaliter iudicat eum esse vitandum; *quia non ex collatione, sed ex naturali instinctu hoc iudicat*: quædam ita cum iudicio agunt, ut id ex collatione rationis existat: ut homo; *qui agit iudicio, quia per vim cognoscit: nam iudicat aliquid esse fugiendum, vel prosequendum*. Libero autem agit iudicio, quia potens est in diversa ferri, eo quod iudicium istud non est ex naturali instinctu in particulari operabili, sed ex collatione quadam rationis. Quam collationem declarat ita: *Ratio enim circa contingentia habet viam ad opposita, ut patet in dialecticis syllogismis, & rhetoricis persuasionibus*. particularia autem operabilia sunt quadam contingentia. Et ideo circa ea iudicium rationis ad diversa se habet, & non est determinatum ad unum. Et pro tanto necesse est, quòd homo sit liberi arbitrij, ex hoc ipso quòd rationalis est.

III. Ex hoc fonte Peripateticæ, Christianæque sapientię, certa ratio veræ, proprięque dictæ libertatis, & huius à brutorum appetitione discrimen petitur. Nam vtraque ex cognitione ac iudicio pendet: sed bruti iudicium, ex naturali inclinatione, id est instinctu profiscitur; & iccirco est vniusmodi, id est vni affixum, ac determinatum; neque plura inter se comparat, vt ex ea contentione quippiam anteponat alteri: quia necessarium vnum illi persequendum, aut vitandum obicitur. Homo verò rationem sequitur, quæ plura cognoscit, & inter se confert: non ea quidem determinata, & necessaria; sed *contingentia*; quæ videlicet aſciſci, vel abiudicari poſſunt. Quare eo ipſo libera eſt voluntas, quod non eſt determinata; nec vni addiſta; vt nec iudicium, ſiue arbitrium mentis, quod plura inter ſe minimè neceſſaria, ſed vtilia duntaxat, & contingentia comparat. Ita propriè dicta, *formalis*, ac vera libertas eſt, non voluntas ipſa, quæ voluntas eſt, & naturalis inclinatio rationalis appetitus; ſed quatenus liberum eſt arbitrium, & ex pluribus quod libitum eſt, poteſt citra determinationem, ac neceſſitatem eligere.

a Vide To.
1. lib. 5. c. 1.

b Hieroc.
apud Stob.
Serm. 65.

ζῷον ἰκτα-
νον τὸ ζῷον
ἐπιμέλει τῆ
ἐκείνου φύσε-
ως καὶ κατὰ-
σκευῆς. ὅτι
διὰ τὸ φύσει
ἐπιμελεῖσθαι
τῆς αἰτίας τῆ
ἐκείνου φύσε-
ως καὶ κατὰ-
σκευῆς, καὶ
ἐκείνου κατὰ
τὴν φύσιν
καὶ κατὰ
τὴν φύσιν

Hoc quia brutis animantibus natura negauit; & ad vnum aliquod, ac definitum, eorum alligauit iudicium; idèd non liberè, neque tamen violenter & coacta; sed necessariò, ac præcipiti cupiditate rapiuntur.

Hoc est liberæ hominum voluntatis, & brutorum appetitus discrimen ab S. Thoma, & Christiana philosophia constitutum. Cui & humana consonat, à nobis ex gentilium philosophorum decretis accuratè descripta.

IV. QUAM quidem illustriorem modò reddemus, vnius ex illorum numero adscripta sententia, quæ eandem brutorum ab homine discrepantiam egregiè demonstrat.

Is est Hierocles Pythagoreus, in libro de Nuptiis; vbi hanc bene viuendi regulam præscribit; vt naturæ conuenienter homo viuat: *Quippe viuat, ait, animantium*

quodlibet vita naturali suæ constitutioni consentanea. ac perfectio stirpes etiam ipsæ similiter viuunt, pro eius, quæ illis tribuitur, vita ratione. Verum non ratiocinatione, vel consultatione viuunt aliqua, nec examinatis rebus defectum aliquem adhibent. Sed stirpes quidem sola ad id aguntur natura: quæpe inanima sunt. Animalia verò imaginationibus ad ea quæ commoda sunt attrahentibus, & impellentibus cupiditatibus ducuntur. Nobis autem natura rationem indidit; quæ & alia omnia, & cum omnibus, vel potius præ omnibus, naturam intueretur: uti tanquam in aliquem insignem, certumque scopum, sic in naturam intenta, & quidquid ei conueniens est, eligens, ad decentem nos viuendi modum perducas.


Vides quid inter bruta, & hominem intersit: & ut illa, quacumque phantasia, & commodarum rerum appetitio trahit, sine ulla deliberatione moueantur: hominum verò liberum sit iudicium; tum libera, quæ ex iudicio sequitur, iudicata; approbatæque rei ad finem obtinendum utilis, electio.

V. Hæc libertatis posita, fixæque formula; non est difficile scitu, cuiusmodi sit eidem aduersaria necessitas. Nam cum radix ipsa libertatis intercepta est, quæ est iudicandi vis: ut vno aliquo circumscribatur, ac determinetur; nec plura inter se contendere, & quod horum utilius, meliusque sit, discernere, ac pronuntiare queat; quod in amentibus, & infantibus, ac rationis usu carentibus accidit: tum non liberè voluntas, sed necessariò in id quod concupierit trahitur: quia non ex collatione sanæ ac sobriæ rationis agit, ut S. Thomas loquitur: sed ex solo impetu, & instinctu mouetur. Neque tamen inter sic affectum hominem, & pecudem, non aliquid interest. Nam etsi iudicium utrique commune; nec non voluntarium ab S. Thoma tribuitur, non iccirco species eadem est utrobique iudicij; sed genere solo ambo inter se conueniunt; quemadmodum naturæ ipsæ genere vno continentur animalis, ac sensu præditi; sed forma & essentia discrepant. Sic iudicium in brutis, phantasie solius

est, & eius partis, quam *astimatiuam* vulgò nominant: *voluntarium* autem *sensitini*, quem vocant, *appetitus*. In homine rationis illud est; sed non *arbitra*. hoc *voluntatis*; non tamen liberè agentis. Necessitatis porro vis & ratio proportionè est eadem.

CAPVT XII.

1. *Vincentij astus in explicando discrimine necessitatis, qua bruta feruntur, & paruulorum, aut amentium.* 2. *Frustra ex imperatrice vi voluntatis ab illo peti, qua nulla circa necessaria sit.* 3. *Pecudum, maximèque asinorum petum ab Vincentio testimonium eluditur.* 5. *Ludicrum eiusdem ἀπορία.*

I.  *H*ic contraria Vincentij est opinio. Qui si eadem, quæ capite antecedenti disceptata est, quæstione pulsetur, quânam re distet à pecudum appetitu, voluntas hominis necessitate agens, & ex sola naturæ propensione, non ex deliberatione; vel ad ea confugiet, quæ dixi: vel, si sibi constare pergat, frustra conflabitur, in obscuris, ac nihil liquidi, & discreti sonantibus vocibus, *μὴ γινώσκουσιν*. Quid enim aliud referunt ea, quæ suprà capite nono ex illo descripsimus? Necessitatem illam, qua bruta feruntur in ea quæ appetunt, ait esse violentiam: eandem in homine, libertatis comitem, & adiutricem facit. Quî enim aliter posset, cùm & voluntarium idem ac liberum esse statuat; & voluntatis actionem omnem, *essentialiter* liberam esse defendat?

Cedo igitur, quid causæ est, cur paruulus, aut amens, aut fatali necessitate, vt olim Stoici putabant, impulsus,

non liberè appetat quod voluntate concupiscit?

^a Neque enim voluntate, ac iudicio qualicumque, ^{a Vincent. lib. 1. c. 14.} hoc est vitali, & naturali facultatum illarum motione, uti negas istiusmodi homines; cum ex naturali inclinatione in ea feruntur, quæ sibi placita sunt, & commoda. Ecquis igitur violentiæ locus est in ea voluntatis actione, quæ maximè voluntaria est? aut cur libera non est, si & voluntatis actio est, ex iudicio profecta; & omnis est libera motio voluntatis?

II. NAM quod potestate sua dominatrice tunc voluntatem non uti asseris; nec semetipsam mouere; & cetera eiusdemmodi, quæ quid sint non intelligendo, profers, vi sola veritatis, seu fiducialis, compulsus; hoc illud est, quod paullo antè dicebam, cogite, quamlibet inuitum, ac reclamantem, eadem nobiscum, & cum S. Thoma, ceterisque de libertate fateri; eius essentiam, non, ut falsò dicebas, in solo voluntario sitam esse; nec omnem voluntatis actum esse liberum: sed in solo libero arbitrio, & utriusvis amplectendi minimè determinata potestate libertatem consistere. ^b Siquidem imperare ^{b Vide sup. c. 3. & 7.} sibi, seque mouere, & alia id genus, quæ tu in essentiam, ac definitionem libertatis includis, liberi sunt arbitrij propria; hoc est voluntatis, non quæ naturalis est inclinatio, & ad finem ipsum refertur, estque determinantis capax necessitatis: sed quatenus circa *media*, & contingentia versatur, & ad utrumvis indifferenter se habet, hoc est, ut S. Thomas loquitur, *potest ad diuersa*.

^c Imperare certè nihil ille censet aliud esse, quàm *ordinare ad aliquid agendum*, hoc est ad finem: tum *actum esse rationis*, qui electionem sequitur. ^d Nam *post determinationem consilij*, quod est iudicium rationis, inquit, *voluntas eligit, & post electionem ratio imperat ei, per quod agendum est, quod eligitur*. ^{e S. Tho. 1. 2. qu. 17. art. 1. 1. 2. c. 1. d. 1. ar. 3. ad 1.}

Quo ex loco Vincentij multiplex error conuincitur. qui ^e cum voluntatis actum omnem liberum esse sentiat: ^{e Lib. 1. c. 3. & 4.} & ^f libertatis essentiam in imperio constituat; fateri co- ^{f Ibid. c. 4.}

gitur nullum alium voluntatis actum esse præterimperium: adeoque nec finis appetitionem, quæ consilium antecedit, nec electionem, quæ ut hoc posterior, sic imperio prior est, actiones esse voluntatis; tum, quod^a alibi iam dixi, liberæ voluntatis essentiam in eare ponit, quæ rationis ac mentis est propria, non appetitus, ac voluntatis.

^a Sup. c. 7.
§. 1.

^b Vinc lib.
2 c. 1. pag.
176.

^c Vinc. ibid.
P. 177.

III. AT ENIM^b in ista vi voluntatis imperiosa, & imperatrice sui essentiali eius, quæ ab appetitu brutorum distinguitur, libertatem consistere, inuictio probat argumentis; ac graui imprimis auctoritate, ^c conum, simiarum, elephantorum, asinorum; & vnus inter alios, qui sapientia magistri sui auditor erat, ac magis liber, quàm ceteri crassiores, & stolidiores Minervæ asini fratres eius.

His omnibus contra Perauium, & Ricardum testimonium denuntiat. Sed ut iure, ac legitimè contendat, postremum illum testem expungat censeo: ne ex hoc] *μαρτυρος* apponi videatur. Ecquos verò fratres asini illius ex Vincentij verbis diuinare possumus? Non enim asinis obstericari, & operam adhibere Minerva solet, quam fratribus illis parum benignè consuluisse scribit. Sed his, ac similibus parum gratis interpellatoribus, ac sibi adeo, Vincentius occurrat ipse; & quid brutorum appetitus ab libera voluntate hominis intersit, ex S. Thoma, & illa ipsa, quam toties inculcat, imperatrice vi, & imperio discat. ^d Nempe quod imperare, sit ordinare ad finem, ait S. Doctor: bruta verò media, quæ vocant, ad finem non referant; iccirco libera voluntate carent, quod fufius declarat idem his verbis. ^e Dicendum (inquit) quòd aliter inuenitur impetus ad opus in brutis animalibus, & aliter in hominibus. Homines enim faciunt impetum ad opus per ordinationem rationis: unde habet in eis impetus rationem imperij. In brutis autem, sit impetus ad opus per instinctum naturæ: quia scilicet appetitus eorum statim apprehenso conuenienti, vel inconuenienti, naturaliter mouetur ad prosecutionem vel fugam. Vnde ordinatur ab alio ad agendum: non autem

^a S. Tho. 1.
2. qu. 17. ar.
2. & 1.

^e Ib. ar. 1.
ad 3.

ipsa seipsa ordinans ad actionem: & ideo in eis est impetus, non autem imperium.

IV. Sic de pecudibus, & sapientiore illo fratribus suis alino non multum laborabit Vincentius. In amen-
tibus, & similibus humana voluntate, intellectuque præ-
ditis, plurimum æstuat, ut suis, ac sectæ suæ principiis
consentaneum aliquid expromat, quod ex voluntate,
hoc est libertate agentes illos non perinde liberè agere
persuadeat, ut cum oculis, & auribus utantur, id quod
agunt, *essentiam* habet visionis & auditionis, eo quod
ex essentiali videndi, & audiendi facultate proficisci-
tur.

De his igitur, brutorum tuorum, ut ais, non dissimi-
libus; sed, ut ex antè dictis evidens est, longè tibi mo-
lestioribus, quàm sexcenti tui *sapientes asini*, quemadmo-
dum te cum tuis decretis, & principiis exerices, sanè vi-
deris. Quod idem in fatali, & tamen voluntaria neces-
sitate, præstare debebis. Nam necessitatis duplicis tua
illa distinctio, ut una *coactiva* sit, altera voluntaria, quam,
ut mali medici solent ad vlcera omnia, solum, & vnicum
emplastrum, ex panario tuo identidem exprimis, futilis
est, ac magnarum & necessariorum rerum inscitia refer-
ta: quod vel ille tuus Ammoniani discipulus, te docebit.

V. Cuius quidem ut te ad captum accommoda-
res, credo à *propter* illud nitidis, & elegantibus vocabulis

expressum in fine ita te posuisse. ^a *Nunc videri ponite casum,*
ais Vincenti, *ut vis illa voluntatis imperiosa sui altus, suo-*
re modo, & imperio suo seipsam moveat; sed tamen indiffe-
rentia accidentalitatis bilancem non utrimque expeditam habeat,
quia intellectus hic & nunc solum de amando, non de suspen-
sione amoris ei quidquam representat, & ad amandum iudicio
præctico eam determinat: An talis tamen amor, per vestram
fidem, & conscientiam, brutalis, nec essentiali libertate liber
erit? Cur enim liber non esset, quandoquidem voluntas suo
sollemni imperandi modo seipsam agat, non impetu brutali &
effreni foris exiliat?

^a Lib 1. c. 1.
sect. 1. pag.
178.

Hic verò quid dicas profectò non intelligis; ac quid libertas, & liberæ actionis quæ sit exequendæ ratio funditus ignoras. Dixi tibi sæpius vim illam voluntatis imperatricem in iis duntaxat exerceri, quæ ad finem referuntur, & *contingentia* sunt, hoc est ad vnum determinante aliqua necessitate minimè redacta.

Etenim de eo quod absolutè necessarium, ac definitum est, nulla potest esse consultatio, vti nec electio, quâ vnum è pluribus optari debet: quod ex Aristotele, ac Peripateticis omnibus, etiam Theologis, vt Nemesio, Ioanne Damasceno, ac S. Thoma, aliisque pluribus vberimè demonstratum est à nobis. Quamobrem non aliter voluntas liberè agere potest, & præ vno alterum capessere, quàm si hoc ipsum, cuiusmodi est reipsa, non necessarium, sed vtile duntaxat, adeoque contingens, rectorix & magistra ratio iudicauerit. Hoc ipso verò, quod vtile est, & contingens aliquid, non simplex est, & vniusmodi. Itaque si non *actu*, virtute certè, ac *diutius* tam se, quàm alia complectitur. Ita nunquam nisi de pluribus inter se comparatis, tum deliberatio fit, tum iudicium rationis; tum seipsam determinantis voluntatis electio; ex quibus eadem mouente voluntate rationis imperium, & ex imperio, voluntatis ad exequendum postrema motio consequitur.

Ceterum *indifferentia* illa voluntatis quemadmodum se habeat, & quos in ea ludos Vincentius, & id genus homines facere pridem instituerint, ostensum est pluribus à nobis alio in Opere.

a Lib 1. de
lib. arb. cap
11.



CAPVT XIII.

1. *Cyrillus Hierosolymitanus perperam appellatus à Vincentio.* 2. *Ovis exemplo libertatis ac meriti rationem explicat. Et ludicra Vincentij opinio de brutorum appetitu.* 3. *Qui circa finem vltimum clarè cognitum liberè ferri voluntatem, falsò putat, & laudem etiam inde promereri.* 4. *Sed in laudis ambigua significatione cauillatur.*

I.



QUIS non in te, Vincenti, lenitatis constantiam, & æquabilitatem desideret? Tu in canes, simias, & asinos imprimis, tam indulgens, & liberalis existiſti, vt illos cum hominibus propemodum exæquares: immo asinos in auditorum sapientiæ numerum adoptares; certè formandis eorum ingentis Mineruam præficeres: & idem tamen ouibus tam iniquus es, vt earum cauſa S. Cyrillo Hierosolymitano succenſeas. Cur hoc autem de te iſte meruit? Scripſit in Catecheſi quarta, *Liberi arbitry eſſe animam*, nec à dæmone neceſſitatem ei inferri poſſe. Hunc enim nihil aliud efficere, quàm vt malas cogitationes immittat: quas, ſi velit, animus admittat: ſi non velit, non admittat. Id ſi aliter fieret, non eſſe cauſam, cur Deus gehennam minaretur. Hic *ἀντὶ τοῦτο* eſſe *ἰουδαι* ait, id eſt *iurys*, & *potestatis ſuæ*, hoc eſt *liberi arbitry*, & quatenus ſit, proprijs eius facultatis actionibus declarat, quòd conſentire poſſit, aut non conſentire iſdem infulis à dæmone cogitationibus. Proſus eodem modo, quo Apoſtolus eandem voluntatis liberæ poteſtatem in vtramque partem explicat, in ſeruanda, vel non ſeruanda caſtimonia, hoc eſt nuptijs eligendis, aut repudiandis, dum verumque eſt integrum; ^b & non habes homo neceſſitatem, ſed poteſta-
a Vinc. lib.
2. c. l. 5. ed.
b. 1. Cor. 7.
17.
μη γυν
αὐτῶν
ἐκείναι
ἡ
ἐξουσία τοῦ
ἰδὲν θύλακ-
matos.

H

impetu eam precipitante solent.

III. **LVDICRA** est & iocularis hæc *μικρολογία*. Dio amabo te, Vincenti! Credisne voluntatem hominis in summum bonum, ac finem ultimum in sese, evidentér. que cognitum, liberè, hoc est libero arbitrio ferri? Credis eiusmodi amorem, & appetitum hunc esse, ex quo laus, & meritum sequatur? Credis profecto, credis; cò. que miserrimè falleris, & à primis humanæ ac diuinæ sapientiæ principiis longiùs aberras. Ita persuasum esse tibi, arguunt illa, quæ in eodem capite, & alibi passim occinis. ^a Beatos enim ob amorem illum, quem per vim ^{a lib. p. 182} actuum suorum imperatricem tràquillissimè effusione expirant, summis laudibus, honore, & veneratione dignissimos esse dicis. Et licet tam sapientes & prudentes sint, ut nullis rationibus adduci valeant, ut ab amando cessent, hoc tamen nihil de eorum laudibus decerpit, sed augeat cumulum.

In his quantopere sis hallucinatus, potes ex his animaduvertere, quæ hucusque disputauimus: præsertim capito tertio, & quinto. Voluntatē necessitate illa, quæ propriè dictæ libertati est opposita, rapi in Deū perspicuè cognitum, sententia est beati Thomæ in prima parte, quæstione LXXII. articulo primo, & secundo. ^b Idem negat ^{b In 1. Pm. qu. 81, art. 2.} ea libero arbitrio subesse, ad quæ naturaliter inclinamur. ^c Negat esse quemquam dominum actuum suorum, nisi quatenus libero vitur arbitrio. ^d Negat mereri quemquam nisi ^{c In 1. 1. qu. 6. art. 2. ad 1.} per actum cuius sit dominus, hoc est qui sit liberi arbitrij. Liberum autem arbitrium non versari circa finem, & ea, quæ necessariò appetuntur. ^e Laudem denique ac vituperium ex vsu solo liberæ voluntatis efflorescere, iisdem in locis S. Thomas luculentissimè declarat. Nullum ergo meritum habet actio illa, quæ non ex libero prodit arbitrio: sed nec laude aut vituperatione per sese digna est, quòd verumuis liberæ electionis radice nitatur. Quocirca beati non ob hoc ipsum præcisè laudantur, quòd Deum diligunt: uti neque quòd de illo rectè sentiunt, ac iudicant. Sed eatenus, quòd felicem illum

^d Quæst. 19, de Verit. ar. 6. Vide sup. cap. 1.
^e Vide sup. cap. 3, & 5.

statum, & amorem, ac notitiam; quibus beati sunt, & in Deum necessario quodam imperu rapiuntur, liberi, cùm viuerent, vsu arbitrij meruerunt.


IV. SED fallit ambiguitas nominis, dum laus interdum pro gloria, & honore, ac dignitatis, & excellentiæ prædicatione sumitur. In quo Vincentij manifestus est fucus. Nam & in laudis, honorisque vocibus de industria ludificatus est: & quæ de hac re reluculenter in ^a tertio de libero arbitrio docueram, longè ad eam rem vilissima, callidè dissimulando præterit. Verùm legantur omninò quæ illic tradita sunt, vt ex iis inanis theriacæ conatus eludatur.

Equis autem illius est adeò similis, nihil vt interesse dicat inter ouem pabulum appetentem, & hominem necessario Deum amantem; etsi neutri libertas in actione illa constet? Ecce tibi ^b S. Thomas, Aristotelem secutus, *voluntarium* in brutis perinde vt in hominibus agnoscit: neque tamen propterea eandem vtriusque *voluntarij* rationem esse voluit. Sic necessitas licet in amborum naturalibus actionibus communis insit; non idèò nullum est agendi sub eadem necessitate discrimen.

^b Ioh. 1. q.
art. 2.

C A P V T XIV.

Ex Vincentij opinione sequi Spiritum S. produci à Deo liberè, & ex arbitrio libero. Ex quo horrendæ blasphemiae sequuntur.

I.  ERVM tolerabilia ista consecraria sunt opinionis indoctræ. Quid illud quod sine horrore ne cogitari quidem potest, & indidem est consequens, Deum & amare se liberè; & eadem libertate, producere Spiritum sanctum, in eumque similiter atque in creatas res ius ac dominatum obtinere? Vt hoc decre-

cum ex Armacani Bataui disciplina, Vincentium haussisse, & in Theriaca sua ministrasse nemo dubitet, relegamus illa paullulum, quæ de Libertatis essentia ibidem exposuit.

^a Hanc igitur in modo quodam agendi *ἡγεμονικῶν* potestatem arbitrat, quo voluntas seipsam mouet, & actum suum sibi imperat. Quam potestatem sublimem, & imperiosam vocat, quæ actum suum efficiendo, ei dominatur, & a se exire quodammodo imperat. Arque hoc in Deo præ ceteris ineffe demonstrat capite sexto: immo verò ex huius participatione manare istud in creaturas liberas; in eoque consistere ait imaginem Dei, qua humanum præse: tim genus censerī solet. *Vt enim compellit, & cogit ab alio ad agendum* (ait ^b Vincentius) *seruile, & Deo indignissimum est: ita ex propria potestate, in actionem suam seipsum inclinare, domini supra actus suos signum est, & supremum Entis maxime decet.* Tum eadem pagina, *Deus*, inquit, *in amando, & volendo est sui iurū, & in affectus suos altissimo modo, sine imperfectione, ius, & imperium exerceat.*

^c Neque verò liberè, hoc est *essentiali libertate*, solas res creatas amare Deum Vincentius affirmat: sed etiam seipsum; ^d quia etsi necessariò, non tamen cogente necessitate seipsum amat. quippe libertati *coactionem* duntaxat opponi, non necessitatem simplicem existimat.

II. IAM verò *essentialē* illam libertatem, quæ ius, & potestatem, & dominium, & imperium, vel imperiosam potestatem habet voluntas in actum suum, idem esse ac liberum arbitrium, fusissimè probat Vincentius in libro primo, capite tertio: atque hæc esse synonyma demonstrat, *libertatem, voluntatem, liberam voluntatem, liberum arbitrium.* *Vbi voluntas est* (ait Vincentius) *ibi libertas: & quidquid ab ea, ut voluntate, & appetitu rationali, procedit, ab ea, ut LIBERO ARBITRIO, procedit, adeoque liberum est.* Et in fine capitis, *Nec quisquam moueri debes*, ait, *quod S. Augustinus interdum sic etiam loquatur, libera voluntate, aut libero voluntatiū arbitrio: quia certissimum est*

omnibus, qui lectione, & doctrinacius ingenium subactum habent, particulam istam, libera, aut libero, non restringere voluntatem, aut arbitrium: sed, ut Dialectici loquuntur, particulam explanantem tantum esse; & ista duo, voluntas, & voluntas libera, inter se conuersi. Idem & in ^a sequenti cap. docet Vincentius, & alibi passim.

Hoc autem & Vincentij magister Armacanus Batauus iisdem ferè verbis affirmat. Ut cum ita ^b scribit, apud Augustinum esse liberum arbitrium, & esse aliquam hominis, vel Angelì voluntatem, seu volitionem, pro iisdem prorsus usurpantur. Nimirum quia iuxta doctrinam eius apertissimè traditam, voluntas, seu volitio, & libera voluntas idem sunt: sicut velle, & libere velle: & impossibile est, ut velle non sit liberum. Et paullo pòst, hoc ipso, quo volunt homines, est etiam liberum arbitrium, quia non nisi libere volunt.

III. PORRO formulæ quædam locutionis obseruandæ sunt, quas ambo illi præscribunt, quibus libera voluntatis, vel liberi arbitrii vsus exprimitur: sunt autem hæ, ^c habere in potestate, nempe quod cum volumus facimus. Item, ^d quod si vult facis; si non vult, non facis. Tum, Si voluntate faciendi imperante fiat, actio illa est in nostra potestate. Mox etiam, Ut cognoscamus utrum aliquid in potestate nostra, seu nobis liberum sit, hoc intendum esse docet, utrum fiat quando volumus. Si enim fiat quandocumque volumus, liberum est: si verò cum volumus, non fiat: vel si nolumus fiat, certissimum est, non esse nobis liberum, quia non est in nostra potestate.

Eadem & Vincentius usurpat, ut paullo antè memorauimus: qui verba volendi, aut nolendi liberum declarare ait arbitrium; quia omne velle est liberum.

IV. His ita constitutis, nemo iam dubitet, quin ex istorum placito, Deus & libero se amet arbitrio, & Spiritum sanctum eodem libero arbitrio producat. Etenim voluntate utrique se amat, & amando producit Spiritum sanctum. Hæc autem voluntas non est violenta, vel coacta: ac proinde liberrima, & ex arbitrio libero, quod

^a Pag. 17.
^b To. 1. lib. 6, c. 1. p. 165.
C D 2. & p. 166. c. 1.

^c Armac. ib. c. 4. p. 162.
II 1.
^d Pag. 165.
A, 1. & p. 166, C 2.

^e Lib. 1, c. 3.
p. 15.

à voluntate non differt. Quamobrem cum essentialem libertatem in eo constituent, quod *in iure*, ac *potestate* habetur, & *dominatu*: & cum voluntas liberè vult, eo ipso, *actum suum à se exire compellat*, *cuique dominetur*: nonne *ius idem*, *potestatem eandem*, *dominatum eundem*, *imperium idem*, *imperiosum vim eandem* exercet tam in amorem, quo se diligit Deus, quàm in amoris fructum, siue actus illius terminum, qui est Spiritus sanctus? Quod autem in iure, potestate, dominio, imperioque esse dicitur, servilis est conditionis, neque Deus est, sed creata res aliqua.

Accedant nunc ex libertatis, voluntatisque liberæ formulæ, ac de Sancto Spiritu illud usurpemus: *si vult Deus produci Spiritum sanctum: si non vult, non produci.* Et, *Spiritum sanctum in potestate, ac dominatu suo Deus habet: & cum vult produci; cum non vult, non produci.* Potest-
ne vocibus istis, quas nova theologia peperit, fingi quidquam horribilius? Nonne si reuiuisceret sanctissimus ille Polycarpus, ad has non profanas solum, sed sacrilegas nouitates exhorresceret, ac sibi visitatum illud in talibus cum fletu, & lacrymis proferret: *O bone Deus! in qua me tempora reseruasti, ut ista patiar?*


^a Euseb. 5.
Hist. c. 19.

^a καλὶ διδ-
οὶς οἱ τοι μο-
χθεύς τι-
τῆρας, ἵνα
τοῦτοι αἰε-
χωμαι.



CAPVT XV.

1. *Vincentium frustra Patrum testimonia cumulasse ad opinionis suæ faciendam fidem. Ex iis nihil ab illa effici.*
2. *Voluntarium sæpe pro libero ab auctori- bus usurpari, & voluntatem pro libero arbitrio.*
3. *Vincentium libertatem ita describere, ut non cui- cumque voluntatis actioni, sed ei, quæ est liberi ar- bitrii propria, tantummodò conueniat.*
4. *Eiusdem desultoria leuitas, qui aliàs liberum arbitrium cum simplici voluntate confundit, aliàs separat. Qua- stionem hîc esse de solo arbitrio libero.*
5. *Quomodo pacificari controuersia ista debeat.*

- I.  **T**ENIM. Veterum auctoritate Patrum benè munitam opinionem suam pro- posuit in *Theriaca* Vincentius. Nam utrumque librum crebris Græcorum, ac Latinorum Patrum dictis referfit.

Et videri potest aliquantæ lectionis homo iste; ac sanè gloriolam hanc aucupatus est. Sed ab incuriosis dunta- xat, & oculorum solo sensu scriptorum libris pretium po- nentibus laudem illam merebitur.

Nam docti, & acres, intentique Lectores statim anim- aduertent, non illum suapte lectione comparasse loco- rum istorum copiam; sed ex Armacani Opere compila- sse; indidem scilicet, vnde totum fere librum suum descripsit.

Atqui vel iudicij paululum adhiberet in eorum vsu locorum; ut quæ quibus probandis essent apta dignosce- ret; & ab alienis, minimèque ad causam spectantibus, propria, & vtilia secerneret. Sed enim furtum & negli- gentiam

gentiam istius arguit, quod cūm pleraque dictorum illorum, ij, contra quos scribebat, explicassent, & in Armacani caput retorissent; horum iste responsa vel omninō dissimulauit, vel perfunctoriē, ac leuiter attigit. Quæ tergiuersandi calliditas, vt tam vehementi scēte illius patrono minimē conuenit, ita mihi percommoda ob id ipsum accidit, quōd susceptæ velitationis huius operam, ac longitudinem minuit. Non enim, vt de illis Patrum locis lectori satisfaciam, aliud superest, nisi vt vtriusque libros adire illum iubeam, in quibus omnia plene accuratēque pertractata, & explanata reperiet. Sic est profectō, sic est; nullum in Theriaca Vincentij argumentum inest; nulla tolerabilis, & non inepto disputatore digna ratio; ad quam dissoluendam, ac refellendam non ex amborum lucubrationibus idonea capi adiumenta possint. Iuat tamen, etsi minimē sit necesse, Patrum illa testimonia peragrantem, quā nihil in iis vsurpandis fecerit, vniuersē, ac summatim ostendere.

II. PRAECIPUVS locorum congestus^a aliquot ca.^a Vt j, 4. f. pita libri prioris occupauit: quibus demonstrare nititur, *voluntarium* ab auctoribus *pro libero*; *voluntatem pro libertate*, nullo inter ista discrimine *vsurpari*. Poterat hoc exscribendi labore supersedere. Quid enim arinebat, in hoc probandum incumbere, quod aduersarij sponte fassi sunt? Equidem in ^b secundo de libero arbitrio illud adnotaui, voluntatem ab Augustino, aliusque pro voluntate libera, id est arbitrio libero sepius accipi. ^c Quinetiam eadem, quæ Vincentius attulit Augustini testimonia vberissime declarauit. Ad hæc ^d superius *voluntarium* à S. Thoma bifariam vsurpari docui; ac de voluntate alia multa disserui, ex quibus ab Vincentio hic obiecta diluuntur.

Accedant hūc totilla diserta, & expressa Augustini loca, ceterorumque, quos citat Vincentius, in eodem collecta volumine: quibus liberum hominis arbitrium ita definiunt, vt sit ad vtrumque libera, hoc est indiffe-

^a Cap. 10.
§. 1. & c. 11.
§. 12.

^c Vide eiusd.
lib. c. 10. 11.
& 12.

^d Cap. 3. & 4.

rens, & nulla deuincta necessitate facultas.

Quid quod suapte professione, suisque verbis ad idem confitendum, ibi maximè, vbi testimoniis illis vtitur, cogitur Vincentius? Quid enim est, quod efficere, ac probare contendit? Capitis initio tertij, *essentialem voluntatis libertatem, quam ex seipsa, & directione rationu elicit, in potestate imperiosa, qua suis actibus dominatur, & à se exire quodammodo imperat*, constitutam esse dicit; & ad hoc probandum, Auctorum deinceps sententias adscribit.

III. ATQVÆ omnia illa, quibus voluntatem liberam explicat, & quodammodo delineat, non in omnem conueniunt actionem voluntatis: sed in eam solam, quæ liberi arbitrij propria dicitur, & ab electione pendet: ac circa *contingentia*, minimèque necessaria versatur. Hæc enim sola ab ratione ac iudicio dirigitur. Quæ directio, eautio quædam est & gubernatio, lumen voluntati præferentis rationis, & intellectus, ne in appetendo, eligendoque labatur. Quod in necessariis, & ad vnum alligatis appetitionibus superuacaneum est, vt in amore summi boni, ac finis vltimi perspicuè cogniti; vbi nullus error locus, neque lapsionis est periculum. Quinetiam iudicij illa directio nihil aliud est præter imperium, quod esse rationis à voluntate motæ, non voluntatis proprium actum, suprâ ex S. Thoma demonstrauimus: tum eundem actum electione posteriorem esse, ex eâque proficisci. Item illud ipsum, dominari actibus suis; &, vt vno verbo dicam, quidquid ad exprimendam *libertatis essentialis* notam, & naturam operosè congeffit Vincentius, ad solum pertinere liberum arbitrium, quæ sunt à nobis hucusque disputata persuadent. Ita fit, vt aliud agens, imprudensque Vincentius, aduersariorum causam, iis ipsis, quos in medium adduxit, testibus approbarit; læserit, atque euerterit suam.

IV. SED huius in opinando mirificam constantiam prudens lector animaduertat. Nam voluntatem

omnem esse liberam, & liberum arbitrium, aliàs asseuerat, vt ^a capite xiii. suprà demonstrauius: & quæ ad illud probandum, Augustini, aliorumque testimonia ex Armacani libro corrogauit, ad hoc valere vult, vt quemlibet voluntatis actum, liberi esse declarent arbitrij, ^b & quidquid à voluntate, & appetitu rationali procedit, ab ea vel libero arbitrio procedere, adeoque liberum esse. Aliàs liberum arbitrium à voluntate separat: vt ^c cum sic scribit: *Hac quoque naturalis inclinacionis voluntariâ necessitate diuina voluntas, sub ratione voluntatis, non liberi arbitrij, bonitatem suam, seque ipsam, necessariò, & tamen liberè amat.* Igitur non omnis voluntatis actio ab libero procedit arbitrio, quod tute antè scripsisti: neque Deus libero se amat arbitrio, sed ea voluntate, quæ non est liberi arbitrij propria.

b Vinc. lib.

i. c. j. p. 15.

c Lib. i. c. 11.

pag. 17.

Dixine sæpius, totam istam controuersiam, acilem, quam tot spretis Pontificiis edictis, & Catholicæ fidei auctoritate calcata, nuper Armacanus excitauit, ad liberum duntaxat pertinere voluntatis arbitrium, non de qualibet esse voluntatis actione?

Etenim quænam origo alia quæstionis illius exitit, nisi conciliandæ cum libertate gratiæ difficilis, & perplexa ratio? At hæc ipsa solam eam spectat voluntatis motionem, quæ liberum arbitrium propriè dicitur; non illam, quam vos necessariam, & tamen liberam esse animosa, & inutilli iactatione contenditis. Sit sanè libera nouo illo vestro, & qualicumque genere libertatis: dum eo non sit, de quo inter nos agitur: in quo vera, & suo nomine digna, non sophistica, nec solo vocabulo censenda libertas est sita voluntatis humanæ.

V. QVAMOBREM potest iam omnis inter nos sublata esse discordia, si hoc fatemini; libertatem eam, quam liberum arbitrium dici propriè, tute met agnoscis, & quam ab S. Thoma traditam, capite xxi. libri tui prioris affirmas; talem esse, cuiusmodi summus idem Theologus tot in locis, tam apertè, tam expressè, tam

diligeret exposuit : quàmque nos ex eius auctoritate, ac verbis ipsis, hætenus informauimus. Nimirum vt hæc sola propriè, ac præcipuè, & *formaliter* illa sit libertas, ob quam liberæ voluntatis homines, & arbitrij liberi esse dicuntur: vt sit boni, malique meriti; laudis & vituperationis stirps, & fons vnicus: vt hæc vna caussa sit, ex qua voluntas humana semetipsam propriè agere, mouere; dominium, atque imperium, quodcumque tandem habet, exercere dicatur: vt ea denique sit necessitatis expers, non illius, quam solam libertati esse contrariam falsa opinione defenditis; sed eius, quæ naturali propensione consentanea vnus appetitu determinatur, nec expeditam, & indifferentem vtriusque permittit optionem. Hæc cum omnia, iisque plura eodem spectantia S. Thomas tam manifestè, propria esse testetur libertatis illius, quæ est *arbitrij liberi*; si tu, Vincenti, cum sodalibus tuis eadem fateri potes & amplecti, appellatione ipsa libertatis vtete vt voles. Non equidem repugnabo. Vt si hominis effigiem, dicî hominem oportere contendas, dum eousque non insanias, vt hominis naturam, & essentiam illi tribuas; quis tibi loquendi hanc licentiam inuideat?

Sanè hoc, quod abs te amore pacis & concordie impetrare studeo, non grauare concesso, si ad illa, quæ raptim & tumultuarie ex Armacano conuastati, Veterum loca paullulum aduerteris animum. Hæc enim naturam eiusmodi liberæ voluntatis, arbitrijque liberi describunt, qualem ab S. Thoma luculenter explicatam Catholicum cum ipso omne nomen agnoscat. Sed singillarim omnia persequi nolo; nec exseribendis hic Armacani capitibus integris, vt quidam faciunt, lectori stomachum & nauseam mouere; mihi circumforanei mangonis illius famam conscribere, qui

*Vt venditaret falso antidotum nomine,
Verbesis adquisiuit sibi famam Strophii.*

CAPVT XVI.

1. *Ridicula Vincentij iactantia. Voluntarium, & spontaneum saepe pro libero sumitur. Damasceni locus ab eodem contra se productus. 2. Quo liberi arbitrij propria ratio continetur.*

I. **R**IGIDVM ^a illud est ἀλαζονεία, Vincenti, cū Petauio insultas, tanquam ei liberi arbitrij definitio *vehementer displiceat*, à Prospero allata, ^b vt sit rei sibi placita *spontaneus appetitus*. Quasi hoc ille nescierit, neque disertè monuerit, *spontaneum*, quod idem est ac *voluntarium*, Græcis ἐκούσιος, pro libero saepius accipi: quamuis aliàs tam latè pateat, vt de brutis etiam animantibus vsurpetur. Hac vero laxissima, & generali norione non tu, opinor, voluntarium, siue *spontaneum* intelligi vis, cū eo liberam voluntatem definiti asseris. Quare *voluntarij* genus illud ascisces, quod perfectum vocat ^c S. Thomas, & solis inesse ratione præditis affirmat. Atqui hoc idem S. Thomas non aliud esse docet, præter liberum arbitrium, vt ^d suprà significauimus. Quo quidem posito, quid est quòd Perauius, aliiq̃ Catholici laborent, aut indignè ferant, libertatem cum *voluntario*, vel *spontaneo*, hoc est cum libero arbitrio, vnā rem, & eandem haberi? Ac profectò si apud te esses cū ista meditabare, vel ipsa eorum Patrum, quos tu citas, verba tibi aurem vellere, & ad saniozem mentem reuocare potuissent. Certè ^e Ioannes Damascenus quale sit ἐκούσιος, de quo loquitur, non obscurè significat cū ait, *In nostra esse potestate, quæ liberum est nobis, vel facere, vel non facere*. Quænam igitur hoc modo ἐκούσια id est *voluntaria* sunt, nisi quæ libero arbitrio propriè tri-

^a Vinc. lib. 1. c. 10.

^b Lib. cont. Collas. c. 19.

^c Int. 1. qu. 6. art. 2.

^d Vide cap. 1, & 5.

^e Lib. 1. c. 16.

Εἰς ἡμῶν μὲν οὐκ οἶσιν, ὡς ἡμῖν ἐστὶν αὐτοῦ ἐκούσιος, καὶ οὐκ ἐκούσιος.


a lb. ε' α' buuntur? Nempe illa, * quæ, vt subinde pertexit, lau-
 α' α' α' dem aut vituperationem habent adiunctam: & b quæ ex
 α' α' α' aquo contingere possunt; de quibus consultamus. Consilium
 α' α' α' porro de iis est, quæ in utramque partem ex aquo accidunt.

b lb. ε' α' Denique hoc ex aquo contingens dicitur: quod tam ipsum possu-
 α' α' α' mus, quàm eius contrarium: & cuius electionem facis intelle-
 α' α' α' ctus noster.

α' α' α' II. Quid tibi ergo, Vincenti, venit in men-
 α' α' α' tem, dum vt voluntatem necessitate deuinctam, nihilo-
 α' α' α' minus liberam esse monstrares, eo Damasceni vsus es
 α' α' α' loco, quo nullus contra te afferri poterat expressior? Hic
 α' α' α' Ioannes ille Damascenus, cui pro te testimonium de-
 α' α' α' nuntiasti, illud in nostra esse potestate dicit, quod non est
 α' α' α' necessarium, nec vno aliquo determinatum; sed contin-
 α' α' α' gens, quod quæ tam potest eligi, ac fieri, quàm huic op-
 α' α' α' positum. Addit hoc eiusmodi esse, quod mens, hoc est
 α' α' α' ratio nostra delegerit, & videlicet alteri, quod & ipsum
 α' α' α' poterat, si vellet, optare, prætulit. Non adeo confidens
 α' α' α' eris, vt neges, hoc verborum circuitu liberum arbitrium
 α' α' α' describi, quod voluntati necessariæ, & quam essentia-
 α' α' α' lem libertatem esse fingis, opponitur. Quid te igitur ho-
 α' α' α' minis oportet esse, qui aduersum te tela subministras, &
 α' α' α' Damascenum in partes inuitum, ac relucantem trahis?
 α' α' α' Adice cetera, quæ de laudis ac vituperationis origine,
 α' α' α' & huius generis aliis è S. Thoma suprâ notauimus. Quæ
 α' α' α' citra controuersiam liberum arbitrium, non autem li-
 α' α' α' bertatem illam tuam necessitatis nexibus irretitam desi-
 α' α' α' gnant. Non minùs c Bernardi locus aduersatur tibi,
 α' α' α' qui idem esse spontaneum ait, ac liberum sui. Quid enim li-
 α' α' α' ber sui aliud est, quàm quod Ioannes Damascenus dixit,
 α' α' α' qui potest facere, vel non facere? Sed de his, ac similibus
 α' α' α' locutionibus, quarum aliquas collegisti capite vicefimo
 α' α' α' primi tui libri, si capita duo postrema libri primi nostri
 α' α' α' de libero arbitrio legisses, tacendum existimasses tibi
 α' α' α' potius, quàm eorum littera vlla mentionem faceres.

CAPUT XVII.

1. *Vincentij falsa definitio libertatis.* 2. *nata ex inscitia Latine vocis imperij.* 3. *Eiusdem de actu reflexo voluntatis fabula.*

I.  NTER varias actus liberi definitiones, unam commemorat Vincentius noster, in qua perpetuum eruditionis suæ monumentum statuit: & verò vlcus quoddam continet latè diffusum, ac manans pertotam illius de libertatis natura disputationem: non secus atque

Exurit sacer ignis, & urit corpora serpens,

Quamcumque arripuit partem, repitque per artus.

^a Definitio porro ista sic ab illo informat ex Ioanne Damasceno, ut sit voluntas, siue liberum arbitrium, ^{a Vinc.lib. 1.c.19.p.83.} Potentia sui imperatrix: quod Græcè est *δύναμις αὐτοκρατορίας*. Sic enim ^b Vincentius capite nono prioris libri; post. ^{b Pag. 36.} quam docuit; *Voluntatem esse imperatricem, & dominam sui actus, mox, Denique colligitur, inquit, quare Græci voluntatem non simplicem δύναμις, potentiam, sed ἐξουσίαν potestatem, seu auctoritatem, ac etiam αὐτοκρατορίαν vocant: quia nempe quandam supra seipsam, & actus suos veluti iurisdictionem, & imperandi potestatem exercet, &c.* Hanc igitur imperandi vim sic Vincentius interpretatur, ut voluntas imperet actus, non solum quos imperatos vocant, quosque facultates alix iussu voluntatis exercent: verum etiam quos elicitos appellant, & ab voluntate ipsa manantes.

^c Vnde quemadmodum (ait idem) imperium eius super actum potentia progressiva hominu directè cadit; ita quoque reflexè in actum ipsius voluntatis redit. Nimirum quod S. Thomas, aliique Theologi libera voluntatis proprium operandi modum explicantes, vsurpare solent, ut mo-

^a Vinc. ib.

a Vinc. lib.
l. c. 9. p. 12.

vere se illam asserant, id Vincenſius imperium quoddam, hoc est iuſſum, ac mandatum eſſe credit, a quo actum liberum non ſolum per modum actus eliciſi, ſed etiam imperati, à voluntate emanare cogitamus: adeoque ſingulari quodam modo, ſibi que prorſus peculiari, voluntas ſe obiecto ſuo per talem actum applicet; imperando ſcilicet ipſam applicationem, & utendo reflexè ſeiſpa, ſicut directè viſitur aliis externis instrumentis, quando per imperium ſuum ea applicat ad opus.

II. HANC falſam, tum vocabuli notionem, tum de libertate ſententiam, Vincentio perſuaſit Latinæ Græcæque proprietatis inſcitia. Imperij & imperandi nomina, duo apud Latinos ſignificant: alterum eſt poteſtas, & iuriſdictio, ſiue principatus; alterum eſt præceptum, iuſſum, ac mandatum; qui eſt prioris uſus, & effectus. Græci ambo illa diſtinctis vocabulis exprimunt. Nam prius vocant κράτος, vel ἡγεμονίαν & ἐξουσίαν, aut ἀρχήν. Gloſſarium vetus, Imperium ἡγεμονία, κράτος βασιλείαν. Poſterius eſt πρᾶγμα, vel κέλευσμα. Quod ſi quis promiſcuè, & ἐναλλαξ̄ vocibus illis abutatur, & mandatum, ſiue iuſſionem appellet κράτος, ἡγεμονίαν, aut ἀρχήν: vel è contrario κράτος & ἀρχήν pro mandato velit ſumere; riſum nemo continebit. Atqui in hoc iocoſum Vincentius incurrit.

Qui cùm liberum arbitrium didiciſſet, à Græcis αὐτοκρατορία, vel ἐξουσία, & αὐτοκράτορα δύναμις appellari, & in diſtionariis ſuis legiſſet, illa eadem κράτης, & ἐξουσίας vocabula imperium ſignificare: quam Latinam vocem pro iuſſione accipi meminerat: homo valde acutus exiſtimauit, eandem eſſe ſignificationem Græcorum nomen κράτης, & ἐξουσίας, quibus imperij vocem reſpondere cognorat. Quare αὐτοκράτορα & αὐτοεξουσίαν interpre-
tatus eſt, imperantem ſibi, hoc eſt præcipientem iubentemque facultatem. Atqui αὐτοεξουσίος dicitur voluntas, non quia ſibi præcipit, ac iuſſa dat: ſed quia ſui iuris ac poteſtatis eſt, vt quodcumque libitum eſt eligere, amplectique poſſit: tum pro arbitrio, ac poteſtate facultates

tates omnes sibi subiectas quaecumque voluerit in partem mouere, in easque dominatum, atque imperium exercere. Dicitur & *αὐτοκράτορ*, non quod seipsum eligat, vt ex Vincentiana grammatica consentaneum esset. Sed quod per se, ac suo pte nutu, & arbitrio eligat; quæ est vera, & germana libertatis, siue arbitrij liberi notio.

III. QUAMOBREM commentitia est altera illa Vincent, tam definitio liberæ voluntatis, quàm *imperi* fabula, hoc est præcepti, ac iussi, quo sibi voluntas interiori, & elicitum actum imperare dicitur. De quo nonnulla dixi^a capite septimo. Illud modò conside-^a 5. 4.
randum, ac similiter explodendum est, ^b quod omnem ^b Vinc. lib.
actum liberum voluntatis ita *reflexum* esse dicit, *videm*^a c. 9 p. 12.
sub ratione reflexi consideratus cogitur dare quodammodo existentiam actui directo, quem imperat. Quæ paucorum verborum sententia contortuplicata, & confragosa in seipsam incurrit. Siquidem id quod alteri dat *existentiam*, prius eo sit oportet. At *reflexus* actus posterior est *directo*: supra quem videlicet reflectitur. Non ergo *capit ab reflexo directus existentiam*, ne eaussa sit effecto suo posterior: quod enim existentiam rei dat, eius vtique causa censetur.



tantur in nobis habitus: cuiusmodi sunt *αὐτοβούλησις*, quæ & liberæ sunt, id est *ἐφ' ἑμῶν*, & *ἐκούσιοι*, id est voluntaria, siue spontanea: ut capite antecedente scripsit idem Aristoteles. Hoc igitur interesse ait inter habitum, & actum virtutis aut vitij, quod actus tum inchoandi, tum desinendi penes nos est potestas: in habitu verò, solum in nobis situm est initium. Nam ubi semel occalluit, non facilè, neque pro arbitrio nostræ voluntatis extinguitur. Sic Eustratius & Andronicus nobilissimi Enarratores illius Aristotelici Operis. Vnde palam est, quàm ab veritate, & Aristotelis mente auius terit Vincentius.

II. Nec minus in Ioanne Damasceno fugit illum ratio. Quod enim *αὐτοβούλησις*, id est libera potestate appetere, velle, deliberare, ac postremò eligere homines ait, id de appetitione finis, qualis in hac vita exerceri solet, omninò intelligi debet. de quo vide quæ a suprâ a 6. s. capite sexto diximus.

Hinc stulta Vincentij cauillatio præciditur: qui ita disputat: ^b *Nisi voluntas finis, non tantum electio medium, libera esset, amare turpem voluptatem, tanquam finem, nullum peccatum esset, quia talis actus liber non esset: nec in amore Dei, ut finis ultimi, ullum meritum foret.* Quid hac argutatione frigidius? Non est necessaria, mi homo! cuiuscumque finis appetitio, ut iam docui; sed ultimi, eiusque perspicuè cogniti; ut à beatis percipitur. Ceteri autem, itidem ut & supremus ille nondum perfectè cognitus, liberè, & ex electione captantur. At Dei amor, & appetitus in felici illo beatorum statu, neque liber est, neque laudationem, id est, *ἐπαινον*, uti neque mercedem meretur. Sed merces ipsemet est antea dæ cum laude vitæ. Frustra autem præstigias, ac fumos obducis spectatorum oculis ex ambigua laudis acceptione, de quâ suprâ monui.

Nemòne igitur hanc opinionem extorquere poterit, quam tu cum tuis consecrancis imbibisti; ut lau-


dem mereri ob hoc ipsum putes quempiam, quod necessarium, neque ex libera electione facit, hoc est ἐκ τῆς ἀνάγκης, qua sola laudationem, vituperationemque meretur Peripateticæ princeps sectæ Philosophus, & Theologiæ coryphæus Aquinas ille S. Thomas.

Quis sanus laudandum propterea Deum censeat, quod se amet; quod se non esse nolit: quod, Spiritum sanctum producat: quod hunc & filium diligit? Hæc ad μακάριον, id est ad prædicationem, & glorificationem, ut Scriptura loquitur, non ad laudem, id est virtutis, ac rectè facti commendationem pertinent: ut in primo de libero arbitrio animaduertimus.

CAPVT XIX.

1. *Quæstio ab Vincentio commota, utrum voluntas quo se instanti mouet, duplex iudicium propositum habeat.*
2. *Respondetur re vnicum, virtute esse duplex: quoniam eligibile est quod offertur voluntati, adeoque utile, & contingens, non necessarium.*
3. *De indifferentia voluntatis: in qua frustra conflictatur Vincentius.*

a Lib. i. c.
25. p. 22.

I.  VÆRIS à te a Vincenti, an voluntatem eo instanti, quo se mouet, duplici iudicio intellectus accinctam, & in utrumque oppositum latus aequè proximè expeditam esse oporteat. Hoc modo concepta quæstio, peræquè absurdam responsionem merebatur. Nec talis, auctore te, defuit. Nam scribis, In pariem affirmatiuam Pseudo-peripateticos nuper occidisse, & in ea se imaginatione pertinacissimè defendere. Verùm negantem antepone te, vel ut nitorem tui sermonis usurpem, replantare austeris. Et hoc scilicet tibi vis, non videri necesse, ut cum volun-

tas, deliberatione habitâ, quippiam eligit, duo præ se iudicia rationis habeat, pro eorum numero, quæ inter se composita erant, & quorum vnum antepositum est alteri. Tu longam deinceps, ac morosi fastidij plenam orationem explicas. Contra quam breue hoc tibi, sed robustum, & efficax, ex Peripateticæ scholæ principijs opponam.

II. OMNEM voluntatis electionem, vel reipsa, vel *διὰ μὲν* consultatio præcedit. In ea duo saltem proponi & inter se comparari debent; quorum neutrum potest esse necessarium. Non enim de *νεCESSARIIS*, & vniulmodi deliberamus: sed de *contingentibus*, & iis, quæ in nostra potestate posita sunt; vt ea sit integrum nobis vel amplecti, vel respuere: quod * Aristotēlem secuti Neme-
sius, & SS. Maximus, Damascenus, Thomas Aquinas, ac Philosophi, & Theologi omnes, constanter asseuerant. Itaque iudicium illud rationis, quo voluntatis appetitio, & electio regitur, non aliter id, quod eligendum est, proponit, ac repræsentat, quàm cuiusmodi est, hoc est minimè necessarium, & vnicum, sed vile duntaxat, & contingens; præter quod aliud, quod cum eo comparatum est, optare potest, & illi præponere. Et, vt paucis absoluiam, electuræ voluntati, quod ad eligendum aptius iudicat, non alia ratione præscribit arbitra ratio, quàm vt est *αἰρετός*, hoc est *eligibile*. Quod autem eligibile est, non est vno definitum, ac necessarium: sed vtilius duntaxat altero. Habet igitur adiunctam alterius notionem, cum quo contenditur: ac saltem *διὰ μὲν*, & *ἐν τῷ*, hoc est virtute, & habitudine quadam, illud continet; vt reipsa simplex ille iudicandi actus, potestate sit multiplex.

III. Ex eodem Peripateticæ, Christianæque sapientię fonte, τὸ ἀδιάφορον illud oritur, quam *indifferentiam* Latinæ scholæ nuncupant: de qua frustra vitiligare solent, *ἡμεῖς δὲ τὸ ἀδιάφορον λόγματος* Theologi, & incautum vexare quod vel non capiunt, vel se capere dissi-

^a Arist. 1.
Eth. c. 1.
ὅτι ὅ ἐστιν αὐ-
τοῦ ἰσχυροῦ
ἔστιν αὐτοῦ
τὸ ἐκείνου
ἔστι μὲν.

^b In 1. Par.
qu. 81. ar. 1.
^c Quæst. 16.
de u. alo ar.
1.
^d Id qu. 22.
de Vicit.
Art. 6.

mulant. Ea nihil aliud est, quàm vtriusvis ex consulta-
tione cogniti, & asciti libera deligendi potestas. Sic
enim eligit, vt posset non eligere, quoniam principium
actionis in eligente situm est voluntate. ^a *Vbi autem prin-*
cipium in huius potestate possum est, potest agere, vel non a-
gere, ait Aristoteles. Non igitur necessaria in alterutram
partem propensione fertur: ac proinde, velint nolint
Armacani, semet ipsa voluntas mouet, ac determinat:
hoc autem idèd facit quia talis est, *vt possit vnum recipere,*
alio recusato, vt ait ^b S. Thomas: vel ^c *quod in diuersa pos-*
sit, vt alibi loquitur: vel postremò ^d *quod indeterminata*
sit quantum ad ea, quæ sunt ad finem. Atqui hæc omnia gene-
ra locutionis, nihil aliud præterquam τὸ ἀδιάφορον, &
indifferens exprimiunt. Hoc enim indifferens est, *quod*
non est determinatum, & in diuersa suo se nutu, & arbitrio
potest flectere.

CAPVT XX.

1. De locis scripturæ, quibus liberi arbitrij descriptio
continetur. 2. Vincentij strophæ in eo loco, qui est
Genes. quarto. 3. Nec non in altero, Ecclesiastici
decimo-quinto. 4. Cuius falsa interpretatio refelli-
tur, quæ testimonium illud, & alia similia refert ad
statum innocentia. 5. Quod ex ipsa orationis serie re-
darguitur. 6. Tum ex Veterum consensu.



^e Lib. 1. de
lib. arbit.
cap. 2.

I. **S** T A T V S ille voluntatis liberæ, sese mō-
uentis, & quod placitum est eligentis,
quem *indifferentem* vocari diximus, in
plerisque Scripturæ locis graphicè de-
scribitur: vt iam pridem contra liberi ar-
bitrij oppugnatores hæreticos, & eorum affectatores Ar-
macanos, notarunt Catholici; & nos ^e adeo post illos in

primo libro de arbitrio libero. Horum locorum nonnullos vellicat ac detorquet ^a Vincentius : & quem in finem producti illi sunt, callidè dissimulans, aliorum trahit. Certè nihil ex istis conficere aliud volui, nisi quod ibi, ubi illis usus sum, nominatim proposui, *liberam ad vtrumvis potestatem esse liberi arbitrii, cuiusmodi in Adamo adhuc innocente fuit*: quòd de natura, & essentia ipsa liberi arbitrii dictum esse, quæ ibidem adtexui, non obscurè significant. Atque hoc ipsum est, quod in Tridentina Synodo decretum est, *Liberum arbitrium post Ada peccatum amissum, extinctumque non esse*. Ceterum non eadem facilitate niti ad bona & honesta voluntatem hominis post lapsum, etiam opitulante Christi gratia, quam innocens experiebatur Adamus, sciuit Petavius; nec Vincentio monitore opus habuit.

^a Vinc. lib. 2. c. 6. pag. 266.

^b Sess. 6. can. 5.

II. ITAQUE locus ille ^c Geneseos, quem attodis; ^c Gen. 4. 6; ubi Caino Dominus dicit: *sub te erit appetitus eius, & tu dominaberis illius*, hoc vnum declarat; *In potestate esse nostra concupiscentiam, non tantum in sanctis; sed etiam in peccatis hominibus, & Dei gratia derelictis*, iustificante nimium gratia, siue sanctitate, qualis erat Cainus. *Quod ut non sine diuina auxilio gratia poterat, sic indidem adiuta naturali sua facultate poterat*. Ita Petavius, quæ quia negare palam non audes verè, & catholicè esse dicta, ad vitas artes conuerteris. Sic enim veterum illorum mentem interpretaris, tanquam illud, quod cum gratiæ adiutorio potuisse Cainum asserit, *semper eum potuisse*, hoc est horis, ac momentis omnibus *Dei auxilium ad domandam concupiscentiam sufficiens, & præsens semper habuisse* dixerim. Atqui plurimum interest inter hæc duo; potuisse Cainum concupiscentiam frenare, eique resistere, diuina opitulante gratia: & iugem, ac continuam momentis omnibus præsto illi gratiam affuisse. Horum prius cum sanis, & ab Armacana fæce vacuis Catholicis, locui præeunte Tridentina synodo: de posteriore tacui, quòd nec ad rem pertineret; & alterius eam quæstionem

scire esse loci, atque temporis. Tu verò præter modum effusus, in re minimè necessaria, multum verborum, ac nugarum amplius expendisti.

III. Sic in altero eludendo scripturæ testimonio, quod iugulum petit Calvinianæ hæresis, ludificari instituit. Scribit Auctor ^a Ecclesiastici, *Veni ab ipso constituisse non inem, & reliquisse illum in manu consilij sui. Adiecit, inquit, præcepta & mandata, &c. Apposuit tibi aquam, & ignem: ad quod volueris, perurge manum tuam.* Nemo hætenus Catholicorum extitit, qui de libero hominis arbitrio contra Lutheranos, & Calvinistas disputans, non illum Ecclesiastici locum vsurpauerit; eoque probare se confusus sit; non peruisse post Adami peccatum, liberum hominis arbitrium: sed in eo quamlibet imbecillum, attenuatùmque manere: tum quoniam sine gratiæ adiutorio, Dei seruare præcepta non potest; prætò illi esse diuinam opem; cui *consentire, vel dissentire, si velit*, pro arbitrio possit, vt Tridentini Patres totidem verbis explicant. At ^b Vincentius tam graui, ac diserto testimonio contradicere non ausus, in eadem delitescere verusutia conatus est. Rem enim transtulit ad status vtriusque dissimilitudinem, innocentiae, ac peccati: tum ad perpetuitatem assistentis horis omnibus, ac momentis gratiæ: quæ est aliena, nec ad rem faciens quæstio. Siquidem vnum illud in præsentiarum agitur, an, quocumque tandem tempore voluntatem excitat diuinæ allapsus gratiæ, in potestate sit illius, auscultare aut resistere; hoc est eligere id, ad quod hortatrix eam inuitat gratia, aut respuere: quod est indifferentem esse; & positis omnibus ad consensum eliciendum necessariis, eligere, aut non eligere; agere denique, aut non agere posse. Hæc est liberæ voluntatis, arbitriique liberi vera, solida, catholica ratio & essentia, ab Aristotele, Peripateticisque omnibus, & à Theologis, præeunte S. Thoma, tradita: tum ex iisdem humanæ naturæ, ac rationis hausta fontibus; atque ex Dei Verbo; nec non ex Conciliorum &

Græco-

^a Eccles. 15.
14.

^b Ib. Scd.
2. p. 268.

Græcorum, Latinorumque Patrum crebris & disertis sententiis expressa: ut latè demonstrauimus in tribus de arbitrio libero voluminibus. Huic nostri temporis soli obstrepunt hæretici, reconditoris, ut olim Gnostici, & ignotæ antea doctrinæ famam, & gloriolam aucupantes; cum sint omnium vanissimi mortales, & insulsiissimi: quibus vena nulla salit antiquæ, & exquisitæ sapientiæ: sed totum error, ac dulcedo nouitatis occupauit. Ab quorum decretis, & damnatis erroribus, par est procul abesse te, Romanæ, & Catholicæ communionis hominem.

IV. Quid te autem obsecro, Vincenti, tantopere Ecclesiastici locus ille conturbat? Quis autem ab non fatuo, sui que compote alius inde sensus exculpi potest, nisi iste; hominibus quandiu in hac vita degunt, integrum esse, verum voluerint optare, ac persequi, bonum aut malum, vitam, aut mortem: ut ad quod libitum erit manum porrigant, hoc est eligant pro nutu voluntatis, & arbitrio.

Hoc adedè comprehendi, significari que verbis illis, Lutherani & Caluinistæ in oppugnando libero arbitrio persuasum habent; ut propterea putent ad præsentis status homines locum illū minimè pertinere; sed ad innocentem adhuc Adamum; quo tempore libero præditus erat arbitrio; quod sibi, peccando, suisque posteris amisit. Horum tu, Vincenti, vestigiis insistens, post longam agitationem, in ea demum interpretatione conquiescis: nec quàm minimè cohæreat vides. Sanè de homine primo loquitur ibi Sapiens, eiusque arbitrio libero: sed non de solo illo, solòve, in quo conditus est, incolumi, & innocenti statu. Nam de naturali facultate liberæ voluntatis agit; cui pro arbitrio versare se vtramuis in partem licet: quæ quidem homini primo, quasi stirpi & parenti omnium, diuinitus insita, ab eo, & per eum propagata transiit in posteros; nec villo scelere, vel calamitate opprimi, obliterari que potuit: tametsi sic eius attenuata, &

infracta vis est, vt ad bonum capessendum copiosioribus gratiæ præfidiis, ac futuris egeat.

V. Huiusmodi porro loci istius esse sensum, vt generatim de *essentiali*, & manente quolibet in vitæ statu libertate hominis intelligi debeat, primum, & quidem inuietum habet argumentum causa ipsa sermonis, ac series. Studet ibi Sapiens à peccato committendo deterre-
re homines; & si quid mali fecerint, admonet, vt ne causam illius & inuidiam in alium transferant, sed sibi impurent ipsi; vrpote quos ad peccandum nulla res alia præter ipsorum voluntatem compulerit. Non enim culpam in Deum reicere possunt; nec is auctor, & suasor potest esse peccati: quippe qui impios nec amat, nec iis opus habet: & hominibus potestatem dedit quaecumque in partem siccendæ voluntatis; & verò cauendi delicti, amplectendæque virtutis. Cum igitur loci illius hæc sententia sit, quid absurdius, quàm ad vitandum peccatum incitare homines eo velle, quòd primus illorum parens liberam eius potestatem anrequam peccaret habuit, si eam peccando tam sibi, quàm posteris amisit? Nam si rectè ratiocinatio ista procedit, poterat eadem ad hoc vri, vt homines ad omnes corporis, animique molestias, famem, sitim, ægritudinem, ac mortem ipsam denique propulsandam hortaretur: tum ad pristina illa, quibus innocens vallatus erat Adamus, capienda, fruendaque commoda: quòd id olim in potestate primus ille parens habuerit. Quod si dementis est argumentari sic, vide an non contumeliosi in Deum sint, qui illius verbo parem, & eandem ratiocinationem, ac sententiam subiiciunt, dum illis interpretantibus, Ecclesiastici auctor ad illum liberæ voluntatis vsum excitat Adami posteros, quem solus ante peccatum Adamus exercere potuit; illi ipsi, quos alloquitur, parentis sui culpa posse deserunt.

VI. Ac vel cetera eiusdem loci, quæ pertexit Sapiens, vos erroris admonere poterant. Nam subinde sic scribit: *Ante hominem vita & mors, bonum & malum: quod*

placuerit ei, dabitur illi: quoniam multa sapientia Dei, & fortis in potentia, videns omnes sine intermissione. Quibus verbis, & sequentibus hinc omissis, causam affert, cur pro eo ac viuendo, & vtendo arbitrio suo mortales egerint, merita mercede compensandi sint, bonâ videlicet aut malâ; nimirum quod sub sapienti, ac forti, & nihil ignorante iudice Deo, nullum impune malum, nullum sine præmio bonum præterire possit. Quæ ratio peruiacaci ipsi frenos iniicit, vt ad illum pertinere statum sapientis ista præcepta, & monita fateatur; qui eum homine primo communis sit posteris eius omnibus, quos solos ad honestam vitam illis instrui, incitarique nemo dubitat.

Hûc accedit, quod postrema illa verba Sapiens ex Mose descripsit: qui cùm legem Israëlitis edidisset, ad eam obseruandam iisdem, quibus Ecclesiastici locus ille, rationibus, & hortamentis vtitur: *ⁱ Iuxta te, inquit, est* ^{a Deut. 30.} *sermo valde in ore tuo, & in corde tuo, vt facias illud. Quibus* ^{14.} *obseruandæ legis potestatem penes illos, & in ipsorum potestate libera esse demonstrat, Dei adiuta gratia; quæ in istis intelligenda semper est, etsi nulla sæpe fiat eius expressa mentio. Pergit deinde Moses: Considera, inquit, quod hodie proposuerim in conspectu tuo vitam & bonum, & e contrario mortem & malum, &c. Apparet hæc postrema Mosis præne ab Ecclesiastici auctore descripta esse verbatim; adeoque non ad solum innocentis Adami statum referri debere: de quo nihil Moses ibi cogitabat: sed ad vniuersum pertinere genus hominum, quos ad laudabilem vsum ingenitæ sibi facultatis suo vterque tempore studebat impellere.*

VII. POSTREMÒ vt vel impudentiæ ipsius oræ præludam, testes aduocabo Græcos, Latinosque Patres; qui vtroque illo Mosis, & Iesu Siracidæ testimonio probare conati sunt; liberum in Adami posteris esse voluntatis arbitrium. quod profectò ridiculè facerent, si ad solum innocentis statum, vt Vincen-
tius, Armæcanique ceteri cum hæreticis interpretan-

tur, amborum effata spectarent.

Horum testium primus sit Augustinus, quo ex vno pendere se, tam falsò, quàm insolenter iactitant. Ille igitur in libro de gratia, & libero arbitrio, capite secundo, probare volens, non, fuisse in Adamo antequam peccaret; sed, esse hodièque liberum in hominibus arbitrium, cùm alia complura Scripturæ testimonia profert; tum illud, de quo agimus, Ecclesiastici, aduersus eos, inquit, *qui de ipso Deo se excusare volunt*. Ac postquam verba ipsa descripsit, *Ecce apertissimè videmus*, inquit, *expressum liberum humanæ voluntatis arbitrium*. Est autem illud animaduertendum, Augustinum ex professo librum illum scripsisse, vt erroris genus duplex refelleret: quòd nonnulli *sic gratiam Dei defendebant, vt negarent liberum hominis arbitrium: aut quando gratis defendebatur, negari existimabant liberum arbitrium*: Iccirco statim initio libri multis scripturæ testimoniis ostendit esse in homine liberum arbitrium: deinde eiusdem auctoritate scripturæ, gratiam ad benè agendum suppeditari diuinitus, eamque necessariam esse demonstrat. Quamobrem vt cùm de gratia loquitur, & eius necessitatem approbat, non aliam intelligit, quàm quæ præsentì conuenit humanæ naturæ statui: sic liberum in homine probans inesse voluntatis arbitrium, non ad alium, quàm præsentem eiusdem naturæ statum respexit: alioqui stulta tanti viri, & inepta esset altercatio.

^a Iust. p. 63.

VIII. ^a IUSTINVS Martyr in Apologetico secundo, postquam multa de voluntatis humanæ libertate disseruit, quam *εὐχαιρῶσι ἐλευθέρῳ*, id est *liberam electionem*, vel *facultatem homini concessim ad turpia vitanda, & honesta deligenda* definit; hanc ipsam indifferentem potestatem iisdem, quibus vsus est Petauius, alique Catholici, Scripturæ verbis adstruit; maximè illo loco Deuteronomij, ex quo sumptum Ecclesiastici celebrem alterum paullo antè diximus: *Ecce in conspectu tuo bonum, & malum. Elige bonum*. Sic ^b Origenes in Epistolam ad Ro-

^b Tom. 1. p.
301. K.


manos, ambo illa testimonia in vnam commissa sententiam, ad ostendendam liberam in vtrumque propensionem voluntatis, affert. *Ecce posui ante faciem tuam vitam & mortem, & ignem, & aquam.* ^a Serapion quoque Thmuitanus in libro contra Manichæos, quem *egregium vocat* Hieronymus, eundem locum citat. *Ecce posui coram te vitam, & mortem: elige quod vult.* Tum Chrysostomus in ^b homilia xciv. tomi sexti. Tertullianus etiam libro ^b Pag 867. secundo contra Marcionem, capite quinto, liberi vim arbitrij in vtrumque minimè determinatam probat ex eo, quod Veteris auctor Testamenti legem Israëlitis edidit, ac deinde *proponere se dixerit ante hominem bonum, & malum, vitam & mortem.*

^c Ennodius præterea Ticinensis, eundem illum, in ^c Lib. 1. ep. quo hodie versatur Armacanorum natio, errorem ^{19.} exagitans, qui liberum arbitrium in vna tantum parte, quæ deterior est, valere statuit, Scripturæ illud opponit: *Ecce aquam, & ignem, ad quod vult, porrige manum;* ex eoque demonstrat, etiam in eo statu, qui peccatum Adami consecutus est, eandem reperiri liberi arbitrij potestatem.

Sed in infinitum abibit hæc nostra disputatio, si per- censere singulos velim, qui vt liberi arbitrij, cuiusmodi in Adami posteris existit, vim & proprietatem describerent, illo Ecclesiastici loco, & similibus vsi sunt, quos Catholici scriptores annis abhinc centum & triginta ^d Lib. 1. de contra Lutherum, & Caluinum, ^d ceterosque liberi euer- ^{lib. arb.} sores arbitrij adhuc ceperunt: vt Ioannes Cochleus, ^{Test. 1.} Ioannes Eckius, ac fermè omnes ceteri. ^e In Enchir. 31.

CAPVT XXI.

1. Colligitur ex superiori disputatione, *essentialem libertatem positam esse in indifferentia, siue potestate utriusque.* 2. Quod ex variis illius descriptionibus, & vocabulis, quibus Patres liberum arbitrium expriment, ostenditur. 3. Tum ex Scriptura:

- I.  **L**IBERÆ hominum voluntatis, siue liberi arbitrij notio, vt hætenus demonstratum est, in eo consistit, vt ex pluribus sibi ad eligendum obiectis, ac propositis, vnum suo pte nuru, & arbitrio capessere homo possit, reiectis aliis; quam *electionem* nominant: Græci *κατασκευασμὸν*. Hanc libertatis definitionem negat Vincentius *essentialem* esse; sed *accidentalem* vocat, eam videlicet, quæ bifariam diuiditur in libertatem *contradictionis*, & *contrarietatis*: & hac sophistica distinctione eludi abs sese putat omnia Scripturæ, ac Patrum testimonia, quæ libertatem hominis in eo constituunt, vt facere, aut non facere; hoc est eligere vel non eligere possit, pro eo ac libitum fuerit.

a lib. t. c.
21. & seq.

Atqui ridiculum est, tot illos Patres, quos in libro quarto Tomi primi, & in tribus de libero arbitrio libris enumeravi, quorûmq; sententias de naturalis illius facultatis proprietate, vsu, & officio, tam disertas, expressasque retuli, adeo sui oblitos, & quid agerent, quæve de re disputarent, ignatos, aut immemores exitisse, vt eo constanter omisso, in quo libertatis humanæ essentia posita est, solam eius accidentem, minimèque necessariam affectionem persequi maluerint. Sed vt cumque sese res habet; certè cum de libera voluntate inter nos agimus; in illa, inquam, Catholicæ partis cum Lutheranis, Cal-

uinistis, & Armacanis, contentione ac rixa de hominis libertate, nullam aliam intelligimus, quàm illam ipsam, quæ liberum arbitrium propriè dicitur; quæ auctore S. Thoma, & antiquis omnibus suffragantibus, ipsòque adeo consistente Vincentio, eiusmodi est, qualem tot illa, quæ dixi, Patrum testimonia declatant.

II. Hæc est naturalis illa vis voluntatis ac potestas, quam *electiuam* S. Thomas appellat, ut a Vincen-^{a Lib. 1. c. 10} tius agnoscit. Hanc Græci omnes *προαίρεσις* vocant.^{b In 1.} Quam^b Clemens Alexandrinus *προαίρεσις ἀρχή* vocat,^{c Strom. pag. 165.} hoc est, *principium actionum*. quæ *προαίρεσις* propriè vocan-^{c Cap. 40.} tur; quemadmodum & ^{d Nemef. c. 19.} Nemefius. ^d qui *προαίρεσις* esse dicit *rationalem operationem*. Ita principium earum actio-
num, quæ *humana* nuncupantur, hoc est liberæ, est *προαίρεσις* siue voluntas, quatenus *vis electiva* dicitur. Hanc ita definiunt, & ea circumscriptione verborum designant, ac delineant sancti Patres, quæ *electionem* in vitæ de duobus asciscendo, vel respuendo liberam, & indifferentem significant: cuiusmodi vocabula hæc indicant crebrò ab illis usurpata, αὐτοχρησία, αὐτοκρατία, αὐτονομία, αὐτοκυρία, αὐθαρία, & alia pleraque: quæ à nobis in vnum collecta, explicatæque leges capite XIII^{e Athan. Orat. 4. p. 100.} libri primi de libero arbitrio. Illam præterea dicunt *suam* in utramque partem librari momentu. Vel *pari in virtute, aut vitium libratione pendere*; ut Basilii loquitur: *suæ, & ut idem alio loco scribit, naturam hominis suævitæ ac liberam esse, quod in utramvis partem propendere possis ad eligendum bonum, vel malum.* Tum ^{f Basil. lib. de spir. c. 16.} h Cyrillus Alexandrinus ait, *propriis momentis, & suævitæ nutu in utramvis tendere liberam, & necessitatis expertem; ut iussu laudem ex recte factis, & ex contrariis penas recipiat.* Item *προαίρεσις* id est, *vis electiva, & libertas in utramque partem potestatem dicunt suam*, ut Basilii Seleuciensis. Com-^{g Basil. 1. cont Eun.}

p. 81. οὐκ ἔστιν ἐν τῇ προαίρεσιν αὐτοχρησία, ἢ αὐτοκρατία, ἢ αὐτονομία, ἢ αὐτοκυρία, ἢ αὐθαρία, ἢ πῦρ ἐκ τοῦ. h Cyr. hb. 1. in Ioan. p. 115. Vide lib. 5. c. 3. Tom. 1. Dogmat. Theol. Peta. §. 5. i Basil. Seleuc. Orat. 1. de Ada. προαίρεσις ἐστὶν ἀμφοτέρωθεν κίνησις.

^a Æneas
Gaz. p. 187.
Vide Pet.
lib. 1 de lib.
arb. c. 11.
^b Marcus
Erem. lib.
de iustif. 3.
36.

^c Deut. 30.
17.

plures verò in eo consistere naturalem istam potestatem asserunt, ^a *ut bonum facere, vel non facere possit*: vel ^b *alterutrum eligere*.


III. Quid quod Deus ipsemet liberum hominis arbitrium compellans, & eius propriam vim, naturamque designans eo ipso, quod utrumque proponere se illi dicit, bonum & malum, vitam & mortem: statim peculiarem illius, quâ eiusmodi est, hoc est libera, functionem exprimit, ita subiiciens, ^c *Elige ergo vitam?* Est ergo voluntatis electio, fructus & efficientia illius propria, quatenus libera est potestas. At electio circa ea versatur, quæ contingentia sunt, & non necessaria, nec vno definita: eâque ex consultatione sequitur; quæ necessitati naturalis propensionis opponitur: ut ex S. Thoma, Græcisque Patribus suprâ notauimus. Quapropter libertatis vera, & vnica ratio, conditioque indifferente illa potestate ad vtrumvis amplectendum, & eligendum metienda videtur: qualem humanæ, & diuinæ sapientiæ consulti tam crebris, & manifestis sententiis expressam tradiderunt; non quam ex paucis, hisque dimidiatis, & multis eorum dictis, aut furtim insidiosèque sublektis, vel praua, & violenta interpretatione detortis, utcumque corradere potuerunt Calvinus, & Lutherus; qui communem cum fide ac candore sensum exuerunt.

Denique *liberum arbitrium naturaliter attributum à creatore animæ rationali, media vis est* (hoc est indifferens,) *quæ vel intendi ad fidem, vel inclinari ad infidelitatem potest*: ait Augustinus capite xxxix libri de spiritu, & littera.



CAPVT XXII.

1. Expenditur Augustini locus ex libro de Correctione, & gratia ab Armacano obiici solitus, in quo de auxilio sine quo non, & quo agimus, differit.
2. De sola perseverantiæ gratia ibi Augustinum loqui.
3. Qualis ea fuerit Adamo concessa.
4. Cuiusmodi sit ea, quæ per Christum conceditur.

I.  DVERSUS illa, quæ de liberi arbitrij natura, ex communi, & catholica sententia hucusque disputaui, multiplex est querela Lenis. ^{a Vinc. lib. l. c. 24. p. 112.} Sed hæc palmaris, quodd si eiusmodi liberæ voluntatis actio esse debet, ut omnibus ad eligendum necessariis adminiculis positis, elici, aut non elici possit, gratia Christi in sola possibilitate constituta sit: ac tantum posse velle tribuat, non autem actu, & re ipsa velle. Ex quo famosum illud S. Augustini libro de Correctione, & gratia, cap. 10. 11. 12. & toties alibi firmatum inter gratiam stantis, & lapsi hominis discrimen confundit. Hoc enim inter utramque gratiam interesse ex Augustino putant Armacani, quodd Adamo data diuinitus gratia hoc tantummodo concedebat, ut posset velle rectè agere, ac Dei seruare præceptum; non autem, ut re ipsa vellet, & quod iussus erat faceret. Christi autem gratia, non solum tribuit ut possit homo, sed etiam ut velit, ac re ipsa faciat. Ideo priorem gratiam appellari dicunt ab Augustino, *auxilium sine quo non fit*; vel *gratiam possibilitatis*; posteriorem verò, *adiutorium quo fit*, ut non tantum possimus velle, sed etiam ut re ipsa velimus.

Hic ille est locus, in quo valdè seiactat Armacano.

rum natio, quémque omnibus in colloquiis, & in publicis, priuatisque sermonibus, in circulis, in conuiujs, in concionibus, apud doctos, & indoctos, vbicumque se occasio dederit, vsurpare solent. Itaque mirandum fuisset, si hanc cantilenam theriacæ scriptor prætermitteret.

II. Ego verò aduersus illa, quæ de gratiâ eiusque cum arbitrio libero consensu, nimium liberè Libertus Frodomondus ingessit non multis agam; neque factum illius imitabor, qui talia mandare libris est ausus contra Apostolicæ sedis interdictum, quo nominatim notatus, & ambusus, præcium nuper abstulit intempestiuæ, & immodicæ libertatis. Hac ergo prætermissa controuersa, & ad arbitrium dilata Romani Pontificis, vt de Augustini loco isto, & vtroque gratiæ genere, quoad licet, disputem; hoc imprimis asseuero, nihil in illo loco vidisse, nec auctorem dogmatis, & *Patronum* Armacanum, nec huius *libertum* Vincentium.

Augustinum docere illic asserunt quid vniuersè gratia Christi parta meritis, ab ea distet, quæ Adamo antiquam peccaret, indulta est. Hoc ego contendo esse falsissimum. Noh enim de quacumque Christi gratia ibi agit Augustinus: sed de sola perseverantia, siue perseverante gratia: quod ex tota illa disputatione facillè constat. Nam capite decimo, quo illam vtriusque gratiæ comparisonem auspicatur, ita quæstionis statum exposuit: *Hinc exoritur alia quæstio, non sanè contemnenda; sed in adiutorio Domini, in cuius manu sunt & nos, & sermones nostri, aggredienda, atque soluenda. Queritur enim à nobis, quantum attinet ad hoc donum Dei, quod est in bono perseverare usque in finem, quid de ipso primo homine sentiamus, qui certe sine ullo vitio factus est rectus.* Itaque quæstionem proponit huiusmodi decimo in illo capite, vtrum Adamus gratiam perseverantem, siue perseverantiæ donum acceperit. Cui respondet sic in eodem capite; nec eam primitùs Adamum, neque Angelos accepisse; sed eam illorum

libero arbitrio Deum voluisse permittere; vt in eorum vita prius ostenderes quid posset eorum liberum arbitrium; deinde quid posset sua gratia beneficium, iustitiæque iudicium. Quare hominem initio condidit in statu recto, ac sine viuo: in quo si per ipsum liberum arbitrium manere voluisset, acciperet merito huiusmodi permanſionis beatitudinis plenitudinem. Igitur perseverantiæ donum non à Deo suscepunt Angeli: sed per liberum suum arbitrium, quam acceperant à Deo gratiam, perseverantem fecerunt, quicumque ex illis in officio permanſerunt. Adamus verò neque donum illud accepit, neque perseverare in accepta gratia voluit.

III. Et capite XI, *Iſtam*, inquit, *gratiam non habuit homo primus, qua nunquam vellet eſſe malus* (quod perseverantiæ donum est) *ſed ſanè habuit, in qua ſi permagere vellet, nunquam malus eſſet, &c.* Tale quippe erat adiutorium, quod deſereret cum vellet, & in quo permaneret ſi vellet, non quo fieret ut vellet. Ac ſubinde luculentiùs perseverandi gratiam, qualis Adamo, & Angelis eſt data, ſic exponit: *Tunc ergo dederat homini Deus bonam voluntatem: in ea quippe eum fierat, qui fecerat rectum. Dederat & adiutorium, ſine quo in ea non poſſet permanere ſi vellet: ut autem vellet, in eius libero reliquit arbitrio. Poſſet ergo permanere ſi vellet: quia non deeras adiutorium, per quod poſſet, & ſine quo non poſſet perſeueranter bonum tenere quod vellet. Sed quia noluit permanere, profeſſò eius culpa eſt, cuius meritiſſimum fuiſſet, ſi permanere voluiſſet: ſicut fecerunt Angeli ſancti, qui cadentiſſimis aliis per liberum arbitrium, per idem liberum arbitrium ſteterunt ipſi.*

Tum in ſine capitis perſpicuè indicat gratiam perseverandi primo conceſſam homini, fuiſſe gratiam, cuius ope poterat non peccare, ſi tamen hoc vellet. Cum enim dixiſſet. *Prima ergo libertas voluntatis erat poſſe non peccare: nouiſſima erit multo maior, non poſſe peccare: mox de utrâque ſcribit ſic. Prima erat perſeuerantiæ potestas, bonum poſſe non deſerere: nouiſſima erit felicitas perſeuerantiæ,*

bonum non posse deserere. Quod & capite duodecimo diligentius inculcat, & causam etiam explicat, cur perseverantia in illo statu innocentiae, libero hominis arbitrio permixta sit. Vt ergo non acciperet, inquit, hoc donum Dei, id est, in bono perseverantiam primus homo: sed perseverare, vel non perseverare in eius relinqueretur arbitrio, tales vires habebat eius voluntas, quæ sine ullo fuerat instituta peccato, & nihil illi ex seipsa concupiscentialiter resistebat, ut dignè tanta bonitati, & bene viuendi facilitati, perseverandi committeretur arbitrium. Quoniam igitur fortis & sana voluntas erat primi hominis, ut eodem capite postea dicit, ideo eius arbitrio permixta est perseverandi potestas.

IV. At verò post Adami lapsum, perseverantia, quæ merces antè futura erat, facta est donum gratiæ. Nunc autem per peccatum perditò bono, (ait capite xi) meritis in his qui liberantur (hoc est prædestinatis) factum est donum gratiæ, quæ merces meritis futura erat. Et in libro de dono perseverantiæ, capite vii. Non est hæc omnino, inquit, in viribus liberi arbitrii, quales nunc sunt, fuerat in homine, antequam caderet, &c. Post casum autem hominis non nisi ad gratiam suam Deus voluit pertinere, ut homo accedat, ad eum; neque nisi ad gratiam suam voluit pertinere, ut homo non recedat ab eo. Quare potentior hominibus per Christum data gratia est, quæ fieret, ut non solum perseverare possent, si libero arbitrio vellent; sed ut perseverare vellent: Proinde etsi non interim latiore nunc, ait ^a Augustinus, verumtamen potentiore gratia indigent isti. Itaque ^b tanto amplius datur adiutorium per Iesum Christum Dominum nostrum, quibus id dare Deo placuit, ut non solum esset sine quo permanere non possumus, etiam si velimus, verum etiam tantum, ac tale sit ut velimus. Est quippe in nobis per hanc Dei gratiam in bono recipiendo, & perseveranter tenendo, non solum posse quod volumus; verum etiam velle quod possumus. Nam primus homo acceperat posse perseverare, si vellet: sed non habuit velle quod posset: nunc si habuisset, perseverasset.

^a Aug. de
Correp. c.

11.

^b Ibid,

Et in capite duodecimo, manifestius utriusque gratiæ discrimen exponit his verbis : *Primo itaque homini, qui in eo bono, quo factus fueras rectus, acceperat posse non peccare, posse non mori, posse ipsum bonum non deserere, datum est adiutorium perseverantia, non quo fieret ut perseveraret, sed sine quo per liberum arbitrium perseverare non posset. Nunc verò Sanctis in regnum Dei per gratiam Dei prædestinatis, non tantum tale adiutorium perseverantiæ datur; sed tale ut eis perseverantia ipsa donetur: non solum ut sine isto dono perseverantes esse non possint, verumetiam ut per hoc donum non nisi perseverantes sint.* Mox illius adiutorij, quod Christi donatur meritis, vim & efficaciam declarat, multo priore illo, quod Adamo tributum est, valentiorē: quia ^{a Aug. ibid.} *postquam est illa magna peccati merito amissa libertas, etiam maioribus donis adiuvanda remansit infirmitas, &c. Subvenit igitur infirmitati voluntatis humane, ut divina gratia indeclinabiliter, & insuperabiliter ageretur; & ideo quamvis infirma, non tamen diceret, neque aduersitate aliqua vinceretur, &c. Fortissimo quippe dimisit, atque permisit facere quod vellet: infirmis servauit, ut ipso donante inuictissimè quod bonum est vellent, & hoc deserere inuictissimè nollent.*

V. Ex iis omnibus Augustini sententiis, quas hoc loco necessariò descripsimus, illud apertè constat, quod demonstrandum suscepimus; non illuc agere sanctissimum Doctorem de qualicumque Christi gratia, quæ vel reprobis, vel etiam prædestinatis tribuitur: sed de eaduntaxat, quæ Prædestinatorum propria est, & primaria, nempe perseverantia, siue *adiutorio perseverantiæ*. De quo dubitare, vel rixari poterunt ij soli, qui aut Augustinum nunquam, nisi fortè in Armacanorum scriptis legerint: aut minùs ab ea facultate parati sint, qua quæ legunt, intelligant, ac discernant. Etenim in illis tribus capitibus, quæ Vincentius designat, x. xi. & xii. cum de adiutorio illo loquitur, ubique *permanendi*, ac *perseverandi*, & similia vocabula coniungit, quibus in suscepta gratia fortem & inuictam ad usque finem constantiam

significat. Vt cùm in vndecimo capite sic scribit: *Est quippe in nobis per hanc Dei gratiam in bono recipiendo, & perseveranter tenendo non solum posse quod volumus, verum-etiam velle quod possumus.* Et insigniter capitis initio duodecimi, adiutoria distinguens duo, *unum sine quo aliquid non fit*, quale datum Adamo est ad perseverandum: alterum *non solum sine quo non fit, verum-etiam quo fit propter quod datur*, cuiusmodi est, quod per Christum obtinetur; prioris exemplum ex alimentis reperit. Nam *sine alimentis non possumus vivere*, inquit, *nec tamen cùm affuerint alimenta, eis fit ut vivat qui mori voluerit.* Ergo adiutorium alimentorum est, *sine quo non fit, non quo fit ut vivamus.* Posterioris autem exemplum ducit ex beatitudine, quæ cùm data fuerit homini, *continuo fit beatus*: quod genus causæ formale dicitur, cùm applicatione rei denominantis, subiectum tale denominatur. Huiusmodi esse *donum perseverantia* per Christum concessum adstruit, quo perseverantia ipsa donatur. Verba ipsa ^a proximè antè descriptimus: ex quibus certissimè constat, *adiutorium illud quo*, non aliud esse gratiæ genus, quàm perseverantis, & electorum propriæ, quod & cetera capitis istius ostendunt: tum quod, absoluta illa disputatione de adiutoriis, in decimotertio capite posuit, quod sic exortus est: *Hæc de iis loquor, qui prædestinati sunt in regnum Dei.* ac deinceps de Prædestinatis reliqua pertexit.

a §. 4. quæ
sunt, Primo
inque ho-
mini, &c.



CAPVT XXIII.

1. *Pergitur in illustrando loco illo S. Augustini. 2. Non pertinere ad quamcumque Christi gratiam. 3. Quí differat Christi gratia ab ea, quæ data est Adamo: ac primùm exponitur cuiusmodi hac fuerit: tum qualis Christi meritis parta.*

I. **N**EMINEM equidem paullulum intelligentem arbitror fore, quin, si attente illa considerare velit, quæ sunt antecedenti scripta capite, consequens ex iis mecum esse sentiat, ad solum perseverandi adiutorium Augustini verba illa

speculare. Ut cum duo illic inter se comparentur auxilia gratiæ; alterum, quod est parenti primo datum, iure appelletur id, sine quo perseverare nullo modo posset,

(^a Si enim hoc adiutorium vel Angelo, vel homini, quamprimum facti sunt, defuisset, quoniam non talis natura facta erat, ut sine diuino adiutorio posset manere si vellet, non utique sua culpa cecidissent. Adiutorium quippe defuisset, sine quo manere non possent.) Alterum autem tale esse statuatur, non modò sine quo perseverari nequeat; verum etiam quo fit, ut omninò perseveretur. Perseuerantiæ quippe donum, quia solis ad vitam æternam prædestinati conuenit, eiusmodi esse constat, ut quibuscumque datur, ij non modò possint perseverare, si velint: sed etiam quod possunt, actu, & re ipsa velint: non vllâ voluntati adhibita necessitate, sed certa, & infallibili, ut

Scholastici loquuntur, efficacitate ac potentia gratiæ, quæ ^b indeclinabiliter, & insuperabiliter aguntur (ut scribit ^b ibid. Augustinus) Quod ab eo fit, ^c qui, quod idem asserit, ^c lib. c. 4. ne dubio habet humanorum cordium quò placuerit, inclinando-

^a Aug. de
Correp. c.
12.

* Aug. de
Præd. c. 8.

rum omnipotentissimam potestatem. ^a Cuius gratiæ, quæ oculis humanis cordibus diuina largitate tribuitur, (nempe qui à Patre docentur, & audiunt, vt ad Filium veniant secretis quadam gratia, & prædestinati sunt, vt ibidem docet) à nullo duro corde respuitur. Ideo quippe tribuitur, vt cordis duritiâ primitus auferatur.

II. At Vincentius magistri sui vestigia persequens, Augustini verba illa, quatenus adiutorum quo fiti exprimunt, ad omnia spectare volunt præsidia gratiæ Christi, etiam nullo, vt in reprobis, continuata perseverantiæ dono: vel ab eo nonnullis disiuncta & interrupta peccatis, vt in electis, ac prædestinatis nonnunquam accidit. Quæ illorum ratio ab Augustini sensu, ac sententiâ mirum quantum recedit; non minùs, quàm ab fide, ac regula Catholica. Hinc illud absurdum, & hæreticum commentum, qui est nouæ sectæ, velut character; nullam in rerum natura esse gratiam, quam *sufficientem* vocant, quæ ab *efficaci* distincta, culpa hominis irrita sit, & effectui careat: sed omni penitus gratiæ Christi fructum suum constare, nec eam ab illo pulsantem respui. Quæ omnia, & his connexa, & consentanea paradoxæ, quibus Ecclesiastica pax & concordia paucis abhinc annis labefactari cæpit, ex vno illo perperam & contra mentem auctoris accepto Augustini loco propagata sunt. Quod quidem ostenti instar habendum, ac prodigij mihi videri solet. Quis enim non obstupescat, aut non manifesta diuinæ iræ significatione contigisse putet, quod hoc tempore videmus, homines in ceteris minimè contemnendos, adeo futili argumento, quod ex falsa vnius loci interpretatione traxerunt, in tantam esse prauitatem erroris redactos?

Equidem non te arbitror, Vincenti, tam peruiacaci, & obdurato fore animo, quin posteaquam de Augustini sententiâ illâ quæ à nobis hic scripta sunt paullulum tranquilla, & sedata mente perpenderis; aut temere susceptam opinionem retexas: aut si hoc impetrare abs te non
potes

potēs, minūs deinceps caleas in istis iactandis, & incul-
candis nēniis, quarum ruinas, vnica illa, qua hucusque
sustinetur, fulturâ subductâ, videris.

III. ^a Nam quod periisse dicis discrimen omne, ^{a Vinc. lib. 1. c. 24. p. 8.} quod inter gratiam stantis, & lapsi hominis intercedit, si ^{112.} Deus homini lapsi gratiam sufficientem reddere debes, qualem primus homo habuit, vehementer erras: neque quid sit gratia, tum vniuersè, tum Adami propria, satis intellexisse vidēris.

Adamus in pristino illo statu innocentis viræ duplici à Deo vallatus est genere gratiæ; altero exteriori, altero interiori, & animum afficiente. Horum primum, quatenus peculiariter illi tributum est, bonorum omnium, atque commodorum larga erat, affluensque copia: tum præcipua quædam Dei tutela, & providentia, illud omne remouentis, prohibentisque, quod animi pacem, ac quietem, & salubritatem corporis, ac perennem amœnitatis iucundissimæ fructum interpellare posset. De hoc genere gratiæ loquitur b Augustinus, cùm sic scribit: *Quid ergo? Adam non habuit Dei gratiam? Immo verò habuit magnam, sed disparem. Ille in bonis erat, quæ tonitate sui conditoris acceperat. Neque enim ea bona & ille suis meritis comparauerat, in quibus prorsus nullum patiebatur malum.* Ad hanc gratiam pertinet animi dominatus in corpus, eiusque sensus & appetitus longè perfectissimus, ex quo summa c felicitas oriebatur, & non peccandi facilitas. d Cùm e lib. c. 12. e lib. c. 11. nulla rixa à seipso aduersus seipsum tentatus atque turbatus in illo beatitudinis loco, sua secum pace frueretur.

Secundum gratiæ genus partim stabile ac permanens
fuit, partim fluxum, ac transiens. In priore ponenda est
bona voluntas. In illa quippe cum feceris, qui fecerat rectum,
• ait idem Augustinus. Hæc illa est *originalis iustitia*, ex • 1b.
omnium virtutum, fidei cum primis, spei, & caritatis:
tum ceterarum, quæ in mente, aut voluntate resident
concurſu, concentuque collectæ. Ad posteriorem, *attua-*
lis, ut vocant, illa pſus gratiæ, inspirationesque pertinent,

Omnes illuminatarum mentium pius motus, ut loquitur auctor epistolæ ad Demetriadem, quæ inter a Ambrosianas extat, & quidquid visorum suasionibus agit etiamnum Deus ut velimus, non solum extrinsecus, sed etiam intrinsecus, ubi nemo habet in potestate, quid ei veniat in mentem; sed consentire, vel dissentire propria voluntas est, b ait Augustinus. Hic autem interior afflatus gratiæ, vel sola mentis illuminatione constabat: vel etiam voluntaris permutatione, quam suauitatis cuiusdam ad rectè agendum occuparet illecebra. Nam verumuis dici probabiliter potest.

^a Ep. 33. col. 170.

^b Aug. de Spir. c. 34.

I V. N V N c autem, post primi parentis culpam, partim eadem, partim diuersa superunt adiumenta gratiæ. Ac primum illud externæ providentiæ, quod beati, & incorrupti status proprium fuit; eo interrupto, velut fractis tubulis è fonte saliens aqua, suppressum penitus exaruit. Itaque malis omnibus, & incommodis, quorum vis hætenus compressa fuerat, circumgredi moriale genus, infestari cœpit; ut per ærumnas, errorisque multiplices infelix, & animi corporisque cruciatibus referta vitæ traheretur. His subleuandis, & ad salutem exercitationem dirigendis, impensior, &, ut humano more loquar, vigilantior adhiberi cura debuit. Ea partim externa gubernatione, partim interioris auxilio gratiæ, ut in Adamo, continetur. Sed utramque copiosiorē, ac vegetiorem, imbecillitas hominis maior, & superandorum malorum, per quæ ille volebatur, difficultas postulabat. Interiori certè, cuius intellectum, ac voluntatem officia partita sunt, noua operæ facta est accessio; cuiusmodi pristino in statu nulla fuit. Nam ad concupiscentiæ insitam ægritudinem curandam, ac violentos eius retundendos impetus, præsentius remedium, & robustiorem, quàm antè, vim adhibere illam oportuit. Hinc ^c medicinale saluatoris auxilium ab Augustino vocatur: & ^d liberatrix gratia, & ^e medici gratia, & ^f opitulatio saluatoris. tum ^g victrix, & ^h victoriosa; & aliis vocabulis

^a Aug. lib. de nat. & gra. c. 34.
^d Id ep. 101.
^e Id. de nat. & gra. c. 39.
^f Ib. c. 42.

appellatur, quæ conflictum, & molestiam, ac laboriosam operam significant. Verùm de hac medicinali gratia, & eius efficientia; tum quemadmodum ab ea discreper, quæ est innocenti adhuc Adamo concessa; non est istius loci, instituti quæ dissidere: nec ea repetere placeat, quæ super hoc argumento latius ^a explicauimus, aduersus Armaçanam scholam; quæ Vincentius ne littera quidem attigit; cùm in minutis quibusdam exagitantis nimius, & odiosus fuerit.

^a To 1. lib.
to c. 16. &
seq. nec non
To 1. lib. de
her. Pel.

CAPVT XXIV.

Errata Vincentij deinceps collecta per saturam. 1. Possibilitatis gratiam negat esse gratiam Christi, idque ipsum refellitur. 2. Eiusdem mendax calumnia de Molina, Lessio. 3. Et de Petauio.

1. **D**VVM laboris istius, & inquisitionis in tuam, Vincenti, theriacam, piget: ac diu est, quod de exodio cogito. Infinita sunt omnis generis errata Opere in isto tuo, quod præ manibus habeo, quæ si singillatim excutere velim, ac de vnoquoque, pro eo acmeretur, & tua ratio postulat, dicere, ultra modum hæc lucubratio proceder. Itaque, quod superest, nonnulla per saturam in hoc caput, & sequentia huius libri coniciam abs te peccata, in illa, quæ de postremò tecum agere institui, enucleanda gratia.

^b Scribis *gratiam possibilitatù*, quæ ex Christi meritis datur, ad diuina præcepta seruanda, Pelagianam esse gratiam. Hoc nimirum est, quod vos falsò certè, catholicis exprobrare soletis; adiutorium illud, quod homini bonum ut velle, vel agere possit, necessarium prædicant, non esse Christi gratiam: sed hoc solum, quo

b Vinc. lib.
1. c. 24. pag.
111. & 112.

reipsa, & actu volunt, aut faciunt. Pelagius *possibilitatem* ad bene agendum necessariam, solam naturalem facultatem esse dicebat, hoc est liberum arbitrium; & eam esse gratiam interpretabatur, quam Scripturæ prædicant: ut ^a in libro de natura & gratiâ Augustinus affirmat. Qui & faterur se, cùm *Dei gratiam*, siue *adiutorium*, per quod *esse homo absque peccato potest*, apud Pelagium legisset, *lætitia repente perfusum*, quod *Dei gratiam non negaret*, per quam *solam homo iustificari potest*. Sed postea deprehendisse, gratiæ, ac possibilitatis nomine solùm intelligi ab eo liberum arbitrium cum legis notitia. Non dubitaret igitur Augustinus veram Christi gratiam in *possibilitate* illa consistere, si eam in *caritate*, hoc est in illuminatione mentis, & voluntatis permotione collocaret Pelagius: uti passim tum in illo libro; tum in eo quæst de Christi gratia, aliisque demonstrat: quam ^b appellat *inpirationem* *flagrantissime*, & *luminosissimam caritativam*.

Hanc verò nos, alique, quibus conuiciaris, *καταγὰς; ὃ δὲ λέγει, καὶ δὲ λέγει*, illam, inquam, gratiæ possibilitatem, quam Augustinus in Pelagio desiderabat, vè planè catholicus esset, Molina, Lessius, ceteri, quos Armacani immeritò vellicant, agnoscunt, ac prædicant. Quid te verò scientem attrinet, falso illos crimine traducere, cùm ex illorum omnium scriptis faciliè refellatur?

^c Vinc. lib.
1. c. 16 p. 71.

II. Nam ^c quod Molinam asseris, *aliam in homine lapso, quàm S. Augustinum, libertatem finxisse, quæ gratiam, ut domina ped. sequam ducat*; tam verum est, quàm quod alibi occinis, illum eundem, malè abiisse ex eo iudicio, quod de illius opinione Romæ est habitum. Quam inceptam, commentitiâque fabulam validissimè confutavit doctissimus theologus R. P. Petrus à S. Iosepho ex Foliantinorum familia, in eo libro, quem de hoc argumento, nuper edidit, ac de *Theologia huius temporis* inscripsit. ^d Eiusdem genij, & aliquanto etiam minus considerata est P. Leonardi Lessij criminatio, ^e quòd in quadam precatone ita scripserit, *Posuisti, Domine, omnia in*

^a Cap 10 &
11. & 40.

^b Lib. de
grat. Chf.
c. 35.

^d Vinc. in
Præf. ad
Lect.

^e Less. in
Præf. Sect.
7. de Præd.

arbitrio nostro, perinde ac si solū natura viribus regnum obtinendum esset. Iustificati enim per gratiam tuam, non minus facile in iustitia accepta perseverare, & legem diuinam implere possumus, quā hominibus politicis per naturam facile est iustitiam politicam externāque in se tueri, & legem ciuilem implere. Exclamat ad hæc Vincentius, ac personæ, quam sibi imposuerat, & lenitatis oblitus, *Sempiternæ Deus*, inquit, *qualis est ista precatio* ! Tu verò quid habes quod in ea reprehendas ? *Quomodo igitur*, inquis, *homo iustus tam instantè oras sibi dari quod Deus iubet, si sic in arbitrio sui manu illud teneat* ? At *ὁ πῶτος*, num diuinæ gratiæ præsidium excludit Lessius, & in solius arbutij sui manu positam esse legis obseruantiam, aut in accepta iustitia perseverantiam dixit ? Nonne *per gratiam* ait facilitatem istam, & perseverandi potestatem suppetere ? Quinetiam proximè ante illa quæ descripsisti verba, ea posuit Lessius, quæ subdole abste suppressa sunt. *Iustificasti nos* (ait Lessius) *esse securos ex parte tua preparato nobis auxilio, quo certissimè iustitiam retinebimus, & salui erimus, nisi per nos steteris, nisi auxilium oblatum neglexerimus, & tua nos gratia subtraxerimus.* tum illa pertexit ; *Posuisti, Domine, omnia, &c.* Amabote, Vincenti, ecquid iniquissimæ accusationis, & quiritationis illtus pudet ? An tu negare potes, in nostra esse potestate vti *preparato nobis ad perseverandum auxilio*, & quo minus id fiat, vitio nostro, non adiuuantis gratiæ contingere. Nam quod indignè fers dixisse Lessium, eādē aspirante gratia, *non minus facile esse homini iusto, legem Dei æternam, quā homini politico legem ciuilem externam implere* ; quā hęc absurda sit querela, non vides ? Ecce tibi gloriatur Propheta ^a *Dauid se legem Dei super aurum, & topazion diligere* ; eam melle ac fauo dulciorem sibi videri : in ea non ambulare, sed currere se dilatato per caritatem, & gratiam corde. Quæ potest obseruandæ legis maior esse facilitas, quā in eo homine, qui in illa se non passibus incedere, sed cursu properare testatur ? ^b Plus aliquid etiam pollicetur *Isaias*. ^b *Qui sperant*, inquit, *11:*

a Ps. 112.

b Isa. c. 40.

in Domino mutabunt fortitudinem : assument pennas sicut aquila, current, & non laborabunt : ambulabunt, & non deficient.

a Lib. de
hxr. Pel. c.
10 §. 15.

III. PAR est indoles expostulationis illius de nobis, quod scripserimus^a, eos, qui efficiunt in gratia proximè in solam derivari intelligentiam, ac per eam in voluntatem transire putant, procul à Pelagianis, vel Semipelagianis contagione erroris abesse. Adderes, quæ ibidem adscripsimus, dum ita necessariam illam esse statuunt, ut sine ea præueniente, homo credere, sperare, diligere, aut peruenire non possit sicut oportet, ut ei iustificationis gratia conferatur: ut^b Tridentini Patres loquuntur. quæ tu more tuo detruncasti.

b Sess. 6.
can. 3.

Hac quidem sententia non video quid dici verius possit. Nihil enim velle possumus, nisi prius mente cognitum perceptumque sit: quæ perceptio illuminatione aliqua fit: qui primus est medicinalis gratiæ fructus, quo intelligentiæ cæcitas radiantis veritatis luce discutitur.

CAPV. XXV.

1. *Vincentij error, & falsa interpretatio loci cuiusdam Augustini de Correptione & gratia, & aliorum; in quibus de auxilio sine quo non & quo agitur; tum de possibilitate.*
2. *Possibilitatem rectæ agendi, gratiam esse, negat Vincentius: idque refellitur.*
3. *Idem gratiam primi hominis naturalitatis aliquid habuisse dicit.*
4. *Quod in Michaële Baio damnatur.*

c Vide sup. I.

e. 21.

d Lib. 1. c.

24. p. 112. &

113.



DIXIT te in Augustini loco illo, qui est in libro de Correptione & gratia, mirandum in modum allucinari. ^d Tu auxilium sine quo non, quo illic agitur, cum possibilitate, vel possibilitatis gratia, de qua in libro de Natura & gratia differit idem Augustinus, sine vilo dis-

erimine permittes. Sed *eras*, Vincenti. Auxilium illud *sine quo non*, quod in libro de correptione, & gratia, capite vndecimo ponitur, est adiutorium Adamo datum, quatenus ad perseverantiam refertur, & cum ea comparatur. Hoc autem potissimum Augustinus in statu illo innocentis, eiusque propriis adiumentis collocat; in quibus creatum esse primum hominem docet; & quibus cum perseverare si vellet poterat; non autem sine illis poterat. His autem opponit multo certiora, & effectum nunquam frustranda subsidia gratiæ, quæ ad perseverandum, electis per Christum subministrantur; quæ tam efficacia sunt, ut non solum *perseverandi possibilitas* per ea, sed etiam *perseverantia* ipsa donetur. Igitur *auxilium sine quo non*, quatenus ab *auxilio quo* distinguitur; est gratia perseverandi, sed non *infallibilis*, ut vocant. Auxilium verò *que* est eadem gratia, quatenus *infallibilis* est. Eadem porro est utrobique gratia, si naturam ipsam spectemus, & quam scholæ nuncupant, *physicam entitatem*. Hæc autem vocabula, *sine quo non*, & *quo*, præcisè quæ ad *perseverantiam* ordinantur, auxilii gratiæ tribuit Augustinus.

At idem contra Pelagium disputans in libro de natura & gratia, *possibilitatem* appellat, & considerat, quæ est Christi gratia: quemadmodum & in libro, quem inscripsit de gratia Christi aperte significat. Nam in illis libris veram bene agendi possibilitatem, cum falsa, & Pelagiana contendit: quam in sola naturali facultate hæresis ista statuēbat, si de absolute necessaria loquimur. Augustinus verò in fide, & caritate, siue in *illuminatione intellectus*, & pia motione voluntatis; quæ est Christiana *possibilitas*: cui si liberè assentimur, cum *desistere possumus*, ut ait Tridentina synodus, *possibilitati* effectus adiungitur. sin autem oblatum illud auxilium respuimus, *in qua* a 1. Cor. 6.2. cum illam Dei gratiam recipimus, ut Apostolus loquitur.

II. Cuius verò frontis est, b negare possibilitatem rectè agendi esse gratiam Christi? Nonne Christus p. 113, b Vinc. 16.

a Ioan. 15. 5. ipsemet contrarium docuit, cùm Apostolis dixit, *a sine me nihil potestis facere*? Apostolus item ad Corinthios ita scribens, b 1. Cor. 3. 5. *Non sumus sufficientes cogitare aliquid à nobis, quasi ex nobis: sed sufficientia nostra ex Deo est*, quid aliud quàm bene inchoandi *possibilitatem* significat.

c In Pl. 70. p. 307. B. c Augustinus quoque, *Non erat*, inquit, *in potestate tua, ut non nascereris ex Adam*: est in potestate tua, *ut credas in Christum*. An non potestas credendi in Christum, ab hoc ipso est, sine quo nihil possumus? Aut cùm d alibi dicit,

d Hom. 11. lib. 50. Hom.

in potestate homini per Dei adiutorium positum esse, ut non consentiat Satana: estne ut citra Christi gratiam, *possibilitas* illa consistat? Rursus in libro secundo de Actis cum Felice Manichæo, capite quinto, *Qui legem*, inquit, *servare non vult, in potestate eius est, si velit*. Itane *possibilitas* illa *servanda legis*, à natura est, aut aliunde, quàm ab adiutorio gratiæ Christi? Sed reliqua porro flagitia videamus.

e Pag. 113.

III. At t^c Vincentius, *gratiam primi hominis aliquid naturalitatis admixtum habuisse, ut secundum divinam sapientiam, & bonitatis regulas, natura humana recenter condita, & adhuc innocenti quodammodo deberetur*. In portentum Armacanz theologiæ. Gratia Adamo concessa non fuit mera gratia, sed naturalitatis aliquid habuit, quia natura humane quodammodo debebatur. Cur tandem, aut quo nomine debebatur? Cùm enim imago Dei, inquit, intellectus, & voluntate prædita, naturales creatoris sui leges, quas observare debet, impressas à natura habeat, & tamen sine gratuito Dei adiutorio eas observare nequeat, debuit hoc sapientia sua Deus (ne naturam deformem, & quodammodo mancā relinqueret) ut necessario divina gratia adiutorio imaginem suam roboraret. Quid hæc ratiocinatione furcilius? Ergo ne quidquid diuinæ sapientiæ convenit, aut bonitati, aut quoquomodo rationi consentaneum est, id si faciat Deus, ac creaturis præstet, gratia non erit, eo quod naturæ sit illarum quodammodo debitum? Si hoc argumenti genus tolerabile est, ac vel tirone, non dicam Theologiæ, sed

sed institutionis Christianæ dignum; liceat impune gratiz esse negare, quodd Dei vnigenitus Filius pro peccatoribus est crucifixus. Hoc enim diuinæ sapientiæ suæ, ac bonitati debebat. Quàm multa sunt à Græcis, Latinisque dicta Patribus, cur hominem Diaboli fraude deceptum, ab eo liberari æquum, ac iustum fuerit, à quo fuerat antè procreatus! Quod & sapientiæ, ac bonitatis & æquitatis cuiusdam, iustitiæque fuisse prædicant: *ut incommutabilis Deus* (quod ^a ait S. Leo) *cuius voluntas non potest sua benignitate priuari, primam pietatis suæ dispositionem sacramento occultiore compleret, & homo diabolice iniquitatis versus actus in culpam, contra Dei propositum non peccaret.* Innumera sunt tum ab eodem Leone, tum ab aliis ad idem argumentum grauiter copioseque disputata, dum hoc explicant, cur interfuerit diuinæ sapientiæ, ac potestatis, quæ est Dei Filius, ac *Λόγος* omnium conditor, pristinum in statum reuocare genus hominum suapte culpa, & insidiis Satanæ deiectum ac perditum; præsertim cum ad imaginem Dei conditus, ab imagine ipsa, quam esse Dei Filium interpretantur, instaurati debuerit. Addunt & de modo liberandi, ac redimendi non pauca; ut iustitiæ diuinæ fuisse probent, non vi hominem, & potentia, sed ratione, & æquitate, sine dominantis iniuria vindicare. Hæc & alia id genus infinita, ex Vincentianis principiis, non sunt gratiz beneficia; quoniam sibi, id est sapientiæ, bonitati, iustitiæque suæ Deus ista debebat, ut deformatam imaginem suam, & creatoris sui legibus obligatam, ad has ipsas exequendas *necessario diuinæ gratiæ adiutorio roboraret.*

^a Serm. 1.
de Natiu.

IV. HANC opinionis porro prauitatem hausit Vincentius ex cœno damnatarum Propositionum Michaëlis Baij in eadem Academia Louanicensi, in qua personatus hodie Gallus Arausicanus docet, Professoris quondam regij. Nam inter Propositiones à Pio V Romano Pontifice notatas, & Gregorij XIII, ac demum Urbani VIII decretis eidem censuræ subiectas, octaua ex li-

bro primo Baij, de meritis operum, capite quarto excerpta sic habet: *Primi hominis integri merita fuerunt prima creationis munera: sed iuxta modum loquendi scriptura sacra, non rectè vocantur gratia: quo fit, ut tantum merita, non etiam gratia debeant nuncupari.*

a Lib. de
Correp. &
grat. c. 11,

a Augustini verò locus ille, quem Vincentius affert, nihil ad rem attinet. Non enim ex eo, quod adiutorium diuinum Angelis, vel homini necessarium fuit, iccirco debitum illis fuit; vel gratia propterea esse desinit: cum stirps, & radix necessitatis illius, ex liberali & gratuita Dei beneficentia repetatur, qua illos ad eorum naturæ minimè debitam conditionem attollere voluit, quæ tale requireret opitulatricis gratiæ subsidium. Quod autem non omnis ratio *debiti* cum *gratia* proprietate pugnet, luculenter disserit S. Thomas in prima Parte summæ theologicæ, b quæstione XXI.

b Art. 1. ad
3:

CAPVT XXVI.

Falsa argumentatio Vincentij diluitur, quam contra Catholicos instruit, de gratia Adamo data, & Christi meritis parta.

I.

c Pag. 114.



ADEM Augustiniani loci ~~perperum~~ densissimas offudit erroris tenebras c A-rausicano Vincentio, dum pro-magno absurdo Catholicè sentientibus theologis obiiicit, horum ex sententia sequi, adiutorium olim Adamo datum, Christi esse beneficio restitutum. Adeo peregrinus est in trita, peruagatæque re, in quam tot antiquorum dicta consentiunt: Christum Dominum ea recuperasse, ac repræsentasse nobis, quæ in Adamo perdidimus: velut fidem, spem, caritatem, iustitiam, & quæ generali vocabulo *gratia* continentur:

quatenus eorum capax est secundus, ad quem irreuocabili decreto sumus addicti, collapsæ naturæ status. Quamquam, ut capite tertio ac vicesimo dixi, longè sit vberius, ac potentius gratiæ præsidium Christi nobis meritis acquisitum: præsertim quod ad perseverandum datur. Nam quibus conceditur, ij non modò perseverare possunt, ad idque gratiæ auxilio iuvantur, sine quo non possent: sed eo ipso fit, ut reuera perseverent. At in statu innocentie, non tale est Adamo tributum, quo perseveraret; sed quo perseverare posset. Eidem in ceteris, quæ citra perseverantiam rectè aliquando gessit, eiusmodi suppeditatum est auxilium, non modò sine quo non posset agere; sed etiam quo reipsa honestè, & laudabiliter ageret. Si enim hoc defuisset, in accepta bona voluntate neque vel brevissimo illo tempore, quo in potestate fuit Creatoris sui, manere posset, neque reipsa mansisset.

II. AT ENIM, pergit Aràusicanus Lenis; *Si homini lapsò, qui naturæ humanæ legibus adhuc astringitur, Deus gratiam sufficientem reddere debet, eo ipso, quo homo leges illas servare tenetur, & earum prauaricatio ei imputari potest ad culpam: ergo non magis homini lapsò, quàm primo homini, salvatore est opus, cum diuina aequitas, pergens naturam lapsam, agràmque creare, non minus debeat gratiam sufficientem illi superaddere, quàm olim condens naturam stantem, & sanam in primo parente. Quid ergo opus Incarnatione, & Cruce Christi, si gratia ad salutem sufficiens debuerit homini lapsò, isto alio titulo dari? Vnde nec gratia ista erit mera gratia. Sed quodammodo natura lapsa debita; perinde ac olim fuit debita innocenti. Hæc Vincentius. Contra quæ illud opponimus, quod antecedenti iam dictum est capite: neque sufficientem gratiam innocenti datam Adamo, ad eam seruandam naturæ legem, quæ erat obligatus, debitam fuisse, vel naturalitatis aliquid habuisse; nec eam, quæ post lapsum primi parentis, homini sufficitur: quod falsò putat Vincentius: sed utramque meram esse gratiam; merèque*

Pag. 115

gratuitum beneficium : quod ex sola bonitate, ac misericordia profectum est. Posteriores verò, de gratia & gratuita, liberalique donatione haud paullo plus habuissō, quàm alteram Adamo præstitam : quòd de ingrato, & inimico benè mereri, maioris est beneficentiz, quàm de amico, & eo, qui te nulla iniuria violarit.

Atqui nemo sine idoneo gratiz subsidio legi, qua tenetur, obsequi potest, ait Vincentius. Succurrendum igitur illi erit à Deo, qui hanc homini necessitatem obseruandæ legis imposuit: vt non liberalitatis, & gratiz, sed officij ac debiti sit necessariæ opis illa tributio. Succurret sanè Deus, neque susceptas à se partes deseret gratuitæ, vt iam dixi, benignitatis: sed ita profectò, vt si vellet, sine vlla cuiusquam iniuria negare posset.


III. PECCARET ergo, instant rursus Armacani, & quidem in eo, quod in potestate sua non haberet, id. que illi imputaretur ad culpam. Hoc telo potissimum in nos ^a *ferox & masculus* ille Vincentius, vt eius verbis utar, impetum facit. Verùm puerilishæc petitio leui declinatione sic à nobis eluditur. Finge hominem idoneo destitutum auxilio gratiz: Legis hic quidem exequi mandata non poterit: & in eo peccati aliquid admitter, quòd etsi naturale præceptum implere, saltē vtcumque potest, gentiliū philosophorum more conetur, careat hic illius voluntatis impetus *rectitudine*, vt vocant, ea, quæ abesse non debet, vt ad Deum referatur. Itaque peccatum id quidem erit, hoc est defectus aliquis: qui tamen minimè ad culpam imputabitur, nec ad reatum, quo peccata committitur.

Plurimum autem peccatum inter, & culpam interest, quod quia nescire videris, Arausicane Vincenti, disces à principe Theologorum, qui in prima parte secundæ, quæstione vicesima prima, articulo primo & secundo: nec non in Opusculo secundo, quod est Theologiæ Compendium, capite centesimo vicesimo, eruditè ac discretè illud exposuit.

^a Vinc. lib.
2. p. 166.

CAPVT XXVII.

Non omne peccatum esse culpam, ac quid inter ambo hæc intersit: quod ex S. Thoma, tum S. Augustini auctoritate comprobatur.

I.  VAMVIS ad finem lucubratio hæc nostra festinet, nondum tamen stilum auocare possum ab hoc loco, qui præcipuam Armacanæ sectæ, ac Vincentio erroris ansam obtulit. Itaque de peccati, & culpæ differentia summam ea perscribam, quæ S. Thomas in iis, quos commemoravi, libris explicauit. Scribit ^a ille primum, latius malum patere, quàm peccatum: si- ^{a In 1.2. qu. 21. art. 1.} cut & bonum, quàm rectum. *Qualibet enim prauatio boni in quocumque constituit rationem mali. Sed peccatum proprie consistit in actu, qui agitur propter finem aliquem, cum non habes debitum ordinem ad finem illum: qui ordo rectitudo actus dicitur. Quando autem à rectitudine tali actus aliquis recedit, tunc incidit ratio peccati. In his, verò, quæ aguntur per voluntatem regula proxima est ratio humana; regula autem suprema est lex aterna. Quandocumque ergo actus hominis procedit in finem, secundum ordinem rationis, & legis aternæ, tunc actus est rectus: quando autem ab hac rectitudine obliquatur, tunc dicitur peccatum. In articulo deinde secundo, sic scribit: sicut malum est in plus, id est latius patet, quàm peccatum; ita peccatum est in plus, quàm culpa. Ex hoc enim dicitur actus culpabilis, vel laudabilis, quòd imputatur agenti. Nihil enim est aliud laudari, vel culpari, quàm imputari alicui malitiam, vel bonitatem sui actus. Tunc enim actus imputatur agenti, quando est in potestate ipsius, ita quod habeat dominium sui actus, Ex quo concludit, rationem laudis vel culpa in solis actibus voluntariis constitui, in quibus idem est malum, peccatum, & culpa. Ceterum volunta-*

^a Cap. 3. &
5.

^b Ib. art. 4.

rium hîc sanctus Thomas *perfectum voluntarium* appellat: quod idem est cum *libero arbitrio*: eoque solo in potestate, ac dominio actus suos habere voluntas dicitur, vt ex eodem ^a *suprà* demonstrauius. Quare vt non omne malum est peccatum, sic nec omne peccatum est culpa: sed hoc solum, quod ex voluntate, id est libero arbitrio, & electione committitur. Potestque peccatum dici actio quælibet, quæ *ad vltimum finem non referitur* (vt idem ^b S. Thomas ostendit) eoque ipso deficit: nec tamen imputatur in culpam, nisi ex deliberatione, & libera voluntatis electione procedat.

II. RVRVS in Compendio Theologiæ, capite cxi. *Malum vniuersè* ait esse *privationem, & defectum*: idque spectari dupliciter: primò *secundum quod in natura sua consideratur* vs cæcis est quoddam malum animalis: Deinde *secundum quod per actionem ordinatur ad finem*: atque hoc modo malum actionis ad aliquem finem ordinatæ, ad quem non debito modo se habet, peccatum dicitur, tam in voluntariis quàm in naturalibus. Peccat enim medicus in actione sua, dum non operatur conuenienter ad sanitatem; & natura etiam peccat in sua operatione, dum ad debitam dispositionem, & formam rem generatam non producit; sicut cum accidunt monstra in natura. Mox capite cxx, de defectibus, quos morales nominant, agit: & in iis peccatum versari docet. Si igitur in actionibus non voluntariis, inquit, ordinatis ad finem defectus accidit, peccatum tantum dicitur. Si autem in voluntariis, dicitur non solum peccatum, sed culpa, eo quod agens voluntarium, cum sit dominus suæ actionis, visuperio dignum est & pœna.

Atque hoc præstantissimus ille Theologus ex magistri sui S. Augustini doctrina tradidit. Hic enim peccatum à culpa differre non obscure indicat: vt in libro de Perfectione iustitiæ, capite sexto, ideo esse culpam hominis dicit, quòd non est sine peccato, quia sola hominis voluntate factum est, vt ad istam necessitatem venires, quam sola hominis voluntas superare non possit.

III. SIC in libro primo Retractionum, capite xv. Qui nesciens peccauit, non incongruenter, inquit, nolens peccasse dici potest, quamuis & ipse quod nesciens fecit, volens tamen fecit, &c. Quia voluit, ergo fecit, etiamsi non quia voluit, peccauit, nesciens peccatum esse quod fecit. Ita nec tale peccatum sine voluntate esse potuit, sed voluntate facti, non voluntate peccati. Quod tamen factum peccatum fuit: hoc enim factum est, quod fieri non debuit. Quisquis autem sciens peccat, si potest cogenti ad peccatum sine peccato resistere, nec tamen facit, utique volens peccat. Ibi peccatum aliud à nolente factum, & nesciente constituit; aliud à sciente, & volente. Prius est peccatum, sed culpæ, ac reatus expers: posterius habet utrumque. Nam & fit quod non debuit, in quo peccati ratio consistit: & quia sciens volensque fecit, reus est supplicij: ideoque culpa dicitur, non alterum, quod est tantummodo peccatum.

Sciendum est autem duabus rebus constare peccatum propriè dictum; quorum alterum Augustinus actum nominat, alterum, reatum. *Actus* est, quem defectum vocant, sine aberrationem ab regula, quæ est recta ratio, quam Græci *ἀμαρτία* nuncupant. *Reatus* est obligatio, qua quis ob crimen admissum luendæ pœnæ est obnoxius. Vtrumque cui conuenit, *culpa* dicitur. Nam sola hæc ut vituperationem, ita pœnam meretur. Quod autem prius tantummodo continet, peccatum, non culpa nominatur. Itaque Concupiscentiam per Baptismum remitti in *reatu*, & manere in *actu*, affirmat ^a Augustinus. In nondum regeneratis & *actu*, & *reatu* manere. Ideo peccatum in his, non culpa vocatur ab ^b Apostolo. Quippe hæret adhuc in illis originale peccatum; propter quod *non proprietate voluntatis, sed origine reos teneri* ait ^c Augustinus. Qui & hoc vniuersè verum esse dicit, quod aduersus Manichæos in libro de duabus animabus scripserat: *Peccati reum teneri quæquam, quia non fecit quod facere non potuit, summa iniquitatis, & insanix est*: adeoque peccato etiam originali conuenire; *quia ex eius origine te-*

^a Lib. 1.
cont. Iul.
c. 3.
^b Rom. 7.


^c Lib. 1.
Retr. c. 15.

nentur rei parvuli, qui non fecit quod facere potuit, divinum scilicet servare mandatum. Quare peccatum Originale, antequam regeneratione solvatur, vera culpa censetur, quia ex illius origine res tenentur, qui voluntate peccavit, quando libero & ad faciendum, & ad non faciendum motu animi non carebat, ei que ab opere malo abstinendi summa potestas erat.

IV. Cetera, quæ vel ab ignorantibus fiunt, vel quoquo modo voluntariè, id est liberè non agentibus, peccata sunt, non culpæ; quia nemo ob id pœnam committit, quod nesciens fecit. Itaque siue fidelis, siue infidelis, opus aliquod, ab recta ratione deficiens admisit, quod eiusmodi esse nesciret, peccatum fecit, quod culpa non est; nec imputatur ad pœnam: quemadmodum de Abimelecho rege Geraræ scriptura refert, qui uxorem Abraami Saram, ignorans, & iustus, hoc est nulli ob id affinis culpæ, quod sorem esse nesciret, abduxit: Deo insuper iustum illum, & innocentem in ea re fuisse pronuntiantem. Quæ quidem imprudensia, & ignorantia, peccatum simul, & pœna fuit originalis peccati: sed culpæ, ut dixi, ac reatus expertis fuit.

CAPVT XXVIII.

I. Vincentij & Armacani sectæ falsa opinio; in eo etiam, quod necesse est, & vitari non potest, aduersos homines esse culpabiles. 2. De gratia sufficiente, quæ aliquot Augustini testimonio adstruitur.

I.  VIC Augustini, & S. Thomæ; immo Catholicæ fidei decreto obnuntiat Armacani patroni libertus Frodomondus; cuius tanta est seueritas, ut ob illa etiam peccata, quæ vitari non possunt, & ob mandatum quæcumque prætermissum, quod observatum erat

tu erat impossibile, culpam & reatum sempiterni supplicij miseris hominibus infligat. Etenim sine gratia Christi nihil rectè fieri, neque legi naturali, ac diuinæ obtemperari posse, prorsus existimat. De hoc autem adiutorio gratiæ duo quædam asserit ex Patroni sui doctrina:

^a alterum, nullam, nisi effectum habeat, gratiam esse Christi: quod *auxilium quo fit*, appellat: auxilium autem *sine quo non fit*, quam *sufficientem gratiam* vulgò nuncupant: non esse Christi, vel noui Testamenti gratiam.

^a Vinc. lib.
1. c. 2. 4. pag.
112. & seq.

^b Alterum, non omnibus etiam Christianis, Christi gratiam suppetere. quod & inde consequens esse res ipsa per sese docet. Cùm enim non solùm infideles, sed etiam Christiani, innumera, & atrocia quotidie peccata committant, necesse est ex Armacanis illis duobus effatis, Christi eos gratia caruisse, nec adiutos ad illa esse, vincenda irritamenta cupiditatis: quam, si adiuti essent, proculdubio superassent: quoniam adiutorium illud nunquam fructus suus, & effectus destituit. Plectetur itaque morte perpetua, & æternis suppliciis addicetur, qui iussus exequi quod impossibile sibi erat (De grandioribus loquor; ne quis paruulos importunè hinc admisceat) ob id ipsum minimè est obsecutus. Non capit humanus animus crudelitatem ac barbariem tantam: quæ eo repudianda magis est, quòd immerito sibi auctorem inscribit Augustinum: quem quidem ab hac contagione longè remotum fuisse, cùm illa, quæ attigi suprà; tum innumera, quæ prætermisi, eiusdem testimonia demonstrant.

^b 1b. p. 114.
& seq. & lib.
2. c. 1. Sect.
4.

II. Ex his autem pauca hoc loco libet adnotare, velut clausulam velitationis istius: in quibus momenti plurimum inest, ad *sufficientis*, ut vocant, *auxilij* adstruendam ex Augustino fidem; atque ut eam deesse nulli, cui mandatum à Deo sit editum, vel inuitus Arausicanus Lenis agnoscat.

Augustinus in libro de gratia, & libero arbitrio, capite x v i. ita scribit: *Magnum aliquid Pelagiani se scire*

*putant, quando dicunt, Non iuberet Deus quod sciret non posse ab homine fieri. Quis hoc nesciat? Sed ideo iubet aliqua, quae non possumus, ut nouerimus, quid ab illo petere debeamus. Ipsa est enim fides qua orando impetrat quod lex imperat. Hic primum cogitandum est, Pelagianos de mandatis iis loqui, quae omnibus in commune proposita sunt, ut est naturae lex; à qua eum nemo sit exceptus, necesse est eam omnibus, sine ullo discrimine praecipere. Igitur à nemine non posse fieri legem, quod Pelagiani dicebant, confitetur Augustinus. Nunc operæ pretium est, scire quemadmodum, & quo praesidio freti hoc habeant, ut mandatum exequi possint: quod ipsum suppeditari omnibus oporteat: siquidem posse debent omnes, quibus à Deo lex est edita. Respondet Augustinus, potestatem faciendi quod Deus iubet, in eo sitam esse, non quoddam gratiam adhuc acceperint, quâ proximè legem impleant; sed quâ hanc ipsam impetrare queant. Hæc est orationis ad Deum fundendæ gratia, & potestas: quam alibi idem Augustinus breui & sententioso dicto ita complexus est: *Non igitur Deus impossibilia iubet; sed iubendo admonet, & facere quod possis, & petere quod non possis.* Quam sententiam Tridentina synodus usurpauit in Sessione VI, capite XI.*

* Lib. de
nat. & grat.
c. 43.

III. QVOCIRCA nemini non est parata gratia illa, siue *fides*, ut eam vocat Augustinus, id est affectus orandi. si enim alicui sufficiens auxilium ad orandam, & impetrandam uberiorem illam, & mandatorum executricem gratiam deesset, iuberet aliquid Deus, quod ille cui iussum foret, facere homo non posset. atque ita mandata Dei illi essent impossibilia; qui eo careret adiutorio; per quod omnibus possibilia esse censeret Augustinus: nempe orandi gratiâ, qua vis & robur obtinetur ad præstanda legis officia.

Hæc est prima omnium gratia, quæ gratis omnino, ac sine meritis tribuitur; per quam actiuosa, & præcepti operis efficax altera prouenit; ut ibidem docet Augusti-

nus his verbis: *Certum est enim nos mandata servare si volumus: sed quia preparatur voluntas à Domino, ab illo petendum est, ut tantum velimus, quantum sufficit ut volendo faciamus.* Ex quo voluntas duplex, duplici expressa gratiâ colligitur: una inchoata, & rudis adhuc, qua posse facere volumus; altera robustior, qua quod volumus possumus. Vtramque capite sequenti manifestius indicat, sic scribens: *Qui ergo vult facere Dei mandatum, & non potest, iam quidem habet voluntatem bonam, sed adhuc parvam, & invalidam: poteris autem, cum magnam habueris, & robustam.* Tum paucis interiectis, *Et quis istam, ait, etsi parvam, dare ceperat caritatem, nisi ille qui preparat voluntatem, & cooperando perficit, quod operando incipit?*

a Id. de
grat. & lib.
arb. c. 16.

IV. SECVNDVS Augustini locus ex libro de Coreptione & gratia, capite septimo, est eiusmodi: *Iustior enim videtur excusatio dicentium, non accepimus audientiam, quam dicentium, non accepimus perseverantiam: quoniam potest dici; homo! in eo quod audieras, & tenueras, in eo perseverares, si velles: nullo modo autem dici potest, id quod non audieras, crederes si velles.* Igitur qui perseverantiam non habuerunt, culpa sua non habuerunt; quam si voluissent, haberent utique. Poterant igitur habere: & hæc ipsa possibilitas, gratia est sufficiens, siue, ut Apostolus loquitur, *sufficiens*, quæ non ex nobis, sed ex Deo est.

Tertius locus ex Sermone cccxix de Tempore, eandem paratam & sufficientem gratiam, quamvis vitio nostro irritam demonstrat: ubi de tentationibus disputat. *Nemo dicas, inquit, à fornicatione se custodire non posse. Fidelis est enim Deus, dicit Apostolus, qui non permittit nos tentari supra id, quod portare possumus: sed faciet cum tentatione proventum.* Talis unicuique homini tentatio datur, siue in carnis desiderio, siue in ambitione sæculi, vel etiam in quacunque tentationis molestia, qualem aut cum laude vincere, aut cum opprobrio succumbere poteris. Ergo qui succumbit tentationi, ideo cum opprobrio id facit, quia cum laude illam vincere poterat. Hæc autem possibilitas, ut supra

b 1. Cor. 10.

Vide Pet. To. 1. lib. 10. c. 16. § 14. & seq.

ex Augustino demonstraui, nihil aliud nisi gratia est.

Idem rursus in libro secundo de peccatorum meritis, & remissione capite XVII, *Cum voluntate*, inquit, *humana, gratia adiuuante diuina, sine peccato in hac vita possis homo esse, cur non sis, possem facillimè ac veracissimè respondere, quia homines nolunt.* Non hæc facillima, nec veracissima esset responsio, si non possent. Possunt igitur si velint: atque vt voluntatem paratam habent, sine qua vellet non possunt: ita & gratiam, quia sine hac adiuuante, vt & sine voluntate, non possunt.

CAPVT XXIX.

Epilogus, in quo querela Vincentij Lenis occurritur de asperitate Petauiani Stili.



ET me quisquiliarum istarum iamdudum piget, in quas euerrendas non illam quidem iucundam; sed necessariam hætenus operam contuli: & hîc finem molestiæ huius aliquem decreui facere. Quamquam difficile est in tot, tamque grauibz castigandis erroribus adhibere modum orationi suæ, & habere in potestate iustissimæ indignationis impetus: cuius, quo longius progredimur, eo se maiora irritamenta proferunt. Sed abrumpenda tamen hoc loco est in immensum alioquin itura disputatio nostra; vbi pauca de Vincentiana expostulatione dixero. Queritur homo lenis, ac modestus, Nouæ sectæ parentem, & auctorem cum grege suo, inclementer à nobis habitum, & iracundas in illos, acerbâsqve voces esse coniectas: quas insuper augendæ inuidiæ causa, nostris ex libris, vbi sparsim positi erant ac dissipati, in vnum collegit. Hoc verò illiberale, ac malignum artificium nemo æquus & prudens laudauerit. Quis enim nescit, genus hoc orationis pugnax, & contentiosum, quod

in refellendo positum est, nisi neruos, & aculeos habet ad instandum, fractum, enectumque languescere? At huiusmodi, hoc est ad bellandum comparata scripta illa nostra sunt: è quibus vocabula ista Vincentius non minus alio digna, quàm eo, in quem erant collata, descripsit. Ea porrò si, vt sunt, suis disposita locis, & conserta legantur, multis ex ipso contextu sermonis mitigationibus leniri sentias: minimum vt acrimoniæ, vrbauitatis, & elegantiz nonnihil habeant. Eadem ab iuncturis, & compagibus reuulsa suis, & in vnum congesta, situ mutato, mutant indolem, & aliud sapiunt. Ita cibus sale, vel aceto perspersis iucundè pascimur: salem merum, vel merum acutum nemo ad victum adhibeat. Sic in sectili pauimento, vermiculatòque opere, tessellæ singulæ suis aptæ locis, & connexæ eleganti varietate delectant: sin eas recisas, & auulsas in acervum comportes, nihil præter deformia rudera, & versicolorem glaream reliqui facies. Tale istud est, quod ad infamandum Petauium Vincentius excogitauit, vt minus, quàm cuperet, dicta leniter ac blandè, variis ex locis per quæ erant distributa coraderet, & sub vnum aspectum poneret. Quàm eius caliditatem, & malitiam minus equidem miror, nec ea multum moueor. Illud potius videndum quale sit, quod magis ægrè fert, ac dolentiùs queritur, nimis me in Armacanorum insectando dogmate vehementem fuisse.

Verùm non est quod criminis istius notam valde reformidem; in quo vel auctores, vel socios habeo innumeros tum doctrina, tum sanctitate præstantes, & illustres viros, quorum exemplo nos, institutòque tueri possumus: hoc est antiquos illos omnes Patres, qui aduersus grassantes suis temporibus nouitates errorum certamen instituerunt. Qui cùm in ceteris faciles essent, & tractabiles, in hac vna re, dissimiles sui, hoc est asperi, & implacabiles fuerunt. Hoc enim præclare nouerant, quod de pestiferis id genus hominibus verè scripsit auctor grauissimus Gregorius • Nazianzenus, *Prauos homines leni-*

a Naz. ep.
77. è γὰρ
δυσωμοί
τῶν πονηρῶν
ὁμοίων.

tate ac mansuetudine non inflecti. Quod in Apollinaristis tum primùm prodeuntibus experienciâ comperisse se dicit, & errorem suum fatetur. ^a *Exisimabam, inquit, fore*

^a lb. Evs.

μὴν τῆς

κροθυμίας

αὐ-

τὸς πει-

σιν, ἢ

λαγνείᾳ

μικρὸν. ὡς

ἔστιν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

λάττει, ὡς

ἐστὶν ἐν τῇ

ἐκκλησίᾳ.

πῶς ἐ-

ut lenitate mea mansuetos, & placidos eos redderem, ac paulatim emollirem: atque hoc mihi spe fingebam. Verum, ut appares, minimè illud animaduerti, me deteriores illos fecisse, ac per intempestiuam istam philosophiam Ecclesia detrimentum attulisse. Iure itaque ^b *Rusticus diaconus affirmat, Turpe*

esse reuera, & indecens contra asserentem peruersa nos pro ve-

ritate frigidiores inueniri. Et ^c *Lactantius Christianos scri-*

ptores redarguit, qui contraria fidei dogmata refellen-

tes, neque vim persuadendi, neque subtilitatem argumentan-

di, neque ullam prorsus acerbiam ad reuincendam habere

potuerunt. Acerbitatem ecce, hoc est τὸ πικρὸν, ἢ στυγνόν,

ut est in Veteribus glossis, quod Latine asperum, & ama-

rum, atque austerum sonat, in refutandis fidei contrariis

erroribus requirit Lactantius. Quam feueritatis in refel-

lendo personam cum aduersus gentiles pro Christiana

religione certantibus (de his enim ibi præcipuè loqui-

tur) assumendam statuat; multo magis ad oppugnandas

hæreses adhiberi eam oportet. Etenim posterius hoc ge-

nus infidelitatis, etsi priore minùs latè patet, est eo ta-

men deterius, ac perniciosius: uti breui hoc, sed memora-

bili dicto, & oraculi instar habito, testatur ^d *Epiphanius.*

^d Epiph. in

Ancor. p. 13.

χαῖραι ἢ χαχοπίτια τῇ ἀπιστίᾳ, hoc est, Peruersa fides infide-

litate ipsa deterior est. Cuius rei hanc affert rationem. ἡ μὲν

γὰρ ἀπιστία τίτλην λαμβάνουσα διορθοῦται: ἡ δὲ χαχοπίτια ἀχα-

τέρητος, δυσχερὲς στολιδύνη, εἰ μὴ πᾶσι αἰσῶν χαλεπὸν αἰῶνα

ἐπιφοιτήσει. Id est, Etenim infidelitas suscepta fide corrigitur:

praua fidei desperata emendatio est: qua ad salutem difficile e-

mergit, nisi singularis aliqua gratia diuinius aspiret.

^e Lib. de

Div. Fil. c.

1. quod in

Orat. 49.

Naz legi-

tur p. 718.

vel facile vitari, quorum prima propositione omne consilium peccatoris proditur. At verò hi, quibus multa nobiscum paria sunt, facile possunt innoxias mentes, & soli Deo deditas fraudulentia societate percutere, dum malorum suorum virus per bona nostra defendunt. Nihil enim periculosius his hæretico esse potest, qui cum integrè per omnia decurrant, uno tamen verbo, ac si veneni gutta, meram illam, & simplicem fidem Dominicæ, & exinde Apostolica traditionis insciunt.

Strenuè igitur, & cum animi, cum orationis impetu toto propulsanda, vel obruenda potius est illa fidei & salutis inimica pestis: cuius vel in sola suspitione quæquam esse patientem verat^a Hieronymus aduersus Ioannem scribens Patriarcham Hierosolymitanum.

a Lib. con.
Ioan. Hier.
653. B

Huiusmodi commotæ, irritatæque pietatis ardor, quantus in illis exiterit, quos auctores habere Petauium paullo antè dixi, sanctissimis, grauissimisque Patribus, quæ ad nos peruenerunt illorum scripta fidem faciunt; ut Ignatij, Irenæi, Clementis, Athanasij, Epiphani, Hieronymi, Ambrosij, Augustini, Basilij, Gregorij Nazianzeni, Nysseni, Cytilli &c, ne singulos appellem, omnium ferè, qui contra nefariarum hæresum potentia, ingenij, & eloquentiæ arma sumpserunt. Quorum libri probris, & conuiciis, ac mordacibus, & aculeatis vocibus, sententisque scatent; dum errorum, ac sectarum artifices ipsos non minùs, quàm eorum falsa dogmata, non parcè, ac molliter, neque summa, ut ita dixerim, cute vellicant: sed acuta, & penetrabili acie stili cruentant, & lacerant.

Tales enim ad opprimendam virij, ac mendacij labem, veritatis esse, sapientiæque sermones admonet

b Synesius; nempe ἀρρωστούς, & στυμνούς, & ἀσθενούς ἰχθυό- b Orat. de
τας, hoc est mares, & graues, ac rigidos. Ἀλλ' εἰ πῃ παρικοί reg. init.
& λυπησείν αἰσθάνονται, & ἀπειλῆσαι διὰ τὸ πλὴν χερσίδας, ὅτι ἐν χερσὶ μοι, ἀλλὰ & μέσῃ, εἰ ἀγαθὴς αἰσθῆσις ἀφελή-
σῃτο. Id est, sicut facultas data fuerit, molestos fore
se, & cor ipsum non se strictim duntaxat esse puncturos:

Sed ad imum usque penetraturos minantur : si ea molestia cuiuspiam prodesse queant. Denique sunt, inquit, παιδαγωγοὶ πρὸς ἀπὸ τοῦ συρροῦναι, ὃ βαρὺς ἐστὶν, hoc est se-neri quidam in castigando pedagogi, & in congressu morosi ac diffciles.

Quod si quis istud ipsum, quod ex Petauij, & Ricardi lucubrationibus fecit Vincentius, ex illorum quos dixi, Patrum commentariis liberius, & asperius dicta decerpserit, ea sic congesta, supra vltatura indicis modum, in ingens, atque amplum volumen excrescent.

Iraſceris Petauio, ac Ricardo, Rodomonde Vincen-ti, & quiritando publicam imploras fidem, quòd in Ar-macanos, hoc est in hæresim vestram, & vos eius princi-pes, & antesignanos commoiores fuerint. Non ferunt auriculæ tuæ sub hoc elogio traduci Nouum, & hære-ticum dogma, appellarique, *opinionēs portentificas, cano-ras nugæ, interpretationes malitiosas, calumnias insidiosas, in-sulsas nouitates, ineptas fabulas.* Displicet tibi, sedit illius *διανοίας* audire, *libertatis enervatores, liberi arbitrij corruptio-res, nouæ libertatis architectos, amoris nouitatu excacatos* : & quod caput est, *πλῆθος*, quod tu homo Græcè valde do-ctus malo spiritu afflatus interpretaris : de quo paullo post dicam.

Tu igitur ob illa, & eiusmodi alia, quæ in hæresim vestram meritò iactata legeras, exarsisti protinus iracun-dia ; neque continere stomachum tuum, vel lenitatem, quam sponte tibi indideras, mimum, ac personam ad fi-nem vsque seruare potuisti. Itaque ambas iratus bu-e-cas inflasti ; ac cùm alia nimis iracundè ; tum hæc sanè horrenda iecisti : ^a *Quis veritatis ignarus non homines, sed hominum monstra esse, ex Canibalis, aut montibus Riphæis huc aduecta non putet ?*

Quid si hæresim vestram non illis, quæ in Indiculum redegisti, tolerabilibus utique dictis, & vltatis notassent illi isti, quos Canibales, & ex montibus Riphæis aduecta monstra nominasti ; sed iisdem vti in Armacanos, id est hære-

^a Vincent.
Præf. lib. 1.
p. 164.

hæreticos essent, quæ antiquissimi, & sanctitate, ac doctrina celeberrimi Patres vsurparunt? Quid si vaniloquos, mentis seductores, Christum mercantes, verbi Evangelici caupones, lycophantas, fructus mortiferos, progeniem maledictam, inimicos crucis Christi, feras homicidas, sementem Diaboli nequam, cippos, & sepulcra mortuorum, serpentes, draconculos squamosos, aspidēs, basiliscos, scorpiones, lupos, & simias, & cetera eiusmodi illos nominassent, quæ in epistolis scripsit Ignatius? Quid si viperas, stelliones, scorpios, cerastas, aspidogorgonas, lacertos, bicipites serpentes, venenatos crabrones, dipsadas, buprestas, scarabæos, septicipites hydras, cantharidas, effratissimas beluas; vocarent? quæ quidem, & iis plura in Nouorum auctores dogmatum contorquet Epiphanius. Quid si Athanasium imitati, illorum patrem dicerent *Diabolum*? si eisdem *ad omnem impietatem proiectos, hypocritas, nullo pacto Christianos; immo Christianomachos, demonum similes, apostatas, latrones; innumertis denique aliis vocabulis appellassent, quibus idem in hæreticos desæuit Athanasius?*

Possunt similia quamlibet multa Patrum dicta commemorari, quibus, tanquam spiculis, & præcutis iaculis, succrescentes hæreses, cum earum repertoriis confixerunt. sed in paucis istis specimen dedisse sufficiet.

Hic tu mihi, Vincenti, forsitan occurre; ab antiquis illis fidei Catholicæ defensoribus, tanta in hæreticos probra & conuicia meritò esse coniecta: In vos autem, vestramque sectam minimè conuenire, qui nec hæretici estis; & pura, sinceræque Augustini decreta repræsentatis: ^{a Vinc. lib.} cuius ^{a. p. 139.} *profundissima doctrina lucidissimam faciem vester ille accendit antistes, in quam ex tenebricoso illo profundissima doctrina specu oculos attollunt identidem mystæ, & consecranci tui, ne vertigine tentati in præceps ruant.*

Ain' tu verò? Non sunt hæretica, quæ ex Lutheri, Caluini, ceterarumque pestium venenis *Iudæizæpos* illo Iprensis Augustinus expressit? Non est hæreticum, liberum hominis arbitrium dicere cum solo pugnare vio-

lento; cum eò verò, quod necessarium est, nec aliter fieri potest, consistere? Quam quidem opinionem S. Thomas *hæreticam* olim esse iudicauit. Non est hæreticum, asseuerare, Legem à Deo per Moysen Iudæis datam, ex professo fomentum, ac præmium terrenæ, ac vitiosæ cupiditati promississe? Non est hæreticum, negare gratiam vllam sufficientem à Deo subministrari, qua bene, si velint, agere homines, & peccata vitare possint? Non est hæreticum, affirmare Deum ad ea facienda homines præceptis suis obligare, quæ præstare nequeunt? Quod ex proximè antecedente dogmate necessariò esse consequens. Quid illa? Parùmne sunt hæretica, Amorem concupiscentiæ, quo in Deum feruntur homines, esse vitiosum, & peccato contaminatum? Item, Attritionem ex gehennæ timore conceptam, in vitio, ac delicto esse ponendam? Tum hoc etiam inconstanter ab Armacano dictum, & isti contrarium; Eundem gehennæ metum, etsi bonus sit, & ad peccatum delendum utilis, atque à Deo, & Spiritu sancto proficiat, tamen ex Christi gratia minimè fieri? Aut istud, ignorantiam, quam inuincibilem vocant, à culpa non excusare? Si hæc pauca de multis raptim & tumultuariè collecta de magistri tui libris ac tua, Vincenti, *theriacâ*, dogmata hæretica non sunt, quid hæreticum appelles non video. Certè sana & catholica nemini sano, & catholico videri possunt, eum tot Romanorum Pontificū decretis notata, & inter *hæreticas, erroneas, suspectas, temerarias, scandalosas sententias* relata, damnatâque fuerint. Extrahac de re P. j V Constitutio, quam Gregorius XIII, & Urbanus VIII Pontifices ratâ postea nouis decretis esse iusserunt. Quorum ad eludendam, labefactandamque vim quas non artes, ac præstigias hætenus adhibuistis! Sed de calliditate, vel contumacia potius vestra; quæ hæreticam prorsus indolem sapit, deque subdolis interpretationibus, quibus contra supremam auctoritatem ad hanc vsque diem repugnatis, nihil hîc attinet dicere; præsertim cùm ea res, vestraque

illa fraus sic aliorum opera scriptisque patefacta, illustrataque sit, nihil ut ad ista noui, indictique possit accedere. Hæc ad purgandam stili nostri in vos acerbiter peroranda duxi, *Vincenti*, quæ vel iniquissimis censoribus probaturum me esse confido. Quod si durus, ac molestè querulus nihilominus esse pergas: certè, quod reliquum est, in te, exemplumque tuum intueri iubebo; & hoc cogitare, quàm sit indignum, eam te moderationis, ac patientiæ legem aliis ferre, quam tibi ipse non præscribas.

Enimuero festius, ac lepidus es homo, *Vincenti*. Tu in aditu ipso theriacæ tuæ longam explicasti querimoniam de Petauio, & Ricardo, & in scribendo asperitate amborum, & iracundia: quam etiam displicuisse narras *viris eruditis veritatis confisus*, qui negabant se vix vnā Ricardi paginam sine ira, & flamma, ac libriè manibus abiectione, posse legendo percurrere. Addis, te plaustra denique conuictorum, qua in illum sanctum & eruditissimum Episcopum (Illum nempe, cuius librum, cui titulus est *Augustinus*, multas ex propositionibus olim ab Romanis Pontificibus prohereticis, erroneis, suspectis, temerariis, scandalosis & in pias aures offensionem immittentibus damnatas continentem & renouantem, sub excommunicationis pœna legi, ac retineri vetuit nuper Urbanus VIII, approbante, qui nunc eandem sedem obtinet, Innocentio X) quæ igitur in illum, pariter ac vos Petauius, & Ricardus tegerant, ea tibi regere nec otium, nec curam fuisse profiteris. Sciebam quippe, ais, infirmitatis signum, & seminarum morem esse, ut superata ad conuicia conuertantur; & à S. Hieronymo audieram: Maledicentibus remale dicere, nihil prodesse ad causam. Cùm hæc tam magnificè lectoribus tuis de te, ac scribendi genere institutòque tuo pollicitus esses, ubi ad rem venisti, omnium illorum, ac tui ipsius oblitus, in illud ipsum infirmitatis signum, ac seminarum morem relapsus es, ut maledicentibus remale diceres, ac plaustra conuictorum in eosdem, à quibus erant iacta, regeres, αὐτὰ τὰ μὲν ὡ,

a Vinc.
Præf. ad
Lect. p. 1.

ἔλκιστον, vt Hesiodio praecepto morem gereres. Relege theriacam tuam, & quanta ibi sint in Petauium, & Ricardum ἀλαζονεύματα, maledicta, conuicia, dieteria, scommata in illos iacta recognosce. Quæ quidem tuus exemplum in subiecto Indiculo collecta describam.

*Vincentij Lenjs, id est Liberti Frodomondi Louanien-
sis Doctoris, modestia specimen ex illius libro,
qui Theriaca inscribitur.*

PRIMUM libri titulus ipse conuicio non vacat. Nam *theriacam, aduersus Petauij, & Ricardi libros* proscribere, quid aliud est, quàm *venena* illorum libros esse dicere, & auctores ipsos pro venefariis, & maleficis traducere? Iam vtraque Præfatio primi scilicet, ac secundi libri tota est Ἀγούρη. In priore, Petauianam eloquentiam ludibrio habet homo latinitatis in scribendo spurcissimæ. In posteriore, Petauij ac Ricardi mores satirico felle perfundit. Cetera per saturam congesta sunt eiusmodi.

Philosophia Petauij, & Ricardi pseudoperipatetica: Petauij & Ricardi crepitacula, quibus S. Augustinum, & veritatem circūstrepunt: ambo in vertiginem, & errorem inciderunt; Ixiones nubem pro veritate amplexantes. Vehementer Petauium fallit, & fallitur: perpetua eius hallucinatio: Ambo in aduersarios suos spumea lingua depluunt, flammea ira detonant: genius & consilium gladiatorum istorum: sexcenta similis flamma splendida Petauij bilis expuit. Quis te genius à mente tua, sic de repente alienauit? Quis veritatis ignarus, non homines, sed hominum monstra eos esse, ex Canibalis, aut montibus Rhiphis huc aduecta non putet? ferox & masculus es, mi Ricarde.

Ista ignorantia crasse nebula, in qua duo illi homines perpetuò ambulant, errare pleraque omnia eos fecit, quæcumque errauerunt, & delirauerunt. Dura tua mensi fortiter hac impri-

me Ricarde. Similes Adrumetini Reuerēdi Patris Molinae. Item de Ricardo, & is verbum vnum, sed valdè verum audire? Omnes lectioni S. Augustini paulisper assueti vident tirocinium suū hīc esse, nudius tertius cōpisse eum legere; & ut nemo animosulus, sicut tu es, facīle imaginatur alium se potiorē esse, in breui tua clesphdra longam & pertinacem illius Reuerendissimi Episcopi diligentiam voluissē metiri. Obseruetur hoc Frodomondi perinde contumeliosum, ac sermonis incondita barbaric virosum maledictū. Pergit deinde, itaque, mi Ricarde, discē posthac speciosius, & credibilius mentiri; & si me audis, ingeniosam Ouidij Nasonis Metamorphosim leges, & imitabere, ut te doceat magis consequenter fabulari, & rebus vanissimis colorem aliquem, & verisimilitudinem aspergere. Ricardus & Petanius furiosè assultant. Et ut magis mireris, ac Ricardi cecitatem videas. Pessima tua causa talibus indigebat testibus, ut fieret dignum patella operculum. Nec Ricardi stoliditas hīc itetis. Nescio an risu crepare debeat cum Democrito. Quis enim veritatis oculis hanc rem intuearis, non desceat hominum aliās errantium cecitatem, & indisciorum deprauationem, ubi ira, inuidia, aut sequior affectus intellectum eorum obnubilat, & precipitat? Quā falsum, & puerile est quod fabularis! Legat te quisquis volet, & vacat, probationis tua illic frigus, & nugae videbit. Quae omnia te indigna, puerilia, & stulta sunt. Haec est illa tam clamosa hodie Petanij philosophia, ex philosophorum huius seculi imaginatione figurata. Si me medicum consulant, dilutius posthac bibent; aut, ut Carneades, bilem expuent candido helleboro. Tota Petanij, Ricardi, Suarez, Molina, Lessij, Raymundi disputatio videtur mihi ferre esse de lana caprina, & querere nodum in scirpo. Theologorum commune placitum sophistica adulteratione infamat Ricardus. Velle autem similibus ventis, librorum suorum molem inflare, nonne est hominum, qui in talibus parergis & nugarum diuerticulis temperant, & paginas perdunt?

Discē aliis telis, Ricarde, non putridis istis pomis nobiscum & cum S. Augustino μολομαχῆν. Veterem suum, & confutatissimum errorem erras Petausus.


Hæc sunt modestissimi hominum Vincentij, & cùm maximè lenitate vtentis sua, in Petauium, & Ricardum dicta clementer, & humaniter. Quæ si quis ad illud referat, quod in vtriusque libri Præfatione sponte sua denuntiauit, se absque conuiciis, & acerbitate responsurum illis ambobus esse; non poterit, quin & tantam rideat leuitatē hominis, atque à suis cogitatis, decretisq̃ue discordiam: & os illius miretur, qui quam in aduersariis suis reprehendit asperitatem, & impotentiam, hanc in eodem ipso, vbi reprehendit, libro, non imitatus modò fuerit, sed etiam longo interuallo superarit.

Age enim quid est in Ricardi, & Petauij libris, quo se, suosque maximè violatos, & offensos conqueri possit, quod non in eos acerbis, iracundijsque retoiſerit? Est tamen, inquit, vnum atrox inter cetera, & intolerabile maledictum, quòd Armacani sectatores Græco vocabulo *πλῆγας* Petauius appellet: quod ille *malo spiritu affligit* interpretatur. Offendit eadem illa vox & Armacani defensorem nostratem in Apologetico secundo; in quo proteruè, ac parum pudenter in D. Haberrum inuestus est, tunc cathedralis Ecclesiæ Parisiensis Theologum, nunc Vabrensem Episcopum, virum pietate ac doctrina longè præstantissimum. * In illo libro de *πλῆγας* vocabulo *μαρτυρὸν ἐκείνῳ ἀνεκτῶς*: ac *veneficum*, aut *demonem* interpretatur. Et ex Græcæ linguæ scriniis reconditiorem vocem petitam à me esse dicit, vt duplex illud conuicium sub vno nomine in Armacanum iacerem. Atqui non tam arcanum, aut exquisitum vocabulum istud est, nec tanto studio ex ipſiore hellenismi copia repetendum: sed eiusmodi, vt solos linguæ istius tirones absterreat. Ac ridiculum prorsus vtrique hoc illi contingit, Anonymo scriptori Apologetici, & Theriacæ Vincentio. Ambo ista voca percussit cùm de vi eius & proprietate Lexica sua consulissent, nihil præterquam quòd inibi extabat, expromere de illa voce potuerunt. Et nescio quo casu accidit, vt Vocabuliorum auctores,

* Apolog.
lib. 1. c. 15.
p. 221.

etiam accurati & eruditi, velut Thesauri locupletissimi scriptor Stephanus, eas solas notiones persecuti sunt, quas illi solas attigerunt. Verum præter hos, etiam *φθονοὶ*, & *ζήλορες* significati auctor est Eustathius, ad Iliadis librum novum pag. 772. hoc est *invidos*, & *obrevatores*. Hoc sensu tum in Oratione quarta Themistius: tum Synesius epistola cxi v. nomen illud usurparunt: & eorum nos imitatione *πλῆρες* haud inſcitè vocavimus homines illos; quorum sectam, ac disciplinam non aliunde sciunt omnes, quàm ex odio & inſectatione dissimilium sui, & invidia esse constatam.

Satis arbitror pro catholico dogmate ad huius oppugnatricem Vincentij theriacam esse responsum. Quod si cui brevius, quàm vel pro argumenti copia; vel pro mole aduersarij Operis fecisse videor; velim ambo ista legat, inter seque componat: tum sciet profectò, si res ex Vincentiani libri merito ponderetur, nihil ad hunc refutandum pluribus; ac ne nostris quidem illis fortasse paucis opus fuisse.



Emendandum in hoc libro.

Pag. 23. linea 30. pro commentum, scribe, mendacium.

Summa Privilegij Regis Christianissimi.

CAUTUM est auctoritate Regis, ne quis in Regno suo aliisve locis suæ ditioni subditis, intra decem proximos annos, librum qui sic inscribitur, *DIONYSII PETAVII Aurelianensis à Societate IESV Elenchus Theriacæ, &c.* absque SEBASTIANI CRAMOISY Regis & Reginæ Regentis Architypographi permissu imprimat aut diuendat, à die publicationis horum exemplarium: qui secus fecerit multa indicta, prout amplius in diplomate Regio continetur, mulctabitur. Datum Parisiis die 4. Nouembris 1647. Sic signatum, De mandato Regis,

CEBERET.

APPROBATIO PROVINCIALIS.

EGO STEPHANVS CHARLETVS Societatis IESV, in Prouincia Franciæ Præpositus generalis facultatem concedo, vt liber cui titulus est, *Elenchus Theriacæ Vincentij Lenis, à P. Dionysio Petauio compositus, & trium eiusdem Societatis eruditorum virorum iudicio approbatus typis mandetur: in quorum fidem has literas manu mea subscriptas meique officii sigillo munitas dedi.* Flexiæ 20. Octobris 1647.

STEPHANVS CHARLETVS.







